

ПЕТӖ 1926 ВОСЯНЬ

ЛЭДЗӖНЫ: КОМИ РЕСПУБЛИКАСА ГИЖЫСЬ КОТЫР, ПЕЧАТЬ ДА ЮӖР
СЕТАН КОМИ РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТӖЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

1 ТӖВ ШӖР (ЯНВАРЬ) 2011

ТАЙӖ НОМЕРЫН:

Ольга БАЖЕНОВА. Выль кывбуръяс	3
Алексей ПОПОВ. Миян бӖрся кыйӖдчӖны. Кык юкӖна пӗса-мойд	6
Виктор НАПАЛКОВ. Войся ангел. Роман	25
Ксения КАРМАНОВА. Выль кывбуръяс	46
Алексей ВУРДОВ. ПрӖв МикӖллӖн «флор»	48

П.Ф.ШАХОВЛЫ — 80

Александр УЛЬЯНОВ. Пер рӖд — бур рӖд	59
Пётр ШАХОВ. ТӖлыс бара вӖлі кӖдзыд. Висьт	67
«Эзысь борд» конкурслы кывкӖртӖд	79
Выль небӖг	80

Обложка вылын снимокыс **Дмитрий НапалковлӖн.**

© «Войвыв кодзув» («Северная звезда»), 2011 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



РЕДАКЦИОННАЯ КОЛЛЕГИЯ:

Главный редактор

ЕЛЬКИН М.А.

Зам. гл. редактора

ПОЛУГРУДОВ А.В.

Ответственный
секретарь

КИЧИГИН И.Н.

КОЗЛОВ Е.В.

ЛИМЕРОВА В.А.

ТИМИН В.В.

УЛЬЯНОВ А.В.





Выль кывбурьяс

* * *

Кодкӧ енэжас йӧвсӧ кисьтӧма
Дзодзӧг туйӧн.
Кадыс водзын на — помтӧг курав,
А тэ — мунан.
Ӧтув олӧмным сӧмын на паськаліс
Ойдӧм юӧн.
Ваыс воссигӧн — сӕян вежсяс и...
А тэ мунан.
Мыйта синва нин лои кисьтӧма
Тувсов муас...

Измӧм синваӧн войнас югъялӧ
Дзодзӧг туйыс...

* * *

Весиг медся гӧль мортыс
Шонді пуксигӧн
Сынӧ зарни пелысӧн.

* * *

Мӧс вӧра йӧлӧн
Ойдӧмаӧсь мылькъясыс.
Кокни.

* * *

Кадыслӧн визулыс
Шоглунӧс уськӧдіс
Бужӧда эжаӧн
Ваӧ.

Челядь

Ва кодъ сѡстѡм енѣжас
Куткырвидзѡ шонді.
А ме горув котѡрта
Батьѡ ордѡ.

Чери кыйны босѣтѡны
Медводдзаысь менѡ.
А ме радла, гусѣѡнмоз
Ыджыд Сирсѡ кевма.

Кокѡй нуѡ тѣрыба,
Тѡвру пѡльтѡ воча.
А мен нимкодъ — олѡмѡй
Ставнас водзын.

* * *

Эм пѡ му вылас кѡнкѡ
Дзоридз —
Сійѡ пѡртмасѡ асывсянѣ
Войѡдз.
Рытѣя кыа кодъ рѡмыс
Сылѡн.
Шѡрыс — бишурлѡн: ломзѡ и
Сылѡ.
Бытѣѡ зѣр бѡрын сѡстѡм
Сынѡд,
Кодыр бусыс да нйаыс
Бырѡ —
Сѣтшѡм ловзѡдысь сійѡ да
Вежа —
Ловтѡ сѡстѡмланы, кокниланѣ
Вежѡ.
Эськѡ аддзыны меным
Сійѡс —
Медым мойджывйыс вемѡсѡ
Збыльмис.

* * *

Туруныс нѡдыштас,
Мый мекѡд лоѡ,
Войнас мен гусѣѡндзи сыылас.
Асывнас шондіыс садьмас
И мусалысь
Пужѣялѡм сѡлѡмсѡ сывдас.

* * *

Менѡ виччѡны пыжѡй ордын.
Сѣтшѡм югыд да лѡнѣ.

Тѳлысь вольсаліс ва вылас ордым —
Шабді дѳраньсь йѳв еджыд вѳнь.

Мыйта шогси ме, гырddзаѳс курччалі,
Кѳсйи бурджыкѳн лоны и весь.
Кымын нарманлы* пинь вылас тувччылі,
Мыйта вын менам кывтѳма весь...

А ѳд коліс мен ѳтитор вежѳртны:
Кутшѳм выйым ме, сѳтшѳм и эм.
Абу ыджыдджык, абу и ичѳтджык.
Менѳ татшѳмнас чужтыліс Ен.

Ставсѳ, мый запті ме кузь туяс мунігѳн,
Ставыс нин аскѳд, кѳть нинѳм эг сѳуй
Некутшѳм сепысѳ, кокни мен лов вылын...
Водзвылын пѳртмасѳ ѳѳв еджыд туй.

* * *

Нинѳм пензянаыс эз и ло:
Сѳмын кокниа инмѳдчин
Чуньясѳй помѳ.
Весиг некод эз казавлы, но
Кутшѳм кыпыд и сѳѳлѳмлы
Шоныд.

Поэзия

Тѳнѳ поэѳ ѳазавны
Югыд бана асывнас,
Кызвыныс кор узыѳны.
Но оз узыны найѳ,
Кодлы любѳ аддзыны,
Шондіыс кыз кайѳ.

❖ ❖ ❖

* Нарман — (диал.) куран.

Миян бөрся кыйөдчöны

КЫК ЮКОНА ПЬЕСА-МОЙД

ВОРСЫСЬЯС:

КӨИН
КӨЧ
РУЧ
ЁМА ПӨЧ
КӨДЗЫД ПӨЛЬ
ЛЫМНЫВ

МЕДВОДЗА ЮКӨН

Петкөдчöмыс вöчсö вöрын. Сцена вылын некымын пу. На пöвстын коз.
Тэрыба котöртöмөн мыччысö Көч. Сы бөрся вöтчö Көин.

КӨИН. Чеччав көть эн — кузяөн суöда!

КӨЧ. Кор нин бара тi меысь эновтчанныд-а? Войнас да луннас, тöвнас да гожöмнас — сьöлөм вылын некор абу лöсьыд. Пыр тiянысь повны ковмö.

КӨИН. Ме öд абу мыжа, мый век кынöмöй сюмалö. Со и ковмö тэ бөрся ризъявны. Он мöй тайöс гөгөрво? Вöлi кө эськö пöt, сэк и сёрниыс эз вöv. Чайтан, ёна телепит меным быд лун аштытöдз котравны? Кымынысь нин со талун усылi. Аддзан, став кокъясöй увъясас парсасьöмaсь.

КӨЧ. Мыйла нö эськö менö вöтöдан? Сёяныс жö гөгөр ты-рыс.

КӨИН (*сувтö*). Көнi? Көнi нö сёяныс?

КӨЧ. Со тай нö бадь пу быдмö. Сылөн кырсьыс тöдан кутшöм чöскыд! Нимкодьпырысь эськö öнi сийöс йирыштi, да тэ со он сет, ме бөрся котралан.

КӨИН. Тыпу-у! Кутшöм нö сийö сёян? Бадь кырсьыс. Меным мöдтор колö. (*Бара босьтчö вöтчыны Көч бөрся.*)

КӨЧ. Менö öд кутны на колö. А баддьыд да пипуыд век öти местаын сулалöны. Кор көсьян, сэки позьö кырсьсö кульыштны.

КӨИН. Ачыд и йир кырсьсö. Меным нинöмла вöзйыны.

КӨЧ. Кыдз нö сийöс сёя? Тэ жö со вöтлысян ме бөрся да. (*Видзöдысьяслы.*) Тi көть нин сылы висьталöй, медем öвсис ме бөрся котравнысö. (*Видзöдысьяс, дерт, босьтчасны öлöдны Көинöс.*)

КӨИН. А кодөн нö ме сэки чöсмасьны кута? Тiянөн али мый? Видзöда да, ставныд тi гөгрöсиникöсь. (*Көсйö матыстчыны видзöдысьяслань.*) От сiдзкö вөрзöд. Зэв полысьöсь да. Сэсся и ог вермы ме тiянöс кутнысö. Зэв тэрыбöсь да. Көчысь на öдйöджык котраванныд. А шойтчыштнытö збыльысь колö. Сэтшöма

мудзи, мый кокъяс нин линдзирасёны, оз кутны. Эй, Көчөй, гашкө и, тэ шойччыштан? Мудзин жö öд, көнкө.

КӨЧ. Ме некор ог мудзлы. (*Котөрөн саймовтчө.*)

КӨИН (*отнасөн кольём бөрын пуксьö да гөгөрбок вигзöдалö*). Мыйкө вöрыс зэв тöдса. Тайö пуяссö ме быттö коркө аддзывлi нин... Збыль мöй? (*Сувтö да матыстчö коз горö.*) Збыль мöй сйö? Козйис, кодöс ми кольём во помнас баситлiм. Сйö öд и эм. Да, эм мый казтывнысö! А козинъясыс кутшöмöсь вöлiны! Кампет көрыс öнi на быттö вомын кылö. Ок эськө, öнi кө наөн чöсмасьштны! Но öд Виль воöдыс сэтшöм на ылын. (*Вигзöдалö гөгөрбок, казялö гжоджын куйлысь кабала.*) Мый нö сэнi куйлö? Кампетсö кодкө сэкинас уькөдöма али мый? (*Лэптö.*) Абу тай кампет вöлöма. Кутшöмкө кабалатор. (*Разьö.*) Мыйкө весиг татчö гижöмаöсь. Ог öд и сяммы лыддынысö, лёка мöдi аддзынысö да. Öчкиöс гортö кольсьöма и...

Мыччысьö Руч. Тэрмасьö.

РУЧ. Збыльысь али мый нö сёрми? Көинöй, тэ дзоньнас нин слöймин ньылыштны? Меным весиг эн кольышт?

КӨИН. Нинöм на ме эг ньылышт. (*Кабала вылас вигзöдiрмоз.*) Тайö жö абу кампет кыш. Кутшöмкө кабалатор со. На, видзöдлы көть.

РУЧ. Мый нö меным кабалаторсö мыччан? Ме Көч йывсьыс юася да. Эн мöй весиг неуна кольышт?

КӨИН. Пышйис сйö, эг сяммы суöднысö. Эбöс дзикöдз сылiс, сэтшöма мудзи со. Пукси татчö шойччыштны. И кабаласö казялi. На, видзöдлы, ёна кө окота.

РУЧ. Öшйис сэнi ме вылö аслас кабалаторнас.

КӨИН. Татчö мыйкө гижöмаöсь, а ме нинöм ог аддзы. Öчкиöс гортö кольсьöма. Тэнад, чоюк, синъясыд ёсьджыкось. Томджык на да. Лыдды, мый сэтчö сарпалöмаöсь.

РУЧ. Ёна тай колö быд нинöм абусö лыддыны. Чайтан, мыйкө коланаöс сэтчö гижöмаöсь?

КӨИН. Гашкө, мыйкө сёян йылысь висьтавьö. Индöмаöсь, кытчö сйöс саймовтöмаöсь. Ставыс öд вермас лоны. Зэв öд ёна кынöмöй сямалö. Лыдды, а то...

РУЧ. Мый нö повзьöдчан сэнi? Мый нö тэ мекöд верман вöчны?

КӨИН. Ачыд зэв бура тöдан. Меным öд веськодь, мый көч, мый руч... Медем сöмын...

РУЧ. Вай татчö! (*Босьтö кабаласö.*) Печатнöй шыпасъясөн гижöмаöсь. Гашкө, найö бурджыка лыддясны да? (*Индö вигзöдысьяс вылö.*)

КӨИН. На помысь. Найö жö лыддысьнысö на оз кужны.

РУЧ. Кыдзи оз кужны? (*Вигзöдысьяслы.*) Збыль мöй он кужöй? (*Вигзöдысьяс вочавигзöны.*) Кылан, мый найö шуöны? Кужам пö нин лыддысьнысö! Налы сiдзкө и сетам. (*Кöсйö матыстчыны вигзöдысьяслань.*)

КӨИН. Сувт, гөрд гача Руч! Юрнад торксин али мый? Он мöй гөгөрво, мый найö миянысь на водзджык тöдмаласны, көнi чöскыдторъясыс куйлöны. Видзöд, кутшöм найö визулöсь. Котёртасны кө — он бара суöд. Оз, оз ков налы сетнысö. Ачым нин

кызкө-мыйкө лыддя. (*Мыргдыö кабаласö.*) А то вывтi тай ставныс тэрыбось дась сёянсö тшапнитны.

РУЧ. Лыдды нин. Кутiн сэнi сую каттыны. Ме öд тшыг жö. Сэсса и чöскыдторъястö важөн нин эг видлыв. Гашкö, Кöдзыд пöлыд тайö кабалаас гижис, кытчö козинъяссö дзебöма?

КÖИН. Вермас лоны. Ми öд кольöм Выхь восö буретш танi паныдалiм. Видзöдлы бурджыка. Тöдмалiн местасö?

РУЧ (*гöгöрбок видзöдалö*). Сiдзи и эм. Танi ми и вöлiм. Тайö козсö ме аслам киён сэки баситлi. Дзик öтнамөн.

КÖИН. Эн вай ку пиысь петкöд! Кыдз тай лöсышта! Тадзи шуöмсьыд. Эн тай дзик öтнадөн вöv. Ми ставным чачöяссö тайö коз вылас öшлiм. Весиг Кöч мянкöд вöлi.

КÖЧ (*мыччысьö*). Сiдз, сiдз. Ме тшöтш вöлi.

РУЧ. Видзöд, кузь пеляыд ачыс локтис. Ас кокъяснас.

КÖИН. Дзик тай тэ вежöртöм. Сылөн абу кокъяс, а лапаяс.

РУЧ. Дзик öткодь. Ачыс тай со воис-а.

КÖЧ. Тiянлы менö кутны на колö.

РУЧ. Тайös ми тэрыба вöчам. (*Кöсийö уськöдчыны Кöч выlö.*)

КÖИН. Сувт! Ми сийös ог на вöрзёдöй. Миян ыджыдджык могъяс на эмось. Со татчö ставсö гижöмаось. Сöмын тай не-кыдзи лыддынысö-а.

КÖЧ. Гашкö, ме лыддя?

РУЧ. Видзöдтö, кутшöм наян! Корсь да сэки лыдды. Тайö кабаласö ме на аддзи. Некодлы ог сет.

КÖИН. Кыдзи тэ аддзин?! Со öд яндысьтöм синмыд! Кыдзи сöмын кывийд бергöдчö тадзи шунысö? Босьта да ачим и лыддя. И некодлы ог висьтав, мый сэтчö гижöмаось.

РУЧ. Лыдды, сямман кö. Пöрысь выживь.

КÖИН (*зильö кутны Ручös*). Дзикöдз тай ку пиысь петкöдiн! Видзчысь öнi меысь! Кута да петкöдла ме тэныд «пöрысь вы-жылös»!

РУЧ. Он кут! Он су! Он жö лыдды и!

КÖИН. Лыддя! Мукöдсьыс на öдйöджык лыддя. (*Видзöдö ка-бала выlö.*) Мыйла нö шыпасъясыс сэтшöм поснийсь? Нинöм ог аддзы.

РУЧ. Вайлы татчö. Ме аддза.

КÖИН. Эн суйсьы. Бурджык, Кöчлы сета. Кöчиль, тэ бура на аддзан?

КÖЧ. Ог на тай синъяс выlö норась-а. А тэ менö он тшапкы?

КÖИН. Эн пов, Кöчильöй. Менам öнi сёяныс помтöм-дортöм лöö. Чöскыдсьыс-чöскыд. Тайö кабалаас гижöмаось, кытчö сийös саймовтöма.

РУЧ. Со öд тэ кутшöм. Кöч дор нин сувтiн.

КÖИН. Тэ нö век на танi? Весась син водзысь! (*Мыччö ка-баласö Кöчлы.*) На, лыдды. Сöмын гораа.

РУЧ. Гораджыка лыдды.

КÖИН. Он тай тэысь мын! (*Вöтлö Ручös.*) Лыдды, Кöчильöй.

КÖЧ (*лыгдыö*). Ин-струк-ция. Мый нö тайö сэтшöмыс?

КÖИН. Кутшöмкö сёянлөн ним, гашкö да. Водзö лыдды.

РУЧ. Сийö ачыс нинöм оз тöд. Инструкцияыс — сийö... кытчö козинъяссö дзебöмаось. Эн кыскы, водзö лыдды.

КÖИН (*Кöчлы*). Шулi жö тэныд, мый эн сэтшöм гораа лыдды. А тэ... эсийö гöрд гачаыс и со кылöма. И найö (*ингö видзöдысьяс*

вылө) тшөтш. Найө өд кызд кывласны, кытчө козинъяссө сай-мовтөмаось, пыр жө и котөртасны сэтчө. Найө ок тэрыб кокаось.

КӨЧ (лыггьө). Көдзыд пöльы колө...

КӨИН. Эң, мися, сэтшөм гораа. Мый нө сылы колө?

РУЧ. Вывьося козинъяссө дзебны. Со мый сылы колө вөч-нысө.

КӨЧ (водзө лыггьө). Колө во гөгөр чөж видзөдны став бөр-сяыс.

КӨИН (гөгөрбок вигзөдалө). Кыдзи видзөдны? Көні нө сійө? Ті эн аддзылөй?

РУЧ. Мыйла нө миян бөрся видзөднысө? Эн кыскы, водзө лыдды.

КӨЧ (Көинлы). Лыддыны али мый?

КӨИН. Лыдды.

КӨЧ (лыггьө). Видзөдны став бөрсяыс, медем во помнас ку-жөмөн юкны козинъяссө. Кодкө кө асьсө лёкногөн петкөдлас, сылы тайө лунсьыс шоколад кампетсө оз ков кулёкас пукты-нысө. Либө жө сы пыдди пуктыны карамель...

КӨИН (мырггьө Көчлысь кабаласө). Тырмас ассиянд вись-тавнытө. Эз жө кө тадзи гижны-а! Эй тэ, пашкыр гөрд бөжаөй, матыстчыв талань. (Руч матыстчө.) Öнi вай тэ лыдды.

РУЧ (босьтө кабаласө да лыггьө). Збыльысь сідзи гижөмаось. Збыль мөй нө Көдзыд пöльыс миян бөрся кыйөдчө?

КӨИН. Эң сөр. Тайөс өд абу жө кө гижөмаось-а. И тэ тшөтш жө кутін ылөдчыны. (Ырыштчө Руч вылө.)

РУЧ. Варт, кучкы меным! Көсьян кө карамель йирны. Ме кызкө-мыйкө терпITYшта. Сы пуд Вывь онас кута шоколадөн чөсмасьны.

КӨИН (тэрыба лэгзө кисө, гөгөрбок вигзөдалө). А збыльысь кө сідз гижөма? Ме өд абу на дзик бөб. Ті кутанныд шоколад тшкөдны, а ме карамель нөнявны?.. Ог морав! Ме шоколад жө көсья сөйны.

КӨЧ. Тэныд талун Көдзыд пöльыд шоколадтө өдвакө нин пуктас.

КӨИН. Мыйла? Мый нө лёксө талун вөчи? Ачыд жө ад-дзылн, мый ме тайө мудер Ручыслы весиг чунь помөн эг ин-мөдчыв.

РУЧ. А кодi нө ме вылө лёкысь ырыштчыліс? Көдзыд пöльыд өд абу синтөм. Сэсса менө нинөм абусьыс наянөн на эльтан. Вай өдйөджык прөштша кор таысь.

КӨИН. Ме тэныд кора! Со тэ на кутшөм! (Бара өвтыштчө, но тэрыба гөгөрбок вигзөдлөм бөрын өвсьө.) Прөстит сідзкө менө, на... чоюкөй.

КӨЧ. И менсьым прөштша жө кор.

КӨИН. Колантор. Ме жө тэныд нинөм лёксө эг вөч. Найө висьталасны. (Ингө вигзөдысьяс вылө.) Ме өд сійөс эг дзерөд? Эг, дерт.

КӨЧ. А кодi нө ме бөрся лёкысь вөтлысис? Сөйны менө көсйис? Эң тэ?

КӨИН. Шуам, мый ме. Но ме таысь абу мыжа. Тшыг да. А гашкө, ме асьсьым кокъясөс песөм могысь тэ бөрся котралі. Сэсса и эг на төд, мый...

РУЧ. Сідз, Көчиль, сідз. Вөтлысис сійө тэ бөрся. Ачым аддзылі.

КӨЧ. И тэныд на... Ручөй, колө жө менсьым прөштша корны.

РУЧ. Мыйысь?

КӨЧ. Тэ өд менө тшапнитны жө көсийин.

РУЧ. Эн сөр. Ме нинөм вөчөм дорысь тэ бөрся котөрті, шмонь ради. Көдзыд пөльыс өд абу йөй, гөгөрвоис, мый теш ради тэ бөрся ризөді. Таысь оз мыждывны.

КӨЧ. Тадзи оз шмонитлывны. Менам сьолөмөй муртса эз пот тэысь пышйигас.

РУЧ. Сідзкө прөстит... он кө нин менсьым шмонитөмөс гөгөрво.

КӨИН. Сідзкө, тэныд, наянлы, шоколадка вичмас, а меным нинөм оз?! Тадзи оз жө позь! Сідзкө и менө, Көчиль вокөй, тшөтш жө прөстит. Сідз тай артмис. Зэв ёна кынөмөй сьумалө да. Төді кө эськө водзджык тайө инструкция йывсьыс, бадь кырсь йирышті, да сьолөм бурмис. Но ме эг нинөм төд...

КӨЧ. Нинөм, быдтор овлө. Ме тиянөс кыкнаннытө прөстита. А то зэв мисьтөма артмас — ме кута шоколад сёйны, а ті карамель йирны. Көдзыд пөльыс кө быттё убөлитас весиг карамельсө тиян кулөкө пуктыны. Зэв нин ті скөрөсь вөлінныд, кор ме бөрся котөртінныд. Сійө өд тайөс казяліс жө.

РУЧ. Збыльысь өд, эг лёкысь котөрт. Тэныд, Көчильөй, повзьөмыдла кажитчис.

КӨИН. Век тэ, Ручиль чөйөй, видзөдан пыксьыны, ылөдчыны. Чайтан, мый ылөдчөмыд бур?

РУЧ. Ме кодь веськыд оласногаыс вөр пасьталасьыс мөд оз сюр. Оз ков нинөм абусө меным лякны, Көинөй-воканөй. Көдзыд пөльыдлы тэнад весь шуасьөмыд оз жө сьолөм вылас во.

КӨЧ. Дугдөй вензынытө. Ме тиян ылө ог скөрав. Он кө быттё бара босьтчөй ме бөрся вөтлысьны.

КӨИН. Мыйкө коть сёйыштны, дерт, эз вөв лёк. Но ковмас, тыдалө, терпитыштны.

РУЧ. А меным кыдзи телепит кодөскө ылөдлыны! Ковмас та йылысь вунөдны. Мый сэсся вөчан? Бур козинтөг абу жө любө кольнысө да.

КӨЧ. Мый вөлі — вөлі. Вай тайө здуксяньыс босьтчам овны өтувийөн. Некод некодлы лёктор вөчтөг. Сэки Виль онас некодлы оз ло забеднө. Ставнымлөн кулөкъясын лооны өткодь чөскыд кампетъяс. Сідз өд, Ручильөй-чоюкөй, сідз өд, Көин-воканөй?

РУЧ. Сідз, сідз, Көчиль вокөй.

КӨИН. Гашкө и, сідз да. Дерт, бадь кор йирны абу жө любө...

Көч, Көин да Руч видлөны кутчысьлыны, коть эськө тайө ставныслөн артмө оз өтмоза. Мыччысьө Ёма пөч. Шензьөмөн видзөдө на ылө.

ЁМА ПӨЧ. Мый нө ті вөчанныд? Празьник али мый талун кутшөмкө? Виль воыс өд эз на матыстчы.

КӨЧ. Празьник, пөчук, празьник.

ЁМА ПӨЧ. Тэныд, көсөй синмалы, век празьник. Кор ловъяөн на кольөмыд. А эсйөяс мыйла сэтшөма нимкодьясьоны? Весиг видзөднысө зывөк. Сідз и кокөй чужйыны лэптысьө. (*Кылөдгө кок пөвсө, медым чужйыны Ручлы.*)

КӨЧ. Ёма пөчөй, оз ков! Тайө зэв ыджыд лёктор.

РУЧ. Мед чужйө. Сійө зэв нин пөрысь, да эбөсыс этша. Меным оз весиг мөрччышт.

КӨИН. Пöрысь эськө, да зэв лыось. Кыдзи чужьяс — оз ёна любö ло. Чужйы сылы, Ёмукöй, чужйы. Ставным пуд.

КӨЧ. Оз, мися, ков. Көин вокöй, мыйла тэ тадзисö шуалан?

КӨИН. Кыдзи мыйла? Мед сылөн наян чужöмас лы ёкмыль-нас веськалас. (*Вузöдысьяслы.*) Сідз öд? Мед чужьяс. Мый? Оз ков? Мыйла нö оз ков? Мукöдыслы сэки унджык вичмас. Сылысь шоколадсö меным, тиянлы пуктасны. Лёк али мый? (*Шеныштö кинас.*) Нинöм тай ті олöмсьыс он пöтурайтöй.

ЁМА ПӨЧ. Мый нö тэ, руд куаöй, сэні броткөдчан? Кутшöм шоколад йылысь нö гаралан?

РУЧ. Мый нö джөмдін? Чужйы нин öдйөджык.

ЁМА ПӨЧ. Мыйысь?

РУЧ. Кыдзи нö мыйысь? Сыысь... но... аслам нин вуні весиг. Мыйысь нö тэ, Ёма пөч, менö чужйынысö көсйин?

ЁМА ПӨЧ. Вунöді. Эг, эг вунöд. Кор ме локті, ті зэв сьö-лөмсяньныд кутчысьланныд вöлі.

КӨЧ. Тайö öд абу лёктор. Кутчысьлөмьд.

КӨИН. Мый нö таысь бурьыс? Меным, чайтан, ёна любö вöлі тайö на... Ручыскөд кутчысьлынысö? Со тай коvmö.

ЁМА ПӨЧ. Мыйла нö коvmö? Коді тиянөс мырдысьөнсö тшöктö?

КӨИН. Со тайö. (*Петкөглö кабаласö.*) Тані ставсö гижöма. На, лыдды.

РУЧ. Лыддяс сійö, виччысь. Пöчыс пöрысьысла дзик синтöм.

ЁМА ПӨЧ (*кыскö öчки*). Пыр сійöс аскөд новлөдла, он и тöдлы, коvmас. (*Көинлы.*) Вайлы татчö кабалатö.

РУЧ. Ме эськө эг сет. Мед нинöм оз тöд. Миянлы сэк унджык вичмас. Кольöм онас сійö бура гулайтыштис... Вунöдінныд али мый? Мыждыны сійöс таысь колö. Мед таво карамельсö йирö.

КӨИН. Збыльысь öд. Ог, ог сет ме тэныд кабаласö.

КӨЧ. Кыдз нö он сет? Меным чайтсьö, мый таөн тэ ыджыд лёктор вöчан.

КӨИН. Тыпу! Велöдысь аддзысис. Но и олөм жö пуксис! Эсі-йö лёк, и тайö абу бур... Кыдзи и овнысö сэсся?

ЁМА ПӨЧ. Нинöм эг кут гөгөрвоны тиянлысь. Мый нö лои? (*Ручлы.*) Мый нö тэ, Ручöй, менö кольöм Виль онас кутін кыскавны? Сетісны öд меным кулөксö. Тиянлы тшöтш жö и. Эг сöмын ме öтнамөн чöскыдторсö сөй. (*Көинлы.*) А тэ мый сэні ышнясян? Вай татчö ассьыд кабалатö. Мый нö сэтчö сэтшöмсö сарпалöмаöсь?

КӨЧ (*Көинлы*). Он кө сетнысö көсйы — ачыд лыдды.

РУЧ. Сійö жö оз куж лыддысьынысö. Кужис кө — важөн нин лыддис.

КӨИН. Эн сөр! Ме шыпасьяссö тиянысь бурджыка на тöда. Сöмын тай синмöй лёка аддзö-а.

КӨЧ. Ог пö аддзы, шуан. Менö тай небось век öдйö казялан. Со и талун...

КӨИН. И тэ сэтчö жö сынан! (*Көсйö чужйыны, но оз лысьт.*) Код тöдас, гашкö, збыльысь кытчөкө дзебсьöма да миян бөрся кыйөдчö.

ЁМА ПӨЧ. Коді нö тиян бөрся кыйөдчö? Вай висьталöй нин.

КӨЧ. Сэні, кабалаас, гижöма, мый...

РУЧ. Ланьт! Эн сылы нинөм висьтав.

ЁМА ПӨЧ (*уськөдчө Руч вылө*). Яндысьтөм син! Öнi тэныд ставсьыс вичмас!

РУЧ (*оз и мөвпав пышйыны*). Варт, варт. Аслыд жö лёк-джыкыс лоö. Кор Выхь воыс матыстчас.

КÖИН. Нöйт сйöс, Ёмаöй, эн жалит!

КÖЧ. Оз ков! Ёма пöчук! Эн вөрзёд Ручсö!

ЁМА ПÖЧ (*өвсьыштö*). Мый нö танi вöчсьö? Висьталöй нин öдйöджык! (*Кöинлы.*) Вай татчö кабалатö! (*Кöсйö мыргдьыны кабаласö. Руч пагмöдчö.*)

КÖЧ (*отсасьö Ёма пöчлы, да сяммöны мыргдьыны*). Мыйла нö тi татшöмось?! Мед и сйö ставсö тöдö. Лыддьы, Ёма пöчук.

ЁМА ПÖЧ (*ас улас лыгдьö. Сэсса шензёмөн вигзöдö став вылас*). Оз вермы лоны! Кытысь нö тi тайö кабаласö гудйыштiнныд?

КÖИН. Танi сйö куйлис.

КÖЧ. Кöин сйöс аддзис.

РУЧ. Сöмын лыддьынысö эз сяммы. Сы вöсна мый оз куж сйö лыддьысьнысö.

КÖИН. Ачыд тэ он куж! (*Ырыштчö Руч вылө.*)

ЁМА ПÖЧ. Öвсьöй!

РУЧ. Мед кучкö. Меным öд оз доймы.

ЁМА ПÖЧ. Ме эськö ачым нимкодпырысь тэнö чужйи. Но збыльсö кö татчö гижöма?

КÖЧ. Кабала вылад нинөм абусö оз гижлыны.

КÖИН. Сiдзи, сiдзи. Эз öд весьшөрö Кöдзыд пöльыслы сйöс сетны. Энөвтöй тайö наян Ручсö. Бурджык чöскыд кампет сёйны.

РУЧ. Йöймöдчинныд сэнi кутшöмкö сись кабалатор понда! Меным со и кампеттöгыс на зэв лöсьыд.

КÖИН. Ачыд, небось, кольöм Выхь онас зэв на чöскыда сi-йöс тьпкöдiн. Ме кори юксьыштны, да серамвыв лэптiн.

РУЧ. Оз ков вöли дзоньнас кулөксö öтырышгьяөн сёйны дай. Меным тай дыр тырмис.

КÖЧ. Ме öдйö жö став кампетсö сёйи. Чöскыд да. Видзöда да, кулөкыс тыртöм нин.

РУЧ. Но и олөм öнi вöрас пуксяс. Гажтöм жö лоö... Некодöс оз позь вөрзёдны, некодöс оз позь ылöдлыны...

ЁМА ПÖЧ. Пакöсьт вöчны некодлы оз позь и. Збыльысь öд гажтöм сэки лоö.

РУЧ. Ме тай та йылысь жö и висьтала. Вай вунöдам тайö кабала йывсьыс да важ моз овны кутам... Кöин, тшапнит Кöчсö!

КÖЧ (*чеччыштö боквыв*). Вай ог кутöй! Дерт эськö, ме слöйма усьысьны. Сэки меным став козиныс вичмас. Кöдзыд пöльыс тiянылысь босьтас да менам кулөкö дзумгас. Сы вöсна, мый ме некодöс ог дзерöд.

КÖИН. Эй, дженьыд бöжаöй, тэ и сiдз некодöс он сяммы дзерöднысö! Ачыд век полöмыдла тiрзян.

РУЧ (*Кöинлы*). Сiдзкö суöд сйöс, тшапнит.

КÖИН. Колантор. Ог кöсйы. Мед тэныд лёк лоас.

КÖЧ. Бурногөн, Кöин вокöй, мөвпалан. Нинөмла Ручсö кывзыны.

ЁМА ПÖЧ. А тöданныд, мый меным öнi медся телепит вöч-нысö?

КӦЧ. От тӧд.

РУЧ. Узыны.

КӦИН. Висьтав, Ёма пӧч.

ЁМА ПӦЧ. Босьтны шошаӧдыс Ручӧс да бурпӧт пыркӧ-дыштны.

РУЧ. Мый нӧ падъялан? Ме со тани.

ЁМА ПӦЧ. Ме челядыслысь юася, да сӕки нин. (*Вигзӧ-гысьяслы.*) Велӧдыштны али мый Ручсӧ дорын узылыны? Мудерлунсьыс. Оз ков? Ме сідз жӧ мӧвпала. Бурджык терпигыштны. Мӧд кад вотӧдз...

РУЧ. Ставныд ті ӧткодьӧсь. Кутшӧмкӧ лӅк кабалаторйысь повзӧмныд. Гашкӧ, козинъястӧг колянныд. А мыйӧн козиньяссӧ босытанныд, пыр жӧ и важкодъыс лоанныд. Тӧда ме тӑянӧс гут и бан.

КӦИН. Ёна тай тӧдан! Босытчам да ӧг мӧдӧй ӧта-мӧдӧс дээрӧдны. Сӕки казялан.

КӦЧ. Бур эськӧ вӧлі, тадзи кӧ быттьӧ лоас.

РУЧ. Ылӧдчанныд ті ставӧн. Кӧдзыд пӧльыслы вылӧ тадзисӧ шуанныд. Чайтанныд, сійӧ ӧні кылӧ тӑянӧс?

ЁМА ПӦЧ. Грекӧ вӧйтысь! Бурджык ме ӧти кампет ӧг сӕй, но кӧть ӧтчыдысь, а лӧсышта этайӧ наян позйыслы!

КӦЧ. Оз ков, Ёма пӧчук! Ачыд ӧд аддзан, мый сійӧ лӅксӧ песӧ. Он мӧй нӧ сылысь русӧ тӧдӧй?

КӦИН. Ме тшӧтш жӧ дась ӧти кампет воштыны. (*Матыстчӧ Руч дорӧ. Кӧч сувтӧ на костӧ.*)

РУЧ. Ӗвсьӧй, ӧвсьӧй! Ӗг кут сӕсся. Асьныд жӧ бӧрас менсьым кутанныд кампетсӧ дзайгыны. Гашкӧ, весиг мырдянныд на и.

ЁМА ПӦЧ. Вай тайӧ здуксянныс кутам овны ӧтувйӧн. Ӗг дурӧй, ӧта-мӧднымӧс ӧг нерӧй, лӅк кывъясӧн ӧг шыбласьӧй...

КӦЧ. Ме дась.

КӦИН. Ме эськӧ талы абу жӧ паныд. А тӑ, на... Ручӧ-чойӧ?

РУЧ. Тӑянкӧд вензыны сьӧкыд. Ме абу жӧ паныд.

ЁМА ПӦЧ. Вай кытшӧ пуксям да кутам мургыны-варовитны. (*Пуксьӧ.*)

КӦЧ (*тшӧтш пуксьӧ*). Мый йылысь нӧ?

КӦИН. Сӕрнитанторйыд век сюрас. (*Пуксьӧ жӧ.*) А тӑ, Ручӧ, мый кын мыр моз сулалан?

РУЧ. Кӧсья и сулала. Дерт... (*Орччӧн пуксьӧ.*) Гашкӧ, Кӧдзыд пӧльыд и таысь мыждыны вермас да. Ёма пӧч, вай пан сӕрнисӧ.

ЁМА ПӦЧ. Мыйсянь и босытчыны?

РУЧ. Кыдзи мыйсянь? Ачыд жӧ шуин, мый сӕрнитны кутам.

ЁМА ПӦЧ. Мый йылысь?

КӦИН. Мырдӧн пуксьӧдіс, а варовитнысӧ весиг ӧз тӧд, мый йылысь.

КӦЧ. Ме тӧда.

РУЧ. Тӑнсьыд, Кӧчиль, ӧз юасьны.

ЁМА ПӦЧ. Аттьӧ, Кӧчиль. Мездін менӧ да.

КӦИН. Висьтав. Кывзам.

КӦЧ. Мый йылысь нӧ тӑянлы ӧкота тӧдны?

РУЧ. Миянлы веськодъ. Висьтав.

КӦЧ. Мый йылысь нӧ висътавнысӧ?

КӦИН. Оз жӧ тӧд, а суйсьӧ жӧ.

ЁМА ПӨЧ. Вай сідз пукыштам. Аддзанныд (*петкөдгө ви-гзөдысьяс вылө*), найө со сёрниттөг жө пукалоны. Весиг оз вөр-збывны.

Кутшөмкө кад пукалоны чөла.

КӨИН (*гышөдгө тагзсө га*). Тадзи гажтөм жө.

КӨЧ. Некутшөм абу гажтөм. Оз тай ков некодысь пышйыны.

Бур...

РУЧ. Тадзи пукавны абу жө торъя бур эськө да.

ЁМА ПӨЧ (*сувтө*). Сідзкө физзарядка вөчам. Асывнас сувті, да весиг сійөс вөчны вунөдсьөма. (*Босьмчө зарядка вөчны.*)

КӨЧ. Тайөс тэ бура мөвпыштін. (*Тишөти сувтө га зарядка вөчны босьмчө.*)

РУЧ. И тэ сэтшөм жө. Быттө эн асывбыд Көинысь пышъяв.

КӨИН. И ме дасыпырысь жө спортөн нокси. Меным вылө тайө тырмымөн.

РУЧ. Меным сытөг жө овсьө. Зарядкатөг. Менам кокъяс и сідз тэрыбөсь.

ЁМА ПӨЧ. Сэтшөм бур лои! Век жө коланатор тайө, асывъяс физзарядка вөчөмыд.

РУЧ. Мый нө сыысь бурыс? Ме со асывъяснас мөдтор вөч-лывла.

КӨИН. Бара на сиктас чипанъяссө лыддыны ветлі?

РУЧ. Ветлі. Сөмын тай весьшөрө котөртлөмыс лои-а. Бара кушөн ковмис вөрө локны.

КӨИН. И ме тшыг. Төрытсаян нинөм на эг сөйлы.

КӨЧ. Бара ті сөян йылысь дөжнавны кутчысинныд.

ЁМА ПӨЧ. Эн кывзы найөс дай. Мед бызгөны ас костаныс.

КӨИН. Бур эськө вөлі мыйөнкө кынөмөс тыртны.

РУЧ. И меным тшөтш.

КӨЧ. Вай дугдөй нин ті кынөм сюмалөм йывсьыд сёрнитнысө. Со тай бадьясыс. Мунөй сэтчө да кырсьсө йирөй. Пөтөсь лоан-ныд.

КӨИН. Кырсьтө тэ ачыл йир. Миянлы вай мөдтор вөзйы.

РУЧ. Кывзы, Көин вокөй, вайлы татчө кабаласө.

КӨИН. Мыйла?

РУЧ. Көсья нөшта өтчыл сюсьджыка лыддыны. Гашкө, сәні мыйкө Көч йывсьыс гижөмаөсь?

КӨЧ. Ме йылысь сәні нинөм абу пасйөма. Сідз өд, Ёма пө-чук?

ЁМА ПӨЧ. Сідз, сідз. Кабалаыс өд ме ордын. (*Бара вомго-рулас лыддьө.*) Абу, тэ йылысь тані кыв ни джын абу казътыш-төма.

КӨИН (*Ручлы*). Тэ лыдды. Колөкө, найө ылөдлөны.

РУЧ. Вай татчө кабаласө. (*Босьтө Ёма пөчлысь да лыддьө.*)

«Коді асьсө лёкногөн кутө, сылы тайө лунсьыс шоколада кам-петсө пуктыны оз ков». Көин, а тэ талун асывсянныс некутшөм лектор эн вөч?

КӨИН. Эг, дерт.

ЁМА ПӨЧ. Ме эг жө. Нинөм сэтшөмсө эг кер, медем шо-коладсө эз пуктыны.

КӨЧ. И ме. Сөмын Көинысь пышйи.

РУЧ. Сійö öд и эм, мый Көин талун асывсяньыс лёктор вöчис.

КӨИН. Эн сөр! Ме нинöм сэтшöмсö эг вöч!

РУЧ. А Кöч бөрсяыс нö кодi ризöдiс? Эн тэ?

КӨИН. Ме эськö да. Но öд эг суöd.

КÖЧ. Тэ помысь! Ме öд тэысь ёна тэрыбджыка котрала. Сы вöсна физзарядкатö пыр зэв бура вöча.

ЁМА ПÖЧ. Эналы, Кöчиль. Сьöлöмөн кыла, мый Руч бара мыйкö лёкöс панны кöсйö.

РУЧ. Но и мый, эн кö суöd? А тэнад, Көинöй, кутшöм мөвгыяс юрад гартчисны, кор Кöч бөрсяыс котöртiн?

КӨИН. Некутшöм мөвгыяс эз гартчыны. Сöмын телепит вöли суödны да нбылыштны.

КÖЧ. Збыльысь мöй нбылыштiн? Суödiн кö быттö?

РУЧ. Нбылыштiс, дерт. Любуйтчыны али мый тэөн? Ме эськö нимкодпырысь жö сёйи.

ЁМА ПÖЧ. Мисьтöм чужöмгяс тай тi! Яндысьтöм сингяс!

КӨИН. А ачыд, ачыд?! Сöмын пакöсьтьяс вöчны ставныслы кыйёдчан. (Ручлы.) Вай помöдз висьтав, мый кöсйин?

РУЧ. Кöчöй, висьтав, Көиныс скөр чужöма вöли, кор тэ бөрся вöтлысис?

КÖЧ. Скөр. Ок...

ЁМА ПÖЧ (тупкö кинас Кöчлысь вомсö). Ланьт! Он мöй нö аддзы, кодарлань Ручыс сынö?

КÖЧ. От. А кодарлань нö?

РУЧ. Регыд тöдмалан. Көинöй, артмö, мый тэ талун кежлö ёна нин Кöдзыд пöль водзас мыжмин. Öнi кöть сэсся, кыдзи эн пессы — бурөн он нин ло.

КӨИН. Кыдзи от ло? Артмö, ме весьшөрö öнi тiянкöд бызга? Бурөн лоны зiля?

КÖЧ. Тэ збыльысь бур.

РУЧ. Öнi сiйö тэныд петкöдлас бурлунсö.

ЁМА ПÖЧ. Лысьтлас сöмын миянлысь Кöчильнымöс вөрзбöдны!

КӨИН. А öд збыльысь сiдзи и артмö. Асывнас ме мыжсö вöчи нин.

РУЧ. Сiйö öд и эм! Мыжмин, ёна мыжмин!

КӨИН. Сiдзкö, талунгя козин вöсна оз нин ков майшасьны? (Вигзöдö Кöч вылö.)

КÖЧ. Эн вөрзбöд менö! Ме öд шань!

КӨИН. Сы пыдди ме аски асылöдз скөр! (Уськöдчö Кöч вылö. Мöдыс пышйö. Ёма пöч зильö пагмöдны Көинöс. Руч сералö.)

ЁМА ПÖЧ (Ручлы). Ок тэ, мисьтöм чужöм!

РУЧ. Кутшöм эм. Ме на верми тiянлысь йöйталöмтö дзугны.

КÖЧ (пышйигтыр Көинлы). Эн вөрöд менö! Тэ öд зэв шань!

КӨИН. Шаньнас ме аски асыв паляла, а талун видзчысь!...

РУЧ. Ме öд и ачым асывсяньыс чипангясла ветлi. Эг жö буртор вöч. Сiдзкö, Кöдзыд пöльыд и меным талун нинöм оз пукты. Мый нö эськö ме танi сулала?! (Котöртö Көин бөрся.)

Ёма пöч зильö найöс падмöдны. Оз сет кутны Кöчöс.

ЗАНАВЕС.

МӖД ЮКӖН

ВӖчсӖ сӗнӗ жӖ. СьӖрсьӖн-бӖрсьӖн мыччысӖны Ёма пӖч да КӖч. НайӖ мичмӖдӖны козсӖ.

КӖЧ. КольӖм во ми КӖинкӖд да РучкӖд мичмӖдӗм. А тӗ, Ёма пӖчук, сӗки сӖрӖдз узин. Эн на вунӖд?

ЁМА ПӖЧ. Эг, эг вунӖд... ВидзӖда да, ми тӗкӖд кыкнад ог удитӖй. Регыд Вых во, а уджыслӖн помыс на оз тыдав. Ме жӖ шулӗ, мися, колӖ водзджык босытчыны козсӖ баситны. А тӗ пыр «водзджык на, эн тӗрмась...». Абу колӖма тӗянлысь кывзысьны.

КӖЧ. Ме Ӗд тайӖс эг шулы. КӖин да Руч тай вӖлӗ зыньгӖны...

ЁМА ПӖЧ. КытчӖ нӖ найӖ саймовтчисны? Век на узыӖны али мый?

КӖЧ. Оз, оз нин узыны. Ме аддзылӗ, найӖ эстчаньӖ котӖртисны.

ЁМА ПӖЧ. КӖдзыд пӖльыслы да Лымнылыслы паныд али мый ризӖдӗсны? Миянысь водзджык найӖс аддзасны да мыйсӖ, колӖкӖ, тӗа-меа йылысь содталӖмӖн оз висьтавыны....

КӖЧ. КӖдзыд пӖльыд Ӗд натӖг ставсӖ тӖдӖ. СӗйӖ жӖ миян бӖрся кыйӖдчис, аддзылӗ, кыдзи КӖиныс да Ручыс кикимеритчисны.

ЁМА ПӖЧ. Ме сӗдз шуи... ТӖда, мый кыйӖдчис.

МыччысӖ Руч.

РУЧ. Мый нӖ тӗ сӗтшӖм водзсянь козсӖ баситны уськӖдчинныд? Вых воӖдзыс Ӗд ок на ылын.

КӖЧ. МӖдарӖ, зӗв нин матын. Талун нин лоас.

ЁМА ПӖЧ. Тӗ кӖ эськӖ миянлы отсыштӗн, нинӖм жӖ лӗкыс эз ло да. Ми со ог слӖймӖй кыдзи колӖ мичмӖдны козсӖ.

РУЧ. МыйкӖ ме талун нӗрпала. ЮкалӖ быдлатӗ.

КӖЧ. ТӖрыт на КӖинкӖд кык час ме бӖрся котӖртӗнныд. Юкавын, дерт, та бӖрти быдлатӗ мӖдас. Ёма пӖч кӖ эз ӖлӖд, гашкӖ, ӖнӖдз на вӖтлысинныд.

ЁМА ПӖЧ. ДзикӖдз тай ышмисны. Оз жӖ позь Вых во водзвылас таdzi КӖчсӖ повзӖддыны.

РУЧ. Ыджыд тай Вых во. Миянлы дзик Ӗткодь. Мый вых, мый важ... НинӖм жӖ оз вежсы-а.

КӖЧ. Збылысь Ӗд, Ручиль, отсышт миянлы. Ме Ӗд ог тӗян вылӖ лӖгав.

РУЧ. НӖшта мый? Тӗ кӖ нӖшта кутан миян вылӖ лӖгавны? Отсавны ог жӖ отсав дай. Мый нӖ бурыс тайӖ мичмӖдӖм козсыс, Вых восьыс? Оз жӖ миянлы нинӖм вайны-а.

ЁМА ПӖЧ. МыйтакӖ Ӗд вайыштасны жӖ. КутшӖмкӖ ирисьяс. Эн жӖ тай век асьнытӖ лӗкногӖн петкӖдлӖй.

КӖЧ. ПӖшти пыр ышмисны да дурисны.

РУЧ. Эн сӖр! ВойдӖрлун ме весиг аслам гуысь нырӖс эг мыччыв. Пыр мӖвпалӗ, мӖвпалӗ...

ЁМА ПӖЧ. Мый йылысь?

РУЧ. Кыдз эськӖ тӗянӖс пакӖсьтъяс вӖчны йӖткыштны, медем и тӗянлы чӖскыд кампетьясыс эз вичмыны. Миянлы КӖинкӖд забеднӖ жӖ, веж кутас петны.

ЁМА ПӨЧ. Эн и мөвпав. Миянөс он йөткышт. Та вөсна и Көдзыд пөльыс меным ыджыдсьыс-ыджыд кулөк козыналас. А сэни... быдсяма чөскыдыс!

КӨЧ. Ме нинөм жө лөксө эг вөч. Пуксям ми Ёма пөчкөд мыр вылө... да сэтшөм ёна чөсмасям!

ЁМА ПӨЧ. А ті Көинкөд кутанныд карамель нөнявны.

Мыччысьё Көин.

КӨИН. Мый нин тэ сэтшөмсө ме йылысь висьталан? Ылын вөлі да эг бурасө велав.

ЁМА ПӨЧ. Со локтіс!

КӨЧ. Миянлы отсалыштны воин?

КӨИН. Колантор! Асьныд нин кызкө сійөс баситөй. Менам мукөд уджыс юр выв тыр. Шуам, Көчөс тшапнитны. *(Көсий ма-тыстчыны Көч горө, но Ёма пөч оз лэгз.)*

ЁМА ПӨЧ. Дугды! Мед нин көть Виль во водзвылас эн ыш-мөй. Көдзыд пөльсьыс да Лымнывсьыс яндысьыштөй.

РУЧ. Мыйла нө ми кутам наысь яндысьысө? Ми весиг на-йөс ог виччысьөй. Сідз өд, Көин вокөй?

КӨИН. Ог, ог виччысьөй. Мый нө миянлы наысь? Локтасны куш ношйөн да.

КӨЧ. Мыйла нө тыртөм ношьясөн? Миянлы Ёма пөчкөд ко-зиньяс ваясны. Чайта, мый и тиянлы на мыйсюрө вичмас.

РУЧ. Вичмас. Ми тэнсьыд кулөктө мырдыам. Сідз өд, Көин вокөй?

КӨИН. Ме тшыгйөн овны ог мөд. И кампеттө зэв ёна ра-дейта. Дерт жө, мырдыам.

ЁМА ПӨЧ. Ме тиянлы мырдыа! Сөмын вөрзьөдөй Көчсө! Ме водзын ковмас кывкутны.

РУЧ. Да шмонита ме. А ті эскинныд. Колантор тай меным тайө кампетьясыс. Сөмын пиньяс висьмөны. Асьныд сөйөй.

КӨИН. Эсійө көсөй синьясыслөн пиньясыс гылаласны! Гы-гы-гы! Кыдзи бара сійө пиньястөгыс кырсьсө кутас йирны-а?

РУЧ. Ковмас, тыдалө, миянлы сылөн пиньяс вөсна төждысь-ыштны — босьтны сылысь кампетьяссө аслыным. Сійө ачыс козинсө миянлы сетас. Ас кокьяснас.

КӨЧ. Эн ёнасө ме вөсна майшасьөй, пиньясыд менам ок ёнөсь, оз усьны.

ЁМА ПӨЧ *(өшөдгө бөрья чачасө)*. Со и ставыс. А ме чайті, мый ог удитөй.

КӨЧ. Тиян отсөгтөг ас кадө ставсө вөчим. Öні коли сөмын виччысьны ыджыд гөсьтьяссө.

КӨИН. Виччысьөй, виччысьөй.

РУЧ. Öдвакө найө татчөдз воасны. Ми өд Көинкөд вөрсьыс став кок туйсө чышким. Оз аддзыны найө тиянөс, оз.

КӨЧ. А ме думайті, мыйла ті водз асывнас кытчөкө котөр-тинныд. Пакөсьт вөчны тэрмасьомныд.

ЁМА ПӨЧ. Збыльысь мөй став кок туйсө чышकिनныд?

РУЧ. Ёна жө ковмис мырсьыны. Но слөймим тай.

ЁМА ПӨЧ. Ме төді, мый он өвсьөй ті пакөститчөмсьыс. Та вөсна пуяс вылас водзвыв пасйөдьяс вөчалі.

РУЧ. Оз вермы лоны! Мыйла нө эськө ми нинөм эг казялөй?

КӨИИН. Сюрлан тэ коркө миян ки улө, лы ёкмьы! Вай, Ручө-чойө, котөртлам. Миян нырисным ёсь, өдйө пасйөдьяссө аддзам.

РУЧ. Ог нин удитөй. Кодьяскө, кыла, талань локтөны нин.

КӨЧ. Збыльысь мөй нин матыстчөны? Ме весиг эг сына-сьышт.

ЁМА ПӨЧ. Видзөдлы ме вылө, Көчиль, кутшөмджыка видзөдча?

РУЧ. Ёма пөч кодь дзик. Сөмын ростөм.

КӨИИН. Тэнө көть мыйө пасьтөд, пыр мисьтөмөн колян.

КӨЧ. Эн кывзы тэ найөс, Ёма пөчук. Миянлы козинъяс ва-йөны, а налы этша мый вичмас. Со и пиньяссө кеслөны. Вежыс петө да.

РУЧ. Ёна тай веж петас! Колантор миянлы козинъясыд! Натөг на зэв лөсьыда овсьө.

КӨИИН. Аддзөмныд мыйөн ошйысьны! Оз ковны меным кампетьясыд. И некор эз ковыны!

Мыччысьөны Көдзыд пөль да Лымныв.

КӨДЗЫД ПӨЛЬ. Кодлы тані кампетьясыс оз ковны?

ЛЫМНЫВ. Видза оланныд!

КӨИИН. Ме прөстө сідз шуи. Кывъяснымөс со песам.

КӨДЗЫД ПӨЛЬ. Гөгөрвоана. А со ме весиг мөвпышти нин, мый весьшөрө татчө Лымнывкөд джуджыд тола пөвстөд собим. Чолөм, Көчиль, Ёма пөч...

РУЧ. Миянкөд весиг чолөмасьны оз көсьы.

КӨДЗЫД ПӨЛЬ. Кыдзи нө ог көсьы? Чолөм ставныдлы. Ме некодөс ог вунөд. Ставныд төд вылын. Ставныд бөрся кыйөдча.

КӨИИН. Ме сідзи и төді.

ЁМА ПӨЧ (*матыстчө воысьяс горө, сюся видзөдө ноп вылас*). Видза олан, Көдзыд пөль! Видза олан, Лымныв. Эн на вунөдөй менө?

ЛЫМНЫВ. Кыдз нө тэнө вунөдан? Помнитам, казътывлам.

КӨЧ. И менө помнитанныд?

КӨДЗЫД ПӨЛЬ. Ми ставнытө во гөгөр чөж казътывлім. Некодөс эг вунөдлөй.

РУЧ (*аслыс*). Кыдз на өд казътылінныд. Лөкөн али бурөн.

КӨДЗЫД ПӨЛЬ. Мый нө тэ, Ручөй, вомгорулад сёрнитан? Эг велав. Гораджыка висътав. Пөрысьми, пельясөй сьөктісны.

РУЧ. Ме нинөм сэтшөмсө эг шу. Ачым аскөд со сёрнитлывла.

ЁМА ПӨЧ. А ме, Көдзыд пөль, эг вежсьы? Быдса во коли. Пөрысьмышті?

ЛЫМНЫВ. Тэ, Ёма пөч, век на важкодъыс.

ЁМА ПӨЧ. Мича?

КӨДЗЫД ПӨЛЬ. Мича. Ті ставныд миянлы ок мичаөсь. Сө-мын...

КӨИИН. Öнi заводитчас... Кутас миянөс дорын узлыны велөдны.

КӨДЗЫД ПӨЛЬ. Гораджыка сёрнитөй. Ог велав нинөм. Дыр нин, көнкө, виччысянныд? Татшөм мича коз баситөмныд. Сідз өд, Лымныв?

ЛЫМНЫВ. Да. Вывті мича. Кор нө слөйминныд ті сійөс та-дзи мичмөднысө?

КӨЧ. Тайө ми.

РУЧ. Зілим тай. Водз асывнас нин босътчим. Тіян локтөдз өдвә эштөдм. Мый нө тә, Көин вокөй, кывтө нбылыштін? Отсышт меным.

КӨИН. Да, да. Войсө весиг эг узьөй. Ме син эг куньлы.

ЁМА ПӨЧ (*көсйө торкны найөс ылөдчөмсьыс, но өвсьө*). Виччысим, ставөн зэв ёна виччысим.

КӨЧ. Ёма пөчук, тайө жө ми...

ЁМА ПӨЧ (*сувтөдө Көчөс*). Оз ков өні та йылысь. Козинъясыс петкөдласны, коді мый дон сулалө.

КӨДЗЫД ПӨЛЬ. А козинъясыд миян збыльысь зэв бурөсь. Өдвә татчөдз кыскыны вермим.

ЛЫМНЫВ. Өні ми найөс тіяны юклам.

КӨИН. Меным нө вайинныд жө?

РУЧ. Менө өд эн жө вунөдөй?

КӨДЗЫД ПӨЛЬ. Эг, эг вунөдөй. Ставныдлы вайим.

ЁМА ПӨЧ. Кодлы өд мый пуктісны-а.

КӨДЗЫД ПӨЛЬ (*кыскө нопсьыс козин*). Тайө... Ёма пөчлы.

ЁМА ПӨЧ. Меным медводз сетісны. Тыдалө, бурджык козинъяссияныс разөдны босътчисны.

ЛЫМНЫВ. Аттьөыд нө көні?

РУЧ. Сійө миян абу торъя культурной.

КӨИН. Сійө сэтшөм кывъяссө весиг оз төд.

КӨЧ. Кыдзи нө оз төд? Төдө. Шу, Ёма пөч.

ЁМА ПӨЧ. Аттьө, Көдзыд пөль. Аттьө и тэныд, Лымныв. (*Босьтө козинсө да вешйө. Малалө кулөксө, но восьтыны оз тэрмась.*)

КӨДЗЫД ПӨЛЬ (*кыскө мөд козин*). А тайө... Көчлы.

КӨЧ (*чеччалігтыр матыстчө*). Меным? Ыджыдсьыс-ыджыд аттьө!

ЛЫМНЫВ. Тә миян медся визув. И зэв шань.

КӨЧ. Збыльысь? Ме өд ачымөс бура куті. Эг вильшась. Ті аддзылінныд?

КӨДЗЫД ПӨЛЬ. Тә миян збыльысь зэв бур.

КӨЧ (*котөртө Ёма пөч горө*). Менам козиныс дзик жө тә-лөн кодь.

ЁМА ПӨЧ. Гашкө да. Сөмын, колөкө, меысь кокныдджык. (*Босьтө Көчлысь козинсө да зильө төдмавны, кодныслөн козиныс сьөкыдджык.*) Быттө өткодь сьөктаыс. А өд тә өтчыд...

КӨЧ. Эз вөв некутшөм өтчыд! Ме пыр зэв бура олі.

КӨДЗЫД ПӨЛЬ. Вай дугдөй вензьянытө. Ми некодөс эг дзерөдөй. Ставныдлы козинъяссө вайим.

ЛЫМНЫВ. Во чөж чукөртм. Быд лун кампетөн.

РУЧ. Со ми и сюрим.

КӨИН. Тыдалө, сідзи и лоис.

КӨДЗЫД ПӨЛЬ (*кыскө козин*). А тайө мича козиныс... Ручлы.

ЁМА ПӨЧ (*кильксө*). Мича, мича. Пытшкас видзөдлан кө... куш.

КӨЧ. Тыдалө, нитш сюялөмаось, медем ыджыдджыкөн кажитчис.

РУЧ (*гышпырысь матыстчө*). Шмонитны мөвпыштінныд? И таысь аттьө, мый он көть менө вунөдөй. Коньөрөс.

ЛЫМНЫВ. Мый нө тә, Ручиль, эстшөма жугылытчин? Абу мөй нө нимкодъ?

РУЧ. Мый вылө нимкодясьнысö? Тiян шмонь вылө али мый?
КÖДЗЫД ПÖЛЬ. Ми сöдз вежöраöсь. Бур шмоньтö гөгöрвоам.
Но козиньяснад некор ог шмонитлöй.

РУЧ. (*босьтö козинсö да вешйö*). Бöрас видзöдла, кор öтнамön
коля. А то ставныс серавны босьтчасны.

КÖИН. Меным и татшöмсö оз сетны. Нопйыс куш нин да.

КÖДЗЫД ПÖЛЬ. Кыдзи куш? (*Перйö козин.*) Тэнö, Кöинöй,
ми эг жö вунöдöй. Тэ жö миян медся...

КÖЧ. Лёк.

ЛЫМНЫВ. Мыйла лёк? Оз позь, Кöчиль, мукöд йылысь таdzi
сёрнитны.

КÖДЗЫД ПÖЛЬ. Ми ставнытö тiянös радейтам да пыдди
пуктам. Быдөнös ас ногыс.

ЁМА ПÖЧ. Та йылысь козиньясыс висьталасны.

КÖЧ. Видзöд, налөн козиньясыс дзик жö миянлөн кодьös.

ЁМА ПÖЧ. А пытшкас мый? Видзöдлам да, тыдовтчас.

ЛЫМНЫВ. Мыйкö ме тiянös ог гөгöрво. Козиньяссö бось-
тинны, он весит со нимкодясьöй.

КÖЧ. Кыдз нö ог нимкодясьöй? Меным тай зэв нимкодь-а.

ЁМА ПÖЧ. И меным тшöтш. Ми öд Кöчкöд тöдам, мый ми-
яны медся чöскыдьяссö тэчинны.

КÖДЗЫД ПÖЛЬ. Сидзкö видзöдлöй, мый ми тiяны вайим.

РУЧ. Видзöдлытöг тöдам.

КÖИН. Абу дзик йöйös. Мыйсюрö олöмсьыс тöдам нин.

ЛЫМНЫВ. Нинöм ог гөгöрво. Мый нö тiянкöд лоис?

КÖИН. Нинöм сэтшöмыс эз ло.

КÖДЗЫД ПÖЛЬ. Мыйла сидзкö козиньяссö он осьтöй? Эн
мöй миянös виччысьöй?

ЁМА ПÖЧ. Виччысим. Кыдз на нöшта виччысим!

ЛЫМНЫВ. Мыйкö оз тöдчы да.

КÖЧ. Ме тiян пöвстын медся збой. Медводдзаөн осьта ас-
сьым козинös.

РУЧ. Збойыс аддзысьöма.

КÖИН. Кад вотöдзис мед збоялö.

ЁМА ПÖЧ. (*Кöчлы*). Осьты нин, эн кыскы!

КÖЧ. (*вигзöгö кулөк пытшисö*). Кутшöм бур козин! Аттьö, Кö-
дзыд пöль! Аттьö, Лымныв!

КÖДЗЫД ПÖЛЬ. Пöттöдзыд чöсмась.

ЛЫМНЫВ. И миянös казытив. Во гөгöр кeжлö тэныд тырмас.

ЁМА ПÖЧ. И ме ассьым видзöдла. (*Вигзöгö.*) Татшöм чöскыд
кампетьяссö ме кольöм во эг сёйлы.

РУЧ. Видлы да сэк висьтав.

КÖИН. Пасьясыс оз на висьтавны чöскыдлун йывсьыс.

КÖДЗЫД ПÖЛЬ. Ми тiяны медся чöскыд кампетьяссö чу-
кортим. Лымныв бöрйис. Сийö тöдö кампетьясыдысь көрсö. Абу
ме кодь. (*Кöины да Ручлы.*) А тi нö мый он видзöдлöй?

КÖЧ. Найö и сытöг тöдöны, мый кулөкас куйлö.

ЁМА ПÖЧ. Некымын ирис да карамель.

ЛЫМНЫВ. Мыйла нö тi сидз чайтанныд?

ЁМА ПÖЧ. Та йылысь тэ налысь юась.

КÖДЗЫД ПÖЛЬ. Осьтöй. Козиньясыд сы вылө и эмös, ме-
дым нимкодясьны.

РУЧ. Нимкодьлуныс мияны этша вичмас, но... (*Вигзöглö ко-*

зинсõ. *Шензьõмõн кытшовтõ синъяснас ставнысõ и бара гзоргõ кулõк пытшкас.*)

КÕИН. Мый нõ? Тыдалõ, весиг карамельсõ абу пуктõмаõсь.

РУЧ. Тэ вай ассьыд видзõдлы. Вермас лоны...

КÕДЗЫД ПÕЛЬ. Нинõм ог гõгõрво. Висьталõй нин, мый тӣ-янкõд лоис? Гашкõ, ми вермам отсавны.

КÕИН. Водзджык колõ вõлӣ та йылысь мõвпыштнытõ, кор козинъяссõ дасътінныд.

ЁМА ПÕЧ. Тэныд асlyд колõ вõлӣ водзынджык артасънытõ. Онӣ сёр.

КÕЧ. Кымынысь ме тїяны шулӣ, меым дутдїнныд вильшасъ-нытõ. Тӣ эн кывзõй, со и артмис.

КÕДЗЫД ПÕЛЬ (*Кõинлы*). Вай ме ачым восьта.

КÕИН. Тэтõг нин кызкõ сямма. (*Восьтõ, видзõгõ. Шутёвтõ.*) Ерõмакань тай!

КÕЧ. Мый корсин, сїйõ и сюри.

ЁМА ПÕЧ. Онӣ кутанныд тõдны!

КÕДЗЫД ПÕЛЬ (*босьтõ Кõинлысь козинсõ да видзõгõ*). Мый нõ танӣ не сїдз? Быттьõкõ тай ставыс лючки-бур-а. На, Лымныв, видзõдлы.

ЛЫМНЫВ (*видзõгõ*). Ог тõд, мый найõ шызисны.

КÕИН (*Ручлы*). Вайлы татчõ ассьыд козинтõ. Видзõдла.

РУЧ. Ог сет. Ме тэнõ бура нин тõда.

КÕИН. Вай. (*Вынõн мыргдъõ козинсõ да видзõгõ.*) Ок, и та-йõ козин! Ок, тайõ бур козин!

КÕЧ. Збыльысь мõй нинõм налы эз пуктыны? Тадзитõ абу жõ мича. Век жõ виччысисны найõ Вых вотõ. Тадзи õд оз жõ позь дзерõдны.

КÕДЗЫД ПÕЛЬ. Некод найõс эз дзерõд. Ставсõ юклїм, кызз колõ.

ЁМА ПÕЧ. Татшõм юклõмыд меным сьõлõм вылõ воõ. А то... (*Нерõ Ручõс да Кõинõс.*) А тӣ чайтїнныд, мый ставыс бур лоас?

КÕИН. Водз на нимкодясн.

РУЧ. Нинõм налы эн висьтав.

КÕЧ. Мыйкõ танӣ не сїдз жõ кõ-а.

ЛЫМНЫВ. Тешкодъõсь тӣ талун.

КÕДЗЫД ПÕЛЬ. Вых во водзвылад ставныс неуна тешкодъ-õсь. Нимкодъысла, тыдалõ...

ЁМА ПÕЧ (*Ручлы да Кõинлы*). Вайлõй татчõ ассьыныд ко-зинъястõ! Ачым видзõдла.

РУЧ. Нажõвит да вõлись.

КÕИН. Нинõмла йõз козинъяссõ шобны. Оз позь. Сїдз õд, Кõдзыд пõль?

КÕДЗЫД ПÕЛЬ. Мед видзõдлõ. Быдõнлы õтмоза козинъяссõ пуктїм.

ЛЫМНЫВ. Некодõс эг дзерõдõй.

ЁМА ПÕЧ. Татшõмыс оз вермы лоны! Кыззи ставныслы õт-моза? А меным?!

КÕЧ. Тадзи абу мича!

КÕДЗЫД ПÕЛЬ. Мыйысь нõ тэ, Ёма пõч, пузин? Козинным эз кажитчы али мый?

ЁМА ПÕЧ. Аслам эськõ зэв сьõлõм вылõ воис да, но ме и

налысь видзöдлыны кöсья. (*Уськöдчö Ручлань да Кöинлань. Мырдгö налысь козиньяссö.*)

КÖИН. Босьт, босьт! Видзöдлы!

РУЧ. Мед эськö видзöдлö кö да. Мед сöмын медся чöскыд шоколадсö оз шепышт-а.

КÖЧ. Кытысь нö шоколадыс тiяны? Тi жö....

РУЧ. Енэжсяныыс шоколадыс уси. Веськыда менам вомö. (*Босьтчö нумкогя йöктыны. Кöин сы бöрся.*)

КÖИН. Со и эскы сэсся быдсяма ин... инструкцияыслы.

ЁМА ПÖЧ (*видлалö кампетьяссö аслас кулёкысь, а сэсся Ручлөн да Кöинлөн козиньясысь*). Мыйла нö тадзисö? Мыйла тадзи вöчинныд?

КÖДЗЫД ПÖЛЬ. Кыдзи мыйла? Виль во жö матыстчö. Со и козиньяс быдöнлы разöдам. Миян уджыс сэтшöм.

ЛЫМНЫВ. Пöлюкöй, мыйкö танi не сiдз.

КÖДЗЫД ПÖЛЬ. Аддза. Висьталöй вай, мый лоис.

КÖЧ (*котöртö Ёма пöч горö да тиöтш жö видзöдö козиньяссö*). Тадзи абу бур!

РУЧ. Бур. (*Йöктыштö.*) Кутшöм на нöшта бур!

КÖИН. Таысь бурыс оз овлы.

ЁМА ПÖЧ. А кöнi нö миянöс донгьялöмыс?

РУЧ. Донгьялöмаöсь тай со.

ЁМА ПÖЧ. Ме пöшти быдса во терпитi.

КÖИН. И водзö на терпит.

КÖЧ. Оз ков Ёма пöчыскöд тадзи сёрнитны. Сылы и сiдз со лёк. Аддзанныд, кыдзи кельдöдiс.

ЛЫМНЫВ. Мыйла нö, Ёма пöч, тадзи пузин?

КÖДЗЫД ПÖЛЬ. Мыйöн ми тэнö дзерöдiм?

ЁМА ПÖЧ. Ме жö быдса во... пöшти дзонь во терпитi. Чай-танныд, кокни вöли меным ачымöс кутны? Пакöсьт вöчöмсьыс? Öдва ачымöс кутi. Эг бара эсiйöяс моз. Мукöддырйиыс сэтшöм телепит вöли кодöскö повзöдны, но эг лысьт. Сы вöсна, мый юмовсö зэв ёна радейта. Тадзи ме тайöс ог коль! (*Босьтö да кисьтö аслас кулёкö Ручлысь да Кöинлысь козиньяссö.*) Ми со тадзи вöчам.

РУЧ. Кöдзыд пöль, кöть нин тэ сiйöс сувтöд.

КÖИН. Ми ог вермöй. Зэв нин сiйö скөр да.

КÖДЗЫД ПÖЛЬ. Ёма пöч, мыйла нö Ручыслысь да Кöин-ыслысь козиньяссö аслыд босьтан?

КÖЧ. Тадзитö эськö абу жö мича да.

ЛЫМНЫВ. Эн-ö висьмы тэ, Ёма пöч?

ЁМА ПÖЧ. Эг. Мекöд ставыс лючки-бур. Эн майшасьöй, став кампетсö аслым ог босьт. Ручлы да Кöинлы вичмöда жö. Сöмын карамельсö.

КÖДЗЫД ПÖЛЬ. Мый танi керсьö? Висьталöй меным, пö-рысьлы. Ачым некыдзи со гөгөрвонысö ог вермы.

КÖЧ. А тэ, Кöдзыд пöль, мыйла ассыйд инструкциятö эн пöрт олөмö?

ЛЫМНЫВ. Кутшöм-сэтшöм инструкция?

ЁМА ПÖЧ. Со тайöс! (*Кыскö кабаласö да мыччö Кöдзыг пöльлы.*) Танi еджыд вылö лөзөн гижöма, мый тэныд колö...

КÖДЗЫД ПÖЛЬ (*босьтö кабаласö, лыдгö*). Кытысь нö тi та-йöс аддзинныд?

КӨЧ. Со тані сійө куйліс. Көин казяліс.

КӨИН. Но ме. Но мый сэсся?

ЛЫМНЫВ. Вай, пөльө, ме тшөтш лыддя. (*Лыгдьө.*) Татшөм инструкциясө ме эг на аддзыв.

КӨДЗЫД ПӨЛЬ. Ме эг жө на.

ЁМА ПӨЧ. Кыдз нө эн аддзылөй?

КӨДЗЫД ПӨЛЬ. Шуа тай, мый синмөн на эг аддзыв.

КӨЧ. Тайө жө ті кабаласө воштінныд.

КӨДЗЫД ПӨЛЬ. Кыдз воштім? Миян киө кө сійө эз на скурлы!

КӨИН. Но и шмонитысь жө кодкө миян вөрын мыччысьөма. (*Сюся вигзөдгө Руч вылө.*)

РУЧ. Эг, ме эг.

КӨЧ. Ас пайысь ме эг жө дай.

ЁМА ПӨЧ. Эз өд сійө енежсяньыс усь? Көдзыд пөль, гашкө, тэ вунөдін нин да? Либө кодкө вөлі вайө тэныд кабаласө да уськөдіс. Воштіс.

КӨДЗЫД ПӨЛЬ. Ог и төд, мый вочавидзнысө.

РУЧ. Вай бөр миянлы ассьыным козинъяссө.

ЁМА ПӨЧ. Эн и виччысь. Ог сет. Ме сійөс аслам оласногөн нажөвиті. (*Вигзөдысьяслы.*) Сідз өд, челядь? Дерт, сідз. Ме ставсө терпиті, пакөсьгыяс эг вөч, тиянөс эг повзбөдлы... Сідзкө, бура олі.

РУЧ (*вигзөдысьяслы жө*). А ті ставныд бура олінныд? Эн дурөй? Эн ыждалөй?

КӨИН (*залын пукалысьяслы жө*). А козинъястө босьтінныд нин? Но и кыдзи? Ставныдлы өткодьясөс сетісны? Кылінныд? Ставныс өткодь козинъяс босьтөмаөсь. Сідзкө, и миянлы колө сетны.

КӨДЗЫД ПӨЛЬ. Збыль өд, Ёма пөч, колө козинъяссө Көин-ыслы да Ручыслы сетны.

ЛЫМНЫВ. Выль во жө. Кыдз нө сійөс козинъястөгыс найө паныдаласны?

КӨЧ. Тыдалө, ковмас сетны.

ЁМА ПӨЧ (*вигзөдысьяслы*). Сетны али мый бөр? Но өд ме ногөн ставыс. Ме сэтшөм бура олі. Сідзкө, ог сет? Аттьө. Ог и сет, аслым коля.

КӨДЗЫД ПӨЛЬ. Выль во да, быдөнлы козинъяс колө вичмөдны. Сідз важысянь мунө.

ЛЫМНЫВ. Ми найөс во гөгөр чөж чукөртам.

ЁМА ПӨЧ. А кабала вылас гижөм инструкцияыс? Абу мөй збыльсө сэтчө гижөмаөсь?

КӨДЗЫД ПӨЛЬ. Ог и төд, мый татчө тэныд шуны. Öти боксянь кө, збыль. Лөкторьястө оз позь вөчавны. А мөд боксянь кө — празьник. Некодөс абу окота пайкөдны.

КӨЧ. Забеднө, дерт, кор тэно пыр дзерөдоны. Таысь мыждыны колө.

ЛЫМНЫВ. Көдзыд пөль, гашкө, мөд восянь тадзи и кутам вөчны да?

КӨДЗЫД ПӨЛЬ. Видзөдлам. Колө мөвпыштылыны. А öні, Ёма пөч, сет Көиныслы да Ручыслы козинъяссө.

ЁМА ПӨЧ. Кыдзи челядьыс шуасны, сідзи и вөча. (*Залө.*) Сетны али мый? Бур. Сета бөр. (*Юкө öтувтлөм кампетьяссө кум пельө да сетө.*)

РУЧ. Аслыс, тыдалö, став чöскыдсö колис.

ЁМА ПÖЧ. Ме абу на сэтшöм. На, видзöдлы. (*Мыччö ассъыс козинсö.*) Кыдзи колö, сідзи и юки.

КÖЧ. Кадыс лэбö, а ми век на козингъяс юклам. А козыйс со гажтöмтчö. Ми сійöс Ёма пöчкöд сэтшöм дыр баситім.

ЁМА ПÖЧ (*Кöгзыг пöлыы*). А тэ збыльысь кутан миян бöрся кыйöдчыны?

КÖДЗЫД ПÖЛЬ. Кута зільны, медым ставсö аддзыны.

ЛЫМНЫВ. Ме на отсышта и.

КÖЧ. Ме век бурногөн ола.

РУЧ. Сідзкö, и дурыштны миянлы оз кут поэны. (*Bugzö-gысьяслы.*) Челядь, а ті дурланныд? Кывзöй, мый найö вись-талöны.

КÖИН. Сідзкö, налы козингъастö не аддзывны.

КÖДЗЫД ПÖЛЬ. Быдторйысь мыждыны, дерт, ог жö кут. Сöмын вывтi ыджыд лёк вöчöмысь. Тöдöй, ми Лымнывкöд видзöдам тiян бöрся. (*Залö.*) И тiян бöрся тшöтш. Сідзкö, бурногөн олöй.

ЛЫМНЫВ. Бать-мамлысь, гырысьяслысь кывзысьöй.

КÖИН. Рок сёйöй.

КÖДЗЫД ПÖЛЬ. Тайö эськö вывтiджык жö да. Көть... Öти кывйөн кө — олöй морт ногөн. А öнi вай гажöдчыштам.

КÖЧ. Гажöдчынытö ме радейта. Торйөн нин коз гөгöрыд. И кор некод тэнö оз дзерöд.

КÖИН. Ме радейта жö гажöдчыны. Торйөн нин сёйны.

КÖДЗЫД ПÖЛЬ. А тэ, Ёма пöч, мыйла букуш? Вай вашмун ли мый ли.

ЁМА ПÖЧ. Кыдзкö век жö забеднö. А поэьö, ме көть öнi не-уна дурышта? А то во чöж терпитi.

ЛЫМНЫВ. Неунатö поэьö. Сідз öд, Кöдзыд пöль?

КÖДЗЫД ПÖЛЬ. Поэьö. Неунатö поэьö.

Ёма пöч босьтчö лёкысь дурны, чеччавны да сідз водзö.

ЛЫМНЫВ. Со кутшöм козин сійö миянлы вöчö. Сідз öд, Кöдзыд пöль?

КÖДЗЫД ПÖЛЬ. Сідз, сідз.

КÖЧ. Сійöс сöмын лэдз дурыштны. Некыдз он öвсьöд. А век жö бур, мый Ёма пöчыс козингъяссö бöр сетiс. Видзöдлöй, кыдзи Кöиныс да Ручыс нимкодьясьöны!

КÖДЗЫД ПÖЛЬ. А ті мый он гажöдчöй? Выль во жö. Вай ставныд гажöдчöй. Ме тшöкта!

Ставныс босьтчöны гажöдчыны, кытшлавны коз гөгöр.

ПОМ.



Войся ангел*

РОМАН

20

Олөмыс Ягдорью кодь тэрыб визула да вабергачьяса, то изъя коськьяса, то джуджыд йирьяса. Сыктывкарын петясь газетьяс уна гижоны республикаса народнөй овмөсын төдчана вермөмьяс йылысь. Эз кольччы наысь и «Эжва йыв» газет, коді районын лоис зэв пыдди пуктана. Торья нин радейтөны йөзыс тематическөй лист бокьяс — «Вөр-ва да морт», сатирической «Азьлас», «Томъяслөн творчество», «Челядьлы». Тырмытөмторьяс эрдөдана «Азьлас» эз кут воны сьолөм вылас партия райкомса чиновникьяслы, өд ёсь перө йылө частө веськавлісны и коммунистьяс. Көть и гырысджык чинаясөс кулитны эз позь, «Азьласө» найө корсюрө пысасьлісны. А матысмис Ленин чужан лунсянь сө во. Позьө өмөй татшөм ыджыд юбилей водзвылын мыйыскө коритны Ленин партияса членөс? Вот и тупкис райкомыд «Азьластө» и корис сетны унджык юөр «Ленинскөй юбилейнөй вахта» рубрика улын.

Шуам, вөр кыскысь шопер төлысья плансө тыртис кык лунөн водзджык. Сідзкө, заметкаын колө индыны: «Татшөм вермөмсө сійө шедөдіс вождьлөн юбилей кежлө». Либө: совхозлөн отделение вевтыртис муяс вылө куйөд петкөдан план. Бара жө юөрас колө төдчөдны: «Татшөм козин дасьтис отделение Ленин чужан лун кежлө». Быд бурджык юөр йитлісны Ленинлөн нимкөд, и лыддысьысьыс тайө дөзмөдіс. Өд йөзыс зильлісны унджык вөчны эз вождьлөн юбилей ради, а сы ради, медем унджык нажөвитны сьом! Ышмисны и коми позтьяс. Апрельын сырчикьяслысь Коми муө воөмсө весиг кутісны йитны Ленин чужан лункөд. Артмө тешкодьтор. Эз кө чужлы Ленин, Комиад эськө сырчикьясыд эз и лэбзывны.

Владимир Ильичөс эз вермы не радейтны Енлы эскысь газетчик Василий Уляшөв. Өд Татьянаыс чужтис кагасө буретш Ленин чужан лунө. Вөлі кө пи, бытөн нимтісны эськө Володяөн, а гөтырыслөн кынөмысь петіс нывка, и сетісны ним — Фаина. Ильичлы сө во тыран лунө Фаиналы, мөд ног кө, Фанялы, лоө кык арөс. Вождьлөн юбилейкөд йитөдын Василий Уляшөв «Эжва йыв» газетлөн медводдза лист бокас мича сьөд шрифтөн йөзөдіс ассыс татшөм кывбур:

Роч мулөн кувлытөм Гений,
Роч мулөн кувлытөм пи
Гольяунлы, тшыгаунлы паныд
Бикинысь өзтіс яр би.

* Пом. Заводитчөмыс 2009 вося 11, 12 номерьясын, 2010 вося 1, 2 да 8, 9, 10, 11, 12 номерьясын.

Ленин ёрт пальёдны кужис
Шемёсмём войтырлысь ун.
Дона вождь аскёдыс чужтіс
Ставнымлы мёд чужан лун.

Паськыд Россиялы сетіс
Тулыслысь чусмывтём мич.
Шуд индысь кодзувъяс пёвстын
Медьюгыд талун Ильич.

Летучка вылын кывбурсё медъёна ошкис редактор Трофимов. Сійö жö лунас Уляшёвöс аслас кабинетö корліс райкомса кой-мöд секретар.

— Василий Витальевич, тэныд колö пырны партияö. Лоан кө коммунистөн, райкомсянь ми тэнö вермам вöзйыны Высшöй партийнöй школаö,— сёрнитіс Антонина Кремская, ар нелямына верöстём нывбаба, коді райкомö веськавтöдз учителяліс Льöмдін-са шөр школаын, вöвлі сэн парторганизацияса секретарөн.— Кутан велöдчыны либö очнöя, либö заочнöя — кызди окотитан.

— Пасибö, Антонина Константиновна, но та йылысь ме эг на думышты. Менам öні семья — гöтыр, кык арöса кага. Ассьым уджöс вöча, Николай Прокопьевичлөн кывъяс серти, ог омöля.

— Лыддьывла тэнсьыд статьястö, кывбуръястö лöсьыда гижан и, но велöдчöмыд некор абу лишнöй.

— Юрий Гагаринлөн эз вöв высшöй образование, а мирын медводдза морт, коді лэбзыліс космосö,— асьсö дорйöм могысь тöдчана примеръяс вайöдіс Уляшёв.— Либö босьтам Максим Горькийöс. Сійö абу воськовтлöма весиг школа порог вомöныс, а кызбöд нэмся медыджыд писатель. Кызд мен тöдса, абу помавлöмаöсь партшколатö ни Михаил Шолохов, ни Виктор Савин... Асьныд, извинитöй, мый помавлінныд?

— Пединститут. Роч кыв да литература велöдысь ме.

— Учителыд му вылас медбур профессия.

— Тэ прав, Василий Витальевич.

Сёрнитісны вель дыр, но Уляшёвлөн водзö велöдчöм йылысь öти кывйö эз воны.

Кызди и страна пасьтаын, Льöмдін районын наградиталісны войтырöс Ленинскöй юбилейнöй медальөн. Сійö медводз вичмисналы, кодъяс важөнсянь партияын, а сідзжö войнаса да уджвывса ветеранъяслы. Эз асьнысö дьöбö колыны и райкомса да райисполкомса уджалысьяс. Сетісны и «Эжва йыв» газетса кык мортлы — Трофимовлы да Безносиковлы. Тайö наградаыс уналы лой олöманыс медводдза көрт медальөн, көть и юбилейнöй. Öд сійöс пысалісны морöсаныс районса кык скурс мортлы.

Юсьбöжö медальсö сетаवны кайліс Лазарь Кузьмич. Пöлучитіс наградасö и сэтчöс шөр школаса директор Георгий Евгеньевич Игнатов. Бöрыннас Костин мыйкөдыра пукаліс Игнатов ордын гортас.

— Матысса лунъясö райсовет кутас видлавны организационнöй вопрос,— паніс сёрнисö Костин.— Кызд тэ видзöдан, Егор Георгиевич Зюзевöс кө ме вöзъя районса видз-му овмöс управлениеö начальникөн? Сылөн высшöй образование, коммунист. Ду-майта, кад сылы быдмыны.

— Аскöдыс сёрнитлін?

— Эг на.

Егор Зюзов уджаліс шӱрсиктсянъ нелямын верстсайса совхозын главнӱй агрономӱн. Гӱтырыс сӱнӱ жӱ ветврач. Быдтӱны нывкаӱс. Ая-пия медводдзаыс аддзысисны да тӱдмасисны во куим сайын лӱмдӱнса политпросвещение кабинетын, кытчӱ чукӱртлісны семинар ылӱ район пасьтаыс пропагандистьясӱс да агитаторьясӱс. Георгий Евгеньевич казтыліс Дӱмаын уджалӱмсӱ да олӱмсӱ; висьталіс, кыдзи лои сӱтыс мунӱмыс. И шуис: тӱдмалӱ пӱ зӱв нин сӱрӱн, мый сӱнӱ быдмӱ менам пи. Некоднан-ныс ӱз норасьны асланыс олӱм ылӱ, ая-пия колины дӱвӱленӱс тайӱ аддзысьлӱмнас. А вот гӱтырыслы, Ольга Ермолаевнаы, дӱмаса аслас пи йылыс пыр на ӱз висьтав. Дай коліс-ӱ сылы та йылыс тӱднысӱ?

— Лазарь, ме абу паныд Егорлӱн быдмӱмлы, но сылӱн и сӱдзи нин бур должность, дай гӱтырыс сӱнӱ медшӱр специалист — главнӱй ветврач. Гашкӱ, оз и ков ызыӱднысӱ да. Ичӱтджык чин — ӱтшаджык юр висьӱм. Тӱ тайӱс ачыд бура гӱгӱрвоан.

— А ме вед, Жора, и асьтӱ на кӱсйи вуджӱдны РОНО-ӱ,— другыс дӱнӱ томдырся мозыс шыӱдчис Костин.— Тӱнад ыджыд педагогическӱй опыт, бур кандидатура зьскӱ вӱлӱн.

— Комын во нин ме Юсьбӱжын, сираси нин татчӱ. Сӱмын вот пийӱ мед ас районӱ веськаліс-а.

— Веськалас, и оз ӱтнас. Веракӱд воасны Лӱмдӱнса шӱр больничаӱ, кӱнӱ и лӱӱ стажировканыс, интернатураӱн шусьӱ.

— Вӱчасны, тыдалӱ, миян челядьным тӱа-меаӱс сватьясӱн,— ӱчки пырыс Костинланъ видзӱдліс Игнатов.

— Лиза мен та йылыс гарыштліс жӱ нин. Ме сӱмын рад лоа.

— И ме лоа рад, Ольга и.

Луныс зӱв мича, шондӱа, гӱгӱр сылӱ. Лазарь Кузьмич петіс кильчӱ ылас, видзӱдлассӱ чӱвтӱс лӱзӱдӱм Юсьюланъ, кӱнӱ коркӱ Илля Веракӱд гымгаыс мездавлісны черияс. Быттӱ тӱрыт на и вӱлӱ, а кольӱма нин сы мында во. Тайӱ керкаас, тайӱ ӱшинъ улас Лазарь Костинлӱн комсомольскӱй томлуныс, олӱмас медводдза муслуныс. Лӱсьыд сьӱлӱм ылас Лазарь Кузьмичлы, мый ӱм и нӱм помӱдзыс кутас овны паметяс сійӱ сьӱкыд воясса югыд казтылӱм. И мед ӱз лӱгасъ Вера Ильинична — воліс пӱ гортӱдз да ӱз кежав видлыны — Лӱмдӱнӱ лӱччигӱн сувтӱдліс машинасӱ кладбище весьтӱ и кежаліс гу ылас. Крест наkes ылас пуктіс некымын кампет да печенньӱ, тапнитіс гу ывьсӱ, быттӱ шылькнитіс Вера Ильиничналыс морӱссӱ, чӱвтӱс некымын пернапас и прӱщайтчис.

Гожӱмнас врачлӱн дипломӱн воисны гортаныс Лазарь Игнатов да Вера Костина. Аръявылыс гижсисны. Том специалистьяслы Лӱмдӱнын сетісны кӱкъямыс квартираа ыль керкаыс патера. Лазарь Костин да Георгий Игнатов лоисны сватьясӱн, Емель Лиза да Ермолай Ольга — сваттясӱн.

Романса геройслӱн олӱмӱ уна вежсьӱм вайисны локтан воясыс. Сизимдас кыкӱд воын партиялӱн райком сӱрнитіс кадрьяс йылыс. Волісны пленум ылӱ обкомсянъ ыджыд чинаяс. Тюпенько пыдди первой секретарӱн индӱсны Михайловӱс, кодӱ ӱнӱдз вӱлӱ мӱд секретарӱн. ыль йӱз лоисны и мӱд да коймӱд

секретарьяснас, вежлалісны отдельясөн веськөдлысьясос. Про-мышленно-транспортной отделө босьтісны кылөдчан контораса инженерөс, пропаганда да агитация отделө — журналист Влади-мир Воробьёвөс. Виль ыджыд должность сетісны партийной да советской органьясын ыджыд опыта Лазарь Кузьмич Костиналы. Сійөс индісны районса народной контроль комитетө председа-те-льөн, колис и райком бюроса членөн.

Тюпенько, кыдзи и сыөдзса первой секретарьяс, морөсас наградаясөн утөвтис Сыктывкарө. Кывсис, индөмаось пө кутшөм-кө министрөн. Лөмдін район лоис аслыспөлөс трамплинөн, кы-сянь ыджыд и ичөт калибра чиновник-коммунистьяс кутасны чеччавны-пышгьявны карса учреждениясө да организациясө.

Сизимдас квайтөд воын эновтіс Лөмдінөс и Николай Про-копьевич Трофимов, лэччис карө жө. Пенсия вылө петісны журналист-ветераньяс Безносиков да Липин. Райкомлөн бюро вынсөдіс «Эжва йыв» газетса редакторөн Владимир Воробьёвөс, комын вит арөса профессиональной журналистөс. Райкомын уджыс сылы сетіс позянлун пытшкөссяньыс гөгөрвоны партия-лысь политикасө. Унатор сылы эз вөв сьөлөмвыв, торья нин учреждениясын, организациясын да предприятиеясын кадръ-ясөс частө вежлалөм, религиялы паныд пропаганда; и начальной, и шөр школаясын велөдчан программаясысь коми кыв зырөм. Челядьөс тадзи көдзөдісны чужан кыв дінө. Нинөм кө оз вежсы, коми кыв вермас кусны усысь кодзув моз.

Сэки эз лэдз усьны кывйыслы коми литература, кодлөн вөлі дзоридзалан кадыс. Йөзыс төдісны эз сөмын писатель-поэтыяслысь нимгьяссө — Геннадий Фёдоровлысь, Яков Рочевлысь, Иван Ва-вилинлысь, Иван Изъюровлысь, Геннадий Юшковлысь, Владимир Ширяевлысь, Иван Тороповлысь, Альберт Ванеевлысь, Пётр Шаховлысь, Владимир Поповлысь, Владимир Безносиковлысь — но и төдісны налысь гижөдгьяссө; видзөдісны Василий Лекановлөн пьесаяс серти спектакляс, сьылісны Серафим Поповлөн да Фёдор Щербаковлөн кывбурьяса сьөлөм вөрзьөдана сьылан-кывгьяс. Республикаса сиктгьясын зэв пыдди пуктісны «Войвыв кодзув» журнал, көні йөзөдісны коми авторьяслысь сөмын на чужөм виль гижөдгьяс.

Эз лэдз асьсө рочмөдны «Эжва йыв» газет, көть и тайөс вөчны ырыштчылісны и обком, и райком. Мөдарө на, творческой сямлуна том коми йөзөс быдтөм могысь газет бердын котыртісны «Томлун» литературной клуб, кодөн босьтчис веськөдлыны Васи-лий Уляшөв. Редакциясы мунөм олома журналистгьяс пыдди воисны том йөз, кыкыслөн высшөй педагогической образование, а коймөдыс партийной школа бөрын. Виль редактор веськөдлөм улын газет нөшта на кужөмөнджык кутіс петкөдлыны районлысь экономика да культура, сылөн тиражыс воөдчис нель сюрс эк-земплярөдз.

Ылі сикт-посёлокгьясө, кытчө он веськав парохөдөн либө ав-томашинаөн, лэбалөны самолөтгьяс. Ыджыдджык сиктгьясын эмось аэропортгьяс, посниджыкгьясын — авиаплощадкаяс. Лэба-лісны кык бордгья АН-2 да өти бордгья ЯК-12 самолөтгьяс. Важөн нин көсйө лэбзывны Лөгингьягө Ольөксан Тарабукин, да некыдз оз слөймы. А сэтшөм окота аддзөдчывны коркөя мусукуыскөд — Анфиса Андреевнакөд. Во куим сайын төвнас редакция машина-

өн кайліс лесопунктас, но сыкөд тшөтш вөлі фотокорреспондент, и аныыдкөд аддзөдчывны эз вермы. Оз-оз да и воывлө вөтөн Анфисаыс, быттёкө корө воыны видлыны. Не кө вөтыс, важөн нин, гашкө, вунөдіс-а, дас өти во нин өд колис кутчысьлөмсянь-ныс. Сэки вөлі июль, и өні июль. Звөнитлісны райкомсянь редакторлы, юөртісны: Лөгинъяг лесопункт пө воджынся планысь вывті кыскис сизим сюрс кубометр вөр, колө пө паськыдджыка гижны та йылысь.

Аскинас Матвей Олюксан кайис аэропортө, мед лэбзывны Лөгинъягө. Сэні сылөн уна төдса, и материалсө чукөртны оз ло сыөкыд. Медшөр могыс — босьтны начальныкыслысь интервью, гижны очерк сямаөс вөр пөрөдысь медбур бригада йылысь. Мөд могыс — тайө гуся мог — аддзөдчывны ыджыд морөса, пашкыр гөрд юрсиа мусукуыскөд. Друг да Анфисаыс верөс сайын? Гашкө, абу нин и Лөгинъягын? Нинөмла водзвыв гадайтны, воас, да тыдовтчас.

ЯК-12 самолөтө пуксисны Олюксанысь өтдор ар квайтымын вита нывбаба да ар даса зонка. Аньсө детинкаыс шуис ыджыд мамөн. Внукыс пуксис лётчыкыскөд орччөн. Тадзсө вөлі кивыв Олюксанлы, аныыскөд позис варовитыштны, мыйсюрө юавны.

— Тэ нө, дитя, көн уджалан Лөгинъягас? — водзджык шыасис нывбаба. — Эг на аддзыв да, юала.

— Ме Льөмдінын уджала. «Эжва йыв» газеттө кывлін?

— Эг сөмын кывлы, лыддям ми сійөс.

— Вот сійө газетас и уджала, журналистала.

— Кыдзи нө эськө памилльөыд?

— Тарабукин. Олюксан Тарабукин.

— Менам внуккөд тай тьөзөяс лоанныд.

— Кымын арөс внукуды?

— Дас. Коймөд класс помаліс. Зэв юра, ставыс пять. Ме больничаөдз лэччылі Льөмдінө да тшөтш босьтлі. Менам нылөй Лөгинъягад, а пиөй Зимстанас тракторист. Водзсө пиөйлысь челядсө видзи, сэсса нылөй кагуктө вайис да, сылысь дай.

— А менам тьөзөөй пиыдлөн али нылыдлөн?

— Нылөйлөн Сашукуыс.

— Батьыс нө эськө коді?

— Батьсө оз помнит. Шопер вөлі, вөртө кыскаліс прицепа машинанад, авария дырйи кувсис.

— Ме воывлі Лөгинъягад да сійөн и юася, гашкө, мися, кодкө төдса да. А мамыс?

— Мамыс посёлокад нянтө дыр пөжаліс, өні столөвөяс завалө.

— Анфиса Андреевна али мый? — чуймис Матвей Олюксан.

— Да. Кыдз нө төдан менсьым нывсө?

— Гижлі ме сы йылысь газетө, снимокөн йөзөдлім.

— Помнита, дитя, помнита. Сідзкөнөсь, тэ и гижлін сэтшөм лөсьыдасө? — нывбаба, тыдалө, мыйкө төдіс, ылөсалис сыкөд өні орччөн пукалысь йывсьыс. И эз ло лөсьыд аслыс, пөръяліс, быттёкө Сашукуыслөн батьыс пөгибнитіс да. Синнас кутіс өтко-дывны газетчиклысь да внукыслысь чужөмнысө, и казяліс уна өткодылун: кыкнанныслөн сьөд юрси, внукыслөн и нюз нырыс тайө дядьөыслөн кодь.

— Сэсса нөсь, Анфиса Андреевна мөдысьсө эз и петав верөс саяс?

— Эз тай. Мужикыс зэв шань вöлі да, оз на и сюр посёлок-сьыд сы кодьыс. Лёкыс аслыс оз ков дай, нелямын арös на и тырис эськö да. Аньписаыд вед пызанвывса пöсь самöвар кодь: радейтö, мед сы гөгөр бергалісны, а эз ачыс кодкö гөгөр.

— Аслыд эськö кымын арös?

— Ме пöрысь нин, квайтымын куим матысмö. Верösой война вылад усис, томиникöн дöваön коли, öтнам быдті ныла-пияös. Посёлокад локтöдз Климов деревняын олім, Зимстансянь верст кызь лоö сэтчöдз.

Кызь вит минутön и воисны, окота на эськö вöлі сёрнитны варов аныскöд да. Кодсянь бара и Сашаыс? Гашкö, збыльысь ассяныыс? Кад сертиыс кö, буретш лöсялö. Ыджыд мамыс лöсьыда пöръяліс Тарабукинös Сашукуыслөн батынас. Любöй мам эськö пöръяліс, эз эськö шу: друт видзигön пö көвъяліс кынöмсö. Аддзöдлас Анфисаös и ассьыс юалас, кушöм вичön гижöдöма писö чужöм йылысь бумагаас. Матвей Олюксанлы телепит тöдны та йылысь. Зэв на и рад лоö, Анфисаös кö сійö вермис вöчны мамön.

Тарабукин прöщайтчис аныкöд и внукуыскöд. Ичöt тьöзöысь юрсö некымынысь шылькнитіс. Сэсся веськöдчис конторалань. Пос помас паныдасис тöдса чужöма нывбабакöд.

— Павлина, тэ али абу? Здравствуй, Павлина!

— Здравствуй, корреспондент! Звönитліс редакторыд, и начальник некытчö эз мун, виччысьö тэнö. Дыр-ö кежлö?

— Аскомысь бөр Лёмдинö.

— Тэн узянін ковмас. Туй мортлы узылانیыс öні абу воддза местаас.

— А мый сэні?

— Анфиса Андреевна паськöдчис патеранас. Писö чужтöм бöрын кагасö видзны вайис мамсö, вот и ыджöдчисны. Анфисаыдлөн вед пи быдмö — Сан Саныч, мöд ног кö, Александр Александрович. Помнитан Анфиса Андреевнатö?

— Помнита. И мамыскöд тöдмаси, пиыскöд да.

— Кыдзи?

— Öтлаын лэбим самолётön.

Тарабукин пырис контораас, а Павлина котөрön столövöйö юортны пöдругаыслы, мый час кык мысти Зимстанö мунас автобус, нуас татчös челядьös гожся шойтчан лагерö. Списокас эм и Саша Касев. Столövöяс буретш перерыв, залас пукалісны мамыс да пиыс и нуръясисны. Анфиса петіс Павлиналы воча, кильчö вылас и сёрнитісны. Мамыслөн висьтасьöм серти, Анфиса тöдіс нин, мый воöма командировкаö коркöя кык войся мусукуыс, пиыслөн батыс, кодьыс ок ёна бырöма гажыс.

— Дыр-ö кежлö воöма?— юаліс Анфиса.

— Аскомысь бөр нин лэбö. Öні сійö контораын. Гашкö, мыйкö висьтавыны? Автобусыд Зимстанад вöрзöдчö кык часын. Мамыд Сашаыдкöд мунö?

— Да. Митрей вок ордын важön нин эз вöv. Кösьяс кö, корреспондентыд мед локтас пажнайтнысö гортö, час куимын, ме сэки гортын лоа.

— Сашаыдлы он висьтав, мый тайö дядьыс и сылөн батыс?— эз көйы, да чепösйис вомсьыс Павлиналөн.

— Висьтала кө, дойда сөмын Сашукөс. Быдмас да, коркө висьтала, бытён висьтала.

Журналист-бухгалтер юасис сэтшөмторъяс, мый весиг шензёдіс аслас юалөмъясөн лесопунктса начальникөс, ковмис корны отсөг вылө плановиксө. А дона-ө сувтіс во джынйон быд кубометр лэдзөм вөр?— та вылө эз вочавидзны ни өтиыс, ни модыс.

— Ті, Александр Матвеевич, бура кужанныд ныръясыны экономикаын,— ошкана шуис начальник.— Тиянкөд сёрниным мен кажитчис зэв интереснөйөн.

— Корреспондентысь өтдор менам эм мод профессия. Газетө локтөдз ме уджалі лесхозын главнөй бухгалтерөн.

— Вот кыдзи,— джынвийө кушмөм юра, паськыд плеша начальник, кодлы позис сетны ар нелямын вит, чукөстліс Павлинаөс, корис вайны кык стөкан чай да печенньө.— Менам бухгалтер лөсьөдчө петны пенсия вылө, тэ эськө сы местаө вөлін бур кандидатураөн. Посёлок миян мича, гажа, оланін кузя абу некутшөм мытшөд, гөгөр тшака-вотөса вөр.

— Пасибө, но Льөмдінын менам семья, ас овмөс, ме сэсь некытчө ог вөрзёдчы. Дерт, газетчиклөн удждоныс абу ошйысына, но овны поэбө.

Сэк, кор петіс контораысь, Павлина өлөдіс Тарабукинөс: куим часын пө Анфиса лоө гортас, кутас виччысыны тэнө пажнайтны. Ывлаын жар. Кымөртөм. Вуджөраинө дзесбьөмаөсь көзаяс. Орччөнмоз сулалөны школа да челядылы садик, бокынджык клуб да столөвой. Посёлок помын ыджыд гараж, машинаыслы лэбув. Сутки чөж баткөдчө передвижнөй электростанция, лун и вой сетө ток. Кызь сизим воөн ичөтик вөр участоксянь Лөгиньяг быдмис ыджыд да мича посёлокөдз. Вөр лэдзсысяслөн татшөм посёлокыс Коми му пасьта, унаөн чужисны война бөрын.

Восьлалө лөгиньягса уличөд льөмдінса коми крестьянин-корреспондент и шензё: мыйла посёлокъясын кыптөны выль школаяс, клубьяс, медпунктъяс, а куимсө да унджык арөса сиктгрездьясын серпасыс сьөлөмтө шогөдана? Воан ичөт сиктад да быттё ош гуө веськалан. Сулалө эськө медмича местаас джуджыд вичко, но юртөм нин и өшинь-өдзөстөм. А өд коркө венчайтчылісны сэні ныла-зонмаяс, жынниялөн брунган горыс чуксавліс крестьянаөс ен праздникъяс вылө. Но пернатөм сыліа власьтъяс гөлөстөммөдісны да синтөммөдісны вичкоясөс. Гашкө, воас кад, и бөр на ловзёөдас найөс Енмыс?!

Чеччө сьөлөмыс Матвей Олёксанлөн. Кутшөм кывъяс шуны, кор аддзас Анфисаөс? Кильчө өдзөсыс дзирйив восьса. Сідзкө, аныд гортас нин. Воськовтіс порог вомөныс, эз сяммы шуны кыв ни джын, сывйыштісны өта-мөднысө. Топөдчисны и вельдыр эз вермыны торйөдчыны. Анфиса чатөртіс юрсө, Олёксан кикарнас чышкис анялөн ныр бокысь синвасө.

— Сэтшөма бырөма гажөй,— шөпкөдіс Анфиса.

— И менам бырөма,— шөпкөдіс Олёксан.

Кутшөм мича Му вылас олөмыс, кор тэнө кодкө радейтө.

Кад мысти Анфиса казяліс: дас өти во кольөм бөрын Матвей Олёксанкөд кык вой чөскыда узьөмыс бара на абу лоөма весь — нелямын арөса аныд сьөктөма. Батьтөм мод кагаөс быдтыны оз кут. Зимстанса участкөвой больничаян гинекологыс төдса, мунас и тшөктас перйыны. Тайө больничаяс, кодөс вуджөдісны

сэтчө Лөгинъягысь, районын медбуръяс лыдын. Сэни уджалоны ыджыд опыта специалистъяс — и терапевт, и педиатр, и гинеколог, и стоматолог, на пиысь кодсюрö здравоохранениеса отличник. Общепитса уджалысь Анфиса Касева сэтчө быть ветлывлö медсправкала быд куим тöлысь мысти. А öнi со локтiс мöд мөгөн. Нывбаба-гинеколог важ тöдсасö примитiс öдйö. Унаысь нин Анфиса таджгöдчылис врач водзын, а пытшпитö вöтлö ас нэмас медводдзаысь на. Эз дыр и лукйысьны яя лядвей костас, öдйö и вöчисны ставсö. Рытя автобусөн нин Анфиса локтiс Лөгинъягö тыртöм гырк пытшкөсөн.

«Мед эськö волас на жö Матвей Олёксаныс», — автобусын пукалiмоз шогалис Анфиса.

22

Август 22 лунся номерын Коми автономной обласът котыртöмсянь ветымын вит во тыран лунö «Эжва йыв» газет йöзöдiс редактор Воробьёвлысь очерк партияса да уджвывса ветеран Пелагея Петровна Журавлёва йылысь. Нэм джын нин сийö партияын, медсьöкыд да гудыр кадъясö уджавлис Юсьбöжын сиктсöветса юралысьөн, и сылы буретш тырис сизимдас вит арöс. КПСС-лөн райком да райисполком газет пыр чолöмалисны юбиярöс да наградитiсны почёт грамотаөн. Пелагея Петровна бөръя вояссö олö пиыс ордын Таркойтын и пыр на нуöдö общественной удж посёлокса нывбабаяслөн сөветын.

Райисполкомлөн культура юкөн газет пыр жö чолöмалис квайтымын арöс тырöмөн Ольга Ермолаевна Игнатоваöс — Юсьбöж сиктса библиотекарöс. Кузь каднад сийö унаысь пырлис районса да республикаса медбур библиотекаръяс лыдö, чукöрмис быдсикас почёт грамотаыс, медся ыджыдыс — Коми АССР Верховной Совет Президиумлөн. Мамсö чолöмавны Лёмдинсянь волiсны пи гозъяыс — Лазарь да Вера, вайлисны пöль-пöчыс дiнö и нель арöса Эдикöс. Сват-сваттяыс, Костинъяс, волыны эз вермыны. Куим семья — Воробьёвъяслөн, Костинъяслөн, Игнатовъяслөн — бөръяысьсö öтлаö чукöртчылисны Ягдорö буретш во сайын, юбилейяс пасийгөн. Медыджыд арлыдаыс вöли Сергей Емель, сылы тырис сэк көкъямысдас вит арöс.

Кызди нинöмөн он вермы пыкны ытва, сiдзи жö он вермы сувтöдны мортлысь пöрысьмöмсö. Көкъямысдас квайт арöсöдз олiс му вылас Сергей Емель; олiс, аслас кывъяс серти, тшöтш и война вылын томиникөн усьöм Ваньö пиыс пыдди. Кувсис Коми муын нималана вöралысь, Георгиевской креста кавалер Емельян Сергеевич Воробьёв арнас, лым усьтöдз на. Висьöмөн эз норасылы Öгрöпена, но верöсыслөн кувсьöм бöрын мужикъясылысь вежсö петкöдлана коркöя нывбаба сылöмөн сылис. Елизавета эштылис лэччöдны мамсö ас дiнас Лёмдинö, но Трепил Иван Öгаш быд ногыс пыксис — некытчö пö ог мун, көсья пö лоны батыд дiнын матынджык. Пионеръяс, кодъяс асьнысö шуисны тимуровецъясөн, отсасисны деревняса пöрысь йöзлы — ваялисны ва, пыртiсны пес. Вольвлисны и Öгрöпена ордö.

Эз вунöд вöвлöм энъкасö и Як Марья, кодi кольöм во ветымын вит арöсөн петiс пенсия вылö. Быд пöрийö, кор вольвлис Людмила ордö, кежавлис видлыны Öгрöпенаöс. Богдан вайис

лесопунктса машинаөн таркойтса улыс складьсь поткөдлөм пес и Людмилалөн, и Öгрөпеналөн керка öшинь улөдз. Як Марья некор оз вунөд энька-айкаыслысь бурлунсö, öд война воясö том моньсö да Володя внуксö найö видзисны ассъыныс челядьöс моз. Во мысти Сергей Емель чукöстис ас дiнас гöтырсö. Öгрөпеналы вöли көкъямысдас кык арöс. Тыртöммис керкаыс Сергей Емельлөн, олысьтöм колис. Елизавета Емельяновна эз тöд, мый вöчны батъ-мамыслөн керкаөн. Ён на да, жаль пилитны пес вылö. Гашкö, вузавны?

Буретш сэки лöсьöдчис выльысь гöтрасьны Закар Агнилөн да Никөн Тольлөн ичöтджык пиыс, кызь квайт арöса Борисыс. Армия бöрас уджалис Лёмдiнсa милицияын, öтлаасис кагаа нывбабакöд. Водзсö бытгьöкö и олісны ладөн, но Борис заводитöма юны, пöдруга видзны. Аньыд вöтлöма Борисöс, вöтлісны и милицияысь. Кытчö воштысьны? Кайис батъ-мамыс ордö. Вежон чöж юис мамыслысь самöгонсö, сэсся и Никөн Толь петис ку письыс: аски жö пö мун Таркойтö и инась любöй удж вылö, а то пö мöдöдам юöмысь бурдöдчанінö. Феликс вокыд пö оз ю, да со кутшöм бура олöны. Радейтöны Людмила моньсö энька-айкаыс. Гожöмнас кө Никита медсясö Таркойтын ыджыд мамыс да ыджыд батъыс дiнын, то тöвнас Ягдорын, татчöс школаса мöд классын велöдчö.

Закар Агни пенсия вылын. Мед пызаныд вöли тыр вöлöгаөн, колö кутны ас овмöс. Ковмас кө, и отсасьны леспромхозлөн подсобнöй овмöслы. Ягдорсаяс да таркойтсаяс олісны öти семьяөн моз. Воддза кадсö, колхоздырсясö, олöмаджык йöз шуöны медмустöм воясөн. Закар Агни ачыс и нуöдiс Борисöс лесопунктлөн контораöдз. Аксёновлөн посёлокысь мунöм бöрын öнiяыс вöли нин коймöд начальникөн. Сійö абу бокысь воём, а ас морт — Ягдорса школаын велöдысь Антонина Николаевналөн да Михайлö Олюксанлөн кызь көкъямыс арöса пиыс, Игорь Александрович. Архангельска лесотехнической институт помалöм бöрын уджалис орчча районса öти леспромхозын инженерөн. Куим во сайын воис, позьö шуны, гортас. Вöлөмкö, мортыд ёна радейтö кыйсьыны-вöравны, сы вöсна и вöзйысьöма татчö начальникнас. Дай гöтырыс Ягдорысь жö — колхозса вöвлөм трактористка Нина Распоповалөн да белорус Ярослав Лукашевичлөн нылыс.

Мамыскöд и пырис Борисыс начальниклөн кабинетö. Лöсьыд сёрни артмис Игорь Александровичкöд. Мöд ногыс и лоны эз вермы. Борис да Игорь котравлісны öти и сійö жö школаö, көть и разнöй классъясö. Сöмын öтигыс школа помалöм бöрын муніс велöдчыны водзö, а мöдыс во мысти салдатö.

— Ме верма вöзйыны уна удж, но, эм кө көсйöмьд, позьö велöдчыны сварщикö. Сварщикным ыджыд опыта, олöма нин, и вöзйысьö пенсия вылö. Уджон абу ичöt. Тöлысь-мöд велöдас тэнö, и вежан сійöс. Пока велöдчан, кутам мынтыны слесарлысь уджон. Оз ков собавны лым питі, кызвын уджыд техника дзоньталан цехъясын. Но кыздз, Борис Анатолевич?

— Пасибö. Ме абу паныд.

— Ыджыд корöм: гажа юрөн удж вылö мед эз вöv петкөдчöма. Сы кузя тані зэв стрöг. Кутан вöчны сійöс, мый тшöктас старшöй механик. А механикыс Людмила моньныдлөн батъыс, Богдан Иванович Шевчук. Агния Захаровналы, ме думысь, лöсватөн?

— Да, да, Толей да Богданыс сватъяс, а ме да Як Марья сваттяс.

— Но и кор виччысьны?— юаліс начальник.

— Аски и локта.

— Со бумага да ручка. Менам ним вылө гиж шыөдчөм. Аскисянь и лоө приказыс. Көсьян кө, посёлокысь аддзам оланін.

— Гортсянь кутас ветлыны,— вочавидзис Закар Агни, коді поліс пиыслөн юсьёмьсь.

Эз, эз юсьы Борис Ногиев. Велөдчис, лоис бур сварщикөн. Öнi öдйөджык колө сійөс гөтравны. Кажитчө Борислы эсийö Людмилаыс, но важөн нин сійö ыджыдджык вокыслөн гөтыр. Öтиысь, шойччан лунö, кор ая-пия мунісны ботайтчыны, Закар Агни гортас рытпукны корис пошта вылын уджалысь Маргарита Леонтьевнаöс. Воддзаыс, Зинаида Терентьевна, öкмисны уджалан воясыс да, петіс пенсия вылө. Маргаритаыс рөдинанас Мылдин районуысь, и Ягдорын оліс көзйяка ордын, Агнияслөн керкасянь неылын. Ягдорö вотөдз уджавлөма связлөн Руч отделениеын.

Чай юигмоз унджыктор көсийс төдмавны Закар Агни тайö том ань йывсьыс. Гашкө, збыльысь лөсялас монь пыдди? Арлыд сертиыс кө, лөсялас-а: чужөма Сталин кулан воö, сідзкө, кызы нель арөса. Том нывъясыд, синма-пеляөсь кө, ставныс мичаөсь. Зонъясөн радейтөм-меліалөм вылө и вөчөма найөс Енмыс. Нылыдысь мичлунсö мужикуловыд пырджык донъялө сы серти, кушөмджык сійö бөрсяныыс; мед эськө лөсьыдөсь вөліны кокъясыс; мед эськө воськовтігас сыркмунлісны бекъясыс. Весиг олома мужичөйяс сувтовкерлөмөн видзөдлассö чөвтлөны сыркмунлысь бекъяса ань вылад. Маргарита Леонтьевналөн, сиктсаяс шуөны Ритаөн, став тайö мичлуныс эм. Дерт, кодъяслыкө кажитчөны и кос печкан кодь нывъяс. Найö öд аслысног мичаөсь жö и зонуловөс манитанаөсь.

Агни быд ногыс ошкис писö. Эз явит, мый Борис öтиысь гөтрасьліс нин, мый уджавліс милицияын, мый и гөтырыс, и милицияысь вөтлісны юөмла. Быд мам эськө вөчис тадз. Дай мөд во нин Борис оз ю, а Закар Агни дугдіс вийөдны самөкур. Мамыслөн зильөмыс эз ло весышөрö: Борис да Рита төдмасисны, кутісны кольөдчывны. И кольөдчисны сыметь, мый гөтрасьтөдзныс на аньыд сьөктөма. Та йылысь Рита медводз висьтасис Агнилы, коді и тэрмөдліс öтлаасьнысö.

Никөн Толь гозъя лэччылісны Лёмдинö Костинъяс ордö сёрнитчыны Сергей Емельысь керкасö ньөбөм кузя. Елизавета Емельяновна лоис рад, мый мам-батыслөн керкаыс, көні чужлісны ачыс да Ваньö вокыс, кутас сулавны и водзö. Ягдорын бара на чужис выль семья. Борис гозъя мыйкөдыра олісны бать-мам ордас, сэсса вуджисны Сергей Емельён керкаö. Феликс вокыскөд вевттисны сійөс шиферөн, вильмөдісны кильчөсö. Никөн Толь да Закар Агни асьнысö лыддисны му вылас медся шудаөн: багатыр кодь кык пиөс быдтісны, кыкнанныслөн шань гөтыръяс, внукөс ли внучкаөс ли регыд козыналас Рита моньыс. Сөмын тай öдйö öкмö арлыдныс, а сэтшөм на дыр окота овны му вылас!

Локтан онас май помын Рита Ногиева чужтіс нывкаөс. Дыр бөрйисны кагалы нимсö и воисны öти кывйö: шуисны Дашаөн. Никөн Толь лоис кыкысь пөльөн, Закар Агни — кыкысь пөчөн.

Оломын кыпыдуныс тӧдчис эз сӧмын посёлокъясын, но и сиктясын. Кӧкъямыс वोся да шӧр школаясын велӧдчысьяс да велӧдысьяс котыртавлісны гожӧмъяснас уджалан да шойччан лагеръяс, ыджыд отсӧг сетісны совхозъяслы кӧрым заптігӧн. Пыр унджык ныв-зон школа помалӧм бӧрын кольччисны чужан сиктас. Зонъяс лоисны механизаторъясӧн, нывъяс мунісны фермаясӧ. Уна том морт босьтіс специальностьсӧ ас районса профтехучилищын. Тырмыны кутісны уджалысьяс «Сельхозтехника» да «Сельхозхимия» котыръясын, мелиорация нуӧдысь бригадаясын. Совхозъясын кыпӧдісны техника дзоньталан мастерскӧйяс, механизируйтӧм скӧт картаяс. Овмӧсьяс ньӧбисны тракторъяс, автомашинаяс, видз-му удж вӧчан машинаяс. Том йӧз сьӧкыда нин эскисны, мый пӧль-пӧчныс, бать-мамныс коркӧ мырсьылісны трудодень вылӧ.

«Эжва йыв» газет паськыда гижис комсомольско-молодёжной бригадаяс да фермаяс йылысь. Уна ошкана кыв вичмис юсьбӧжса том йӧзлы, кодъяс ордайысӧмын частӧ петӧны вермысьясӧн. Юсьбӧжсаяс нимавлісны районын медся зільясӧн да водзмӧстчысьясӧн комынӧд वोясӧ на, кор сиктса комсомольскӧй организацияӧн веськӧдліс том учитель Лазарь Костин. Уна ва визувтіс сійӧ кадсянныс, а найӧ, кодъяслы талун квайтымын да унджык арӧс, пыр на видзӧны памятыныс ассыныс комсомольскӧй томлунсӧ. Сэкся комсомолецъяс пӧвстысь унаӧн сетісны оломынсӧ Отечественнӧй войналӧн фронтъяс вылын. На лыдын комсомолецтахановец Антон Ракин — библиотекар Ольга Ермолаевналӧн воддза верӧсыс. Начальнӧй школаса пионерскӧй дружина новлӧдӧ нимсӧ асланыс земляк Антон Ракинлысь.

Йӧзлӧн кыпыдуныс тӧдчис и сыын, мый найӧ мичаджыка кӧмасисны-пасьтасисны, ньӧбалісны донаджык гортса кӧлуй, ковӧръяс, холодильникъяс, телевизоръяс, пыжӧ моторъяс, мотоциклъяс, весиг автомашинаяс. Сӧмын вот йӧзыслысь корӧмъяссӧ торговля могмӧдны эз вермы. Ёна паськалаіс тӧдса пыр гусьӧн ньӧбасьӧм, мӧд ног кӧ, блат. Регыд нин тырӧ кызь во партиялӧн кызь кыкӧд съездсянь, а коммунизмлӧн кыаыс ӧтарӧ ылысмӧ. И сэк жӧ странаса компартия каличтӧм вомнас ӧтарӧ изӧ коммунизм стрӧйтӧм йылысь, а ЦК-са генсек Брежневлӧн морӧсын ӧтарӧ содӧны зарни медальяс да мукӧд наградаяс.

Прӧстӧй йӧзлы, да тшӧтш и коммунистьяслы, лои виччысьтӧмтор: 1979 во помын советскӧй войскаяс пырисны Афганистанӧ. Мый морысла коліс пырны мусульманалӧн тайӧ странаас — тӧдіс сӧмын партия ЦК-лӧн политбюро. Гашкӧ, Советскӧй Союзын моз жӧ кӧсийсны стрӧитны сэн коммунизм? Уна бать-мамлысь, кодъяслысь дас кӧкъямыс-дас ӧкмыс арӧса пиянсӧ мӧдӧдісны воюйтны Афган гӧраясӧ, Виль во водзвылын лои дзугыльмӧдӧма сьӧломнысӧ. Дыр-ӧ кыссяс да мыйӧн помасяс тайӧ войнаыс — некод эз тӧд.

Советскӧй йӧз ас костаныс шензисны: позьӧ ӧмӧй веськӧдлыны татшӧм ыджыд странаӧн политбюроса дзӧрысь пенсионеръяслы? А кызди нӧ оз? Видзӧдан телевизор да, ставныслӧн морӧсаныс зарни медальяс, унджыкыслӧн некымын; ставнысӧ шуӧны вернӧй ленинечьясӧн, ыджыд партийнӧй да государствен-

нӱй деятьельсӱн. Радио да телевидение лунтыр брунгӱны, мый уджалысь коллективъяс босытӱны ыджыд обязательствояс локтан во кезлӱ, мый сӱветскӱй йӱз пасъясны Ленинлы 110 во тыран лунсӱ выль вермӱмъясӱн. Збылысьсӱ жӱ, лым питӱ коскӱдзис собалысь вӱр пӱрӱдысьлы, нӱль час асывсъян сизим час рытӱдз скӱт картаын ноксысь дояркалы Лениныдӱн чужан луныс вӱлӱ дзик веськодъ, кӱтъ планъяс тыртысь да вевтыртысьяслы сетӱсны Ленинскӱй почӱт грамотаяс. Бурджык эськӱ вӱлӱ, сетӱсны кӱ на пыдди талонъяс, шуам, мотоцикл либӱ автомашина, либӱ мукӱд донатор вылӱ. Ӗд йӱзыслӱн сӱмӱс унатор вылӱ нин вичмис, а промышленнӱй тӱваръясӱн магазинъяс вӱліны гӱльӱс.

Лӱмдӱн районын медводдза машинаыссӱ нӱобисны вӱр лӱдзысьяс. Ӗчередыс вӱлӱ ыджыд, и кодӱс сувтӱдны водзӱджык, кывкӱртӱдсӱ вӱчлісны парткомлӱн да профкомлӱн ӱтувъя заседание вылын. Медся пыдди пуктылісны найӱс, кодъяслӱн эм орден либӱ медаль. Сӱтшӱмъясыс вӱліны быд лесопунктын, но эз уна. Потребсоюзӱ машинаыс воис нӱшта на этшаджык. Юсьбӱж отделенияса механизатор Нехорошевы, кодӱ быд во быдтӱ картупельлысь ыджыд урожай, сетӱсны народнӱй овмӱслӱн Ставсоюзса выставкалысь диплом да «Москвич» автомобиль. Татшӱм козиныс вичмыліс республикаын лыда йӱзлы.

Сӱрнитчисны Ритаыскӱд да, машина вылӱ шуис чӱжны сӱм-сӱ и Борис. Мед унджык нажӱвитны, сварщикалӱмысь ӱддор сӱйӱ босытчис уджавны тшӱтш и аккумуляторнӱй цехын. Сыысь, мый ичӱтджык вокыс лоис бур семьянинӱн, радліс и Феликс. Кык воклӱн семьяс воысисны и быд ногыс отсасисны ӱтамӱдыслы. Шойччан лунныс кӱ веськавлӱс ӱти и сӱйӱ жӱ кадӱ, ӱтлаын ветлывлӱсны ботайтчыны, ӱтлаын кытшовтлісны чӱс туйяс. Феликс зятыскӱд кыйны чери Лӱмдӱнсянъ воывлӱс и Володя Воробьӱв, корсюрӱ босытлывлӱс аскӱдыс писӱ. Ведра тыр черитӱг Владимир Иванович гортас эз лӱччыв. Кыйдӱснас пыр юксыыліс Лиза обыскӱд.

Пӱлыслысь став кыйсян-вӱралан кӱлуйсӱ пӱчыс колис Володя внукыслы. Лӱмдӱнӱ нинӱм эз лӱччӱд, эз ну и Таркойтӱ, а иналӱс Ягдорӱ Людмила чойыс ордӱ. Тадзисӱ вӱлӱ медся кивыв, ӱд лӱмдӱнсаяс частӱ катлісны черисӱ кыйны Ягдор гӱгӱрса тыясӱ, воывлӱсны весиг сыктывкарсаяс. Йӱлакӱдж тыын радейтлісны кыйсыны Коми муын паськыда тӱдса художникъяс Безносов да Мошев. Вот петас пенсия вылӱ Лазарь Кузьмич и тшӱтш кутас воывлыны ботайтчыны сӱйӱ местаясас, кӱнӱ кыйсыыліс Емель тестыс. Бытӱн ветлас ком вутравны Ягдорьюӱ, кытчӱ коркӱ нуӱдліс комсомолец Веня Турьев.

Лазарь Кузьмичлы квайтымын вит ар тырӱмсӱ Костинъяс пасйисны Лӱмдӱнын. Рӱдняыс да удж кузя матысса ӱртъясыс чукӱрмылісны вель унаӱн. Юсьбӱжсянъ волісны сват-сваттыыс — Ольга Ермолаевна да Георгий Евгеньевич Игнатовъяс, кыкнанныс пенсионеръяс. «Эжва йыв» газет пыр юбилярӱс пӱся чолӱмалӱсны райком да райисполком. Юбилейсӱ пасйӱм бӱрын вежон мысти кымын Лазарь Костин петӱс пенсия вылӱ. Шойтчӱг вылӱ кольбӱдісны райкомын зӱв торжественнӱй. КПСС райкомса первой секретар Михайлов ӱрт сетӱс Костинлы партия Коми обкомлысь почӱт грамота.

Көкъямысдас өтиөд воын гожся медводдза лунө тырис нелямын во сэксянь, кор кызь өти арөса Як Марья чужтис пиös. Шуисны Володяөн. Сійө Володяыс талун «Эжва йыв» газетса редактор. Вөлі выльлун, газет лэдзан лун. Асывнас, вольпасьын на вальмасигөн, верөссө пөся окыштөмөн медводз чолөмаліс Тамара Мисаиловна. Удж вылас мунтөдз гортас триньөбтис телефон, кыліс Лиза обыслөн гөлөсыс:

— Володя, талун тэнад чужан луныд! Лазарь зятъыдкөд чолөмалам тэнө, сиам став бурсө. Кывзысь да радейт гөтыртө! Кылін?

— Кылі, об. Пасибө. Волөй рытнас чаюйтны.

— Талун ог эштөй. Обедбөрся рейснас карө лэбам кыкнанным.

— Висьталөй миянсянь ыджыд привет Кузьмалы да семьяыслы.

Обыслөн Кузьма пиыс вуз помалөм бөрын уджалө Сыктывканын «Комигражданпроект» институтын инженерөн. Семьяа, олоны бур патераын, быдтоны кык нылөс.

Абу вунөдөма пиыслысь чужан лунсө и Як Марья. Таркойтса пошта вывсянь звөнитлісны Богдан дядьыскөд. Сёрнитісны водзджык Володякөд, сэсся Тамара моньыскөд. А Людмила чойыс да Феликс зятъыс мөдөдөмаөсь Ягдорсянь чолөмалана телеграмма. Тестъыс да тьөщаыс эз төдны зятъыслысь чужан лунсө и сёр рытнас Воробьёвъяс асьныс звөнитлісны карө, сёрнитісны и Евлампия Ивановнакөд, и Мисаил Карповичкөд.

Нелямын арөсид — томлуныдлөн медвылі тшупөдыс, сэсся вельдыр кежлө пуксяс верстыө кад. Он и казьявлы — олөмыд кольөма. Эз гораа пасйы асьыс чужан лунсө редактор Воробьёв. Газетсө печатьө кырымалөм бөрын редакцияса коллектив чукөртчыліс Владимир Ивановичлөн кабинетө, көні лөсьөдөма мыйсюрө юантор да сійөс кылөдантор. Пызансө дасьтис редакцияса бухгалтер Мария Александровна — куим челядлөн мам, коді верөссъыс гусьөн пырис партияө и өні ачыс эз төд, мыйла пырис. Сылы отсасис письмөяс юкөнөн веськөдлысь Валентина Юдашёва, коді во-мөд сайын вуджис газетө местной (районса) радиосьянь. Верөсыс роч, сы вөсна и овыс татшөм.

Бур сиана медводдза тостсө шуис рөвнөя тшөтшөдөм рудуска кывкутысь секретар Василий Уляшёв, сэсся козьналіс асьыс көкъямысдас лист бока «Менам ангел» кывбур чукөрсө. Ангелнас авторыс шуө Татьяна гөтырсө, коді козьналіс Васьлы кык нывкаөс. Ыджыдджыкыс, Фаняыс, таво пырас квайтөд классө, ичөтджыкыс — коймөдө.

Кыпыд да варов вөлі Олёксан Тарабукин. Казьтыліс сійө Николай Трофимовкөд на уджалан вояссө; абу на вунөдөма, кыдзи да мыйысь Трофимов сетөма Матвей Олёксанлы да Семён Безносииковлы выговор. Тарабукинлөн зептас нин командировочной удостоверение, аски лэбө Лөгинъягө, волас Зимстанөдз, көні век медводз пыртөны вөр лэдзөмө вьелторъяс. Но сэтчө мунан медшөр помкаыс — аддзысьлыны сьөлөмсө өнөдз öйөдана Анфисакөд, тшөтш и дас вит арөса пиыскөд.

Володя Воробьёв воис гортас сэк, кор телевидение петкөдліс «Кад» программа. Тамара верөс воигкежлас дасьтөма чөскыд ужин, водка доз и. Лэтчысь шондыс бисерөн дзирдаліс лөнь Эжва веркөсын. Ылөдз тыдаліс вежөдысь паськыд мөдлапөлыс. Дебаркадер вывсянь вуграсисны зонъяс, сэні жө и Ваня Воробь-

ёв. Кельчиысь да йөршысь өтдор вугырад нинөм оз пысась, но каньлы өтчыд сёймөныд шедас. Кывтысь-катысь мотора пыжаяс-лөн гыясыс гудырмөдöны берег пöлөнсö, полошитöны черисö.

— Быттö тöрыт на и тайö керкаас медводдзаысь кутчысьлiм тэа-меа, а кобöма нин сы мында во. Помнитан?— томдырсясö казтыштiс Тамара.

— Помнита. Öнiöдз пельын шыалö Штрауслөн «Сказки венского леса» вальсыс.

— Вай юам, мед сiйö кадыс некор эз вунлы миян паметысь. Он нин, навернö, жалит, сувтi карад лэччöмлы паныд да?

— Нинöм ог жалит. Жалита öтитор: Иванлөн абу чойыс.

Иванос чужтöм бöрын гозъя дугдiсны ноксыны презерватив-нас. Тамара кыкысь на дорвыв сьöктылiс и кыкнанысьсö вöчис аборт, и эз гусьон, а верöсыскöд сёрнитчöмөн. Шуисны: сьöктас кө коймöдысь — чужтас. Коймöдысь сьöктöмыс и нюжалiс, но лачасö эз воштыны.

— Ме мам-батьлөн öтка ныв. Но и мый? Налөн эм зять и внук. Быдмас пиным да, миян лоас и монь, лоасны и внукъяс. Збыльысь кө, каитча, мöдысьсö эз ков мунны аборт вылас. Вай огö на усьöй ловнаным, ме кага вайысь нывбаба на...

— Эн каитчы нинöмысь, ме и сiдз тэнö радейта.

— И ме тэнö радейта,— Тамаралөн вöлi нин кыв йылас, вот-вот шуас, мый Володя вермис нин лоны нельысь батьон, но кутчысис. Медводдза аборт йывсьыс, кодöс вöчис карын велöд-чигөн, верöсыс эз тöд. Вөлöмкö, дзоньсö чеган войö и сьöктöма. Студентка Тамара Королёвалы сэк вöлi кызь, студент Владимир Воробьёвлы дас öкмыс арös.

Мед жö оз куслы гозьякост оломын муслуныс!

24

Стöча шулöмаöсь важ йöз: шудыд да шогыд пö öти доддьын ветлöны. Вöлi сентябр, баба гожöм — ныла-зонъяслөн гöтрасян кад.

— Ало! Ало! Рита, тайö тэ?— Маргарита Леонтьевна пыр и тöдiс телефон трубкаын гөлöссö ручса пöдругаыслысь.

— Ме, ме. Бур лун, Лия! Мыйкö тай важөн нин эн звöнитлы?

— Век көсья и пыр нюжöдча. Со мый юорта: локтан пекни-чаö ме пета верös сайö, свадьба сямäс көсьям вöчны. Зэв ёна кора, мед эськö тэ волiн. Тэ меным чой кодь и он кө лок, мен тэ он кут тырмыны.

— Кодi жöникыд?

— Тэ он тöд сiйöс. Ачыс Лунпокаысь, армия бöрас велöдчы-лöма бульдозёристö, öнi уджалö «Комиавтодорлөн» бригадын туй стрöитанiнын. Локтан да тöдмасын, зэв шань морт. Öнi машинаыд уна ветлö öтарö-мöдарö, он йөрмы. Бур эськö, верöстö кө сёрсыыд нуöдлан. Волiгад и сёрнитам быдтор йылысь.

— Вола, ме пыдди кө кольччылас Зинаида Терентьевна. Кодi сiйö? Ме сы местаын и уджала.

— Тöдмав да татчö пошта вылас и звöнитлы, мен сэсся юөртасны.

Лияыс медсестра. Ручас уджалiгөн на ордын и патеруйтiс Маргарита. Збыльысь чойяс кодьöсь вöлины, Лияыс ар-мöдөн томджык. Рытнас Рита висьталiс Борисыслы пöдругаыскöд теле-

фон пыр сёрнисö. Верöсыс эз паныд сувт, лэччыв пö, сöмын бöра-водза. Сёрнитчис и Зинаида Терентьевнакöд.

Энькасяныс Рита тöдмаліс, пекничаö пö Льöмдінö лэччö ов-мöслы öтрубла Феликс. Машинаыс капиталнöя дзоньталöм бö-рын, вильмöдісны весиг брезент вевта кузовсö. Сёрнитлас Рита-ыс пиверыскöд, гашкö, Ручöдз нулас. Льöмдінсянь сэтчöдз комын вит верст и эм. Час кык пукаласны свадьба вылас, и тырмымön. Феликс корсюрö кыштлиö винатö, но руль саяд некор оз. А Рита, кöть и нинöмön оз вись, кызди и Борисыс, вом тыр оз босьтлы весиг праздникяс дырйи. Борис аддзысьліс воыскöд, и Феликс кöсийысис нулыны моньсö пöдрутаыслөн свадьба вылö.

Пекничалы паныда войыс зэв лёка колис Закар Агнилөн. Верöсыс неумынысь садьмöдліс гöтырсö, ёна ымзö да.

— Лёкторьяс али мый вöталін?— вольпасьысь на чеччытöдз юалис Никöн Толь.

— Пос помын быттö ыджыд сьöд пон омлялö. Карнанön зырöбтыла и быдөн, а сійö нöшта на гораджыка заводитö вурзавны. Толь, тайö абу бур водзö. Чайта да, ангелöй татшöм ног мыйыськö менö öлöдö.

— Эскыны кö быд вöтлы, кöть эн и ов му вылас да. Пöкмелля дырйи быд бессö ме вöтавлі, тайкö эг весьöпөр.

— Толь, менам öд абу пöкмелля. Сэсся тэ коммунист, а коммунистьясыд, навернö, бесьясöс и вöталöны, вичкоястö кись-тöмсьыд Енмыд эз прöстит да. Гашкö, Рита моньлы нинöмла и мунны свадьба вылас да?

— Мед ветлас, сідз нин Ягдорысь некытчö оз петав.

Феликс да Рита водз петісны туйö, мед öбед бөр кежлö Ручсяныс бөр нин воны Льöмдінö, öтруб босьтны колö вевъявны. Мамыс нуис Дашаöс Людмила ичиньыс ордö, сійö и нуöдас садикö. Борис чожыскöд öти и сійö жö автобусөн Таркойтö муніс Никита, коді пырис таво арнас квайтöд классö. Никита частö узыльваліс посёлокын ыджыд мамыс да ыджыд батьыс ордын. Найö ёна радейтісны ассьыныс внуксö, и сылы дасьтöма керкаас торья жыр. Жалитісны, шоча воывлö Льöмдінсянь Иван внукныс да.

Пеляс понлөн омлялөм шыясөн и муніс Закар Агни Людмила ордö. Моньыс гортас на вöлі, лöсьöдчисны Дашакöд садикö.

— Сьöлөм вылын мыйкö абу лöсьыд. Мед кöть Ручö лэччысь-яслөн туяныс нинöм лёктор эз ло,— шуис энькаыс. Внучкасö босьтіс моздорас.— Колльöда ме тиянös садикöдзыд.

— Менö тай войбыд шобрöдліс-а. Зэв мисьтöм вöт вöталі: Феликскöд быттö гудыр тын купайтчим.

Закар Агни дзикöдз усис ловнас, но ассьыс мисьтöм вöтсö эз висьтав. Верöсыс, навернö, прав: быд вöтлы эскыны нинöмла.

Чукыльöсь вöлөкöд машинасö Феликс нуöдіс вöляникысь, часнас нелямын кымын верст. Гуранöсьджык туйыс юсьбöжса видзяс вывті, но сибдымөнъя лёкин абу. Торья юкөнъясын уджалö вынйöра техника, коляс во-мöд-коймöд, и чорыд веркöса туй нюжалас Сыктывкарöдз; Сыктыв, Висер да Эжва юясös вомöналасны автомобильөн ветлан посьяс.

Гадь моз потіс коммунистическöй партиялөн проект, мый серти Печоралысь да Эжвалысь визувсö кöсийылісны бергöдны мöдарö. Эз кыштыны Льöмдін кывтыдын ни джуджыд плöтина,

ни ыджыд ток сетысь гидроэлектростанция. Буретш кызь во колис КПСС-лөн кызь кыкӧд съездсянь, кодӧс нимтісны страна-ын коммунизм стрӧитан съездӧн. Сылӧн шуӧмыс: советскӧй йӧз кызь во мысти кутасны овны коммунизмын,— пӧрис бусӧ.

Феликс ӧні нуӧдіс машинасӧ буретш сэт, кытчӧ, проект серти кӧ, сувтіс эськӧ комын нель метр судта плӧтина. Водзын паськы-да шевкнитчӧм Эжва. Таладор берегын машинаяс эз тыдавны, техника тыра вуджӧдчан карбас матыстчис мӧдар берегас. Карбаслы сибӧдчаніныс (шусис припаромникӧн) берегсянныс нюжӧдчӧма вель ылӧдз, юыслӧн джуджыдінӧдз. Мӧд ногыс, карбасыс ӧшъяс кынӧм вылас и оз вӧрзыы. Сэтшӧм нин матын припаромникыс, а машина тюрӧ и тюрӧ чой горув, и вель ӧдйӧ. Феликс ӧтарӧ личкӧ тормоз педаль ылӧ, но машина эз кывзысь.

— Чеччышт!— горӧдіс шопер, но шӧйӧвошӧм Маргарита эз вермы восьтны ӧдзӧссӧ, машина патурликасыс пемыд Эжваӧ...

Мӧдар берегӧ матысмысь карбас, техникасӧ и йӧзсӧ чеччӧдтӧг, пыр жӧ бергӧдіс нырсӧ таладор берегӧ, мед ӧдйӧджык сетны кутшӧмкӧ да отсӧг налы, кодъяс сунісны Эжваас. Но ставыс весьшӧрӧ. Кытчӧдз воисны кранъяс да пысалісны вӧйӧм машинасӧ, колис вель уна кад. Кабинасыс абу вермӧмаӧсь петны ни Феликс, ни Маргарита. Машинаыс нырнас зурасьӧма куим метр судта ю пыдӧсӧ, и некодладорсянныс абу воссьӧма кабина ӧдзӧсыс.

«Эжва йыв» газет съӧд кытшӧ босьтӧмӧн сетіс 28 арӧса Маргарита Леонтьевна Ногиевалӧн да 34 арӧса Феликс Анатольевич Ногиевалӧн трагическӧя кувсьӧм йылысь юӧр. Со мый водзӧ тай и Закар Агни вӧталӧма ыджыд съӧд понлысь омлялӧмсӧ, а Людмила — верӧсыскӧд гудыр тыын купайтчӧмсӧ.

Дӧвечӧн кольӧм бӧрын Борис куим арӧса кагаыскӧд овмӧдчис мам-батыс ордӧ. Закар Агни вылысь гӧтрасьны писӧ эз тэрмӧдлы. Дерт, комын арӧссянныд бабатӧг овны оз кут. Слабог, винатӧ ньӧти оз ю. Дашаӧс босьтліс съӧрас и рытьяснас Агни ветлывліс Людмила ордӧ. Батыслӧн кувсьӧм мысти Никита урокъяс бӧрын эз нин кольчыв Таркойтӧ, а воylvліс гортас, мед эз гажтӧмтчы мамыс. Школаӧ мунліс и локліс сзсь сійӧ жӧ автобуснас, кутшӧмӧн и ветлісны Борис дядьыс (батыслӧн вокыс) да посёлокын мукӧд уджалысьяс. Урокъяс помасьлісны водз, и рытья автобуссӧ виччысьліс ыджыд мамысьясын.

Ӧтиысь, кор вӧліны ас кежаныс, Никита шуис дзик виччысьтӧмтор:

— Борис дядь, кутшӧм эськӧ гажа вӧлі, локтін кӧ миянӧ овны. Батӧтӧг меным и мамӧлы гажтӧм. Менам эськӧ Даша чой вӧлі...

— Ачыд тайӧс думыштін али велӧдіс кодкӧ?

— Тэ чайтан, мый пӧчӧ велӧдіс, пӧльӧ ли? Эз, некод эз велӧд. Ме вед ыджыд нин, квайтӧд классын велӧдча.

— А мамыд примитас?

— Примитас, тшӧкта вед ме. Тэ жӧ батыӧлӧн вок...

Да, Феликс да Борис ӧти нянышомысь пӧжалӧмъяс. Коркӧ и ачыс Борис радейтліс Людмилаӧс. Гашкӧ, збыльысь сёрнитлыны Людмила Богдановнакӧд, коравны гӧтыр пыдди? Тӧдӧмысь, Феликс таысь оз дӧзмы. Мӧдарӧ, лӧгасьны вермас сзк, Людмила кӧ веськалас бокӧвӧй киӧ. Гашкӧ, батыс и шӧпкӧдіс Никиталы,

мед Борис дядьыс лоис сылы бать пыдди, а Дашаыс чой пыдди?

Вөлі төвся Микөла лун, субөта. Трагедиясянь колис куим төлысь. Войбыд думайтис Борис, шыөдчывны-ө Людмила дінө? Мый шуны? Кутас кө нюжөдчыны, Людмилаөс вермасны удитны либө чурка вөчны — комын кык арөса мича дөватө зонъясыд покойө оз кольны. Көть и медкөдзыд пөраыс, ывлаын сөмын дас градус. Борис мичаа да шоныда пасьтөдіс Дашаөс, босьтис моздорас и мөдөдчис Людмилаяслань. Четчө сьөлөмыс жөниклөн, өд кагаыскөд сійө мунө корасыны.

Дзиръясө на восьтігөн Борис казяліс: Людмила сулалө кильчө вылас өтпөлөса, пельпом вылас шалля.

— Бур лун, Людмила Богдановна!

— Бур лун, Борис Анатольевич!

Том дөвеч сувтис том дөвалы воча и чукльөдлытөг керыштис:

— Людмила Богдановна, ло менам Дашалы мамөн. А ме лоа батьөн Никиталы.

Аньыд кисьмөм льөм кодь сьөд синсө чөвтліс то жөник вылас, то аканьлөн кодь гөгрөс чужөма кага вылас.

— Дашенька, лок менам моздорө,— корис Людмила и топөдіс нывкаөс морөс бердас, шуис сэсся:— Ыркыд тані, пырам керкаас.

Вокысөн на вөчлөм гөликөн Борис пыркөдіс гын сапөгсө.

Бөркыв

1990 во. Гожөм. Мөдлапөлын, Эжвасянь писькөдчысь вис вомын, пукалісны олома кык мужичөй — кианыс кузь вутыр шатинаөсь. Вискас пырө быдсикас чериыс, но посни вутырад медсясө пысасьоны кельчи да ёкыш, ёсь тшөтя нильөг йөрш да мык. Ю берегас валъялыштис бөжас мотора көрт пыж. Висбокса ытшкытөм на видз вылын дзоридзысь дзоридзө лэбалісны югыд бордъя посныдык вертолёт кодь юрсигусьяс; асланыс кыв вылын гораа сьылісны чиркьяс.

— Вот и олім ми тэкөд, Георгий Евгеньевич, сизимдас вит арөсөдз. Во ветымын сайын, комсомолын уджалігөн, чайтлі, мися, ме некор ог пөрысьмыв. А вөлөмкө, пөрысьман.

— Мый тэ, Лазарь Кузьмич, ми тэкөд абу на пөрысьсөсь, че-ри на вугралам да. И олім му вылас, думайта да, эгө весь.

— Олім сідз, кызди тшөктис партия. А партиялөн туйыс, ёна кө думыштлыны, вөлі шыбельөсь, кадьясөн и шогмытөм. И зарни чериөс кыйөм пыдди воим потөм вор дорө.

— Кыдзи ме помнита, партияыд висис бурдтөм висьмөмөн — пуктис асьсө Ен туйө. Медводз лэптісны Енмөдз Ленинөс да Сталинөс, сэсся Хрущёвөс, Брежневөс и на бөрся локтысь мукөд генсекөс. Вылө пуксьысьсөсь да тшапөсь и обкомын да райкомгясын уджалысьяс.

— Гриш, абу ставныс сэтшөмөсь.

— Лазарь, тэ, надейнө, асьтө төд вылад кутан.

— Тшөтш и ачымөс. Вылө пуксьөмысь да өшыбкаясысь менө век видзис аслам ангелөй.

— Ангелыд?

— Да, аслам ангелөй, кодөс ме вөт нисьө вемөсөн аддзывла войяснас. Овлөны здукьяс, кор ме кыла сійөс ас мыш сайысь,

быттё шуалё: вöч пö тадз, а эн сідз. И вöчлі сідз, кыдзи тшöк-тыліс.

— Ме эськö вöтасьла жö, но ассьым ангелöс эг на аддзыв.

— Гашкö и, аддзывлан, да он тöд, мый сійö и эм тэнад ангелыд.

— А мыйла та йылысь тэ некор эн висьтавлы?

— Тайö менам олöмын дзик öти гусятор, мый йылысь тöдам сöмын кыкөн: ме да аслам ангелöй.

— Лазарь сват, тэ дзик нин поп моз кутін сёрнитны.

— Кымын пöрысьма, сымын ёнджыка Енлы эска. Ми öд эскылім сöмын коммунистическöй идеальяслы. Миян странаын, кöні веськöдлысьнас пернатöм сьылä дзик öти партия, сы мында шог-печальыс да страданньöйс. Вöвлі кад, кор корсисны «народлысь врагьясö» и некутшöм мыжтöг сісьтісны йöзсö тюрмайсын да лагерьясын; тешитчисны крестьяна вылын колхозö мырдөн пыртігөн, зільджыка уджалысьяслысь да тыр-бура олысьяслысь мырддисны ставсö — скöтсö и керка-картасö; жуглісны вичкояс, лыйлісны попьясöс, бырöдісны ен праздникяс. Дугöдісны нэмöвöйся традицияс — венчайтгöм, кагаос пыртöм. Оз, некор оз прöстит Енмыс татшöм грекьяссьыд миянлысь партиянымöс. Ме аддзысьлі райкомса первой секретар Михеевкöд, да сійö шуис, öні пö партияысь петöны быдса чукөрьясөн. Петöны пö найö, кодьяс вöвліны медбурьяс лыдын, но воштісны партиялы эскöмсö.

— Ми тэкöд, сват, нинöмөн абу мыжаöсь Ен водзад, и партия водзад абу мыжаöсь. Быдлаын уджавлім честнöя. Меным кокниджык вöлі, пыр велöді школаын, сиктсöветса преднад тай бөрйылісны жö-а. А тэныд вот юртö ёна ковмис жуглыны ыджыд должностьас вылад.

— Эн нин шу, сват. Кытчö сöмын эз индив менö партияыд? А пансис ставыс комсомолсянь. Пасибö комсомоллы! Лизалы тай шмонитла: эз индивны, мися, сöмын медвытрезвительö начальникөн либö районса главнöй гинекологөн.

— Прöстöй йöзыд, збылысь кö, эз радейтлыны и оз радейтны компартиятö, сы вöсна и петöны сзсь, весиг генсекьяс йылысь лöсьöдлöны анекдотьяс. Коммунистьястö некор эз сибöдлыны власьт бердö ни Америкаын, ни Англияын, ни Францияын, ни Японияын, но тайö странаысыс мунöны ёна водзын народнöй овмöслөн быд юкöнын; олан тшупöднас, тыдалö, найöс ми некор ог вöтöдöй, кöть и миян кок улын быдсикас озырлуныс,— Игнатов лэштыштіс шатинсö, мездіс вугыр помысь гöрд син дора тшöг кельчи, чайтіс весиг мыкөн, самасис и бөр швыркнитіс вугырсö ваö. Черисö пысалис бадь вожйысь вöчöм вожкаö и пуктіс берегса гöптö.

— Кымынöд нин?— юалис Костин.

— Дас кыкöд. Да, тöрыт ме лыдди «Литературная Россия» газетысь интереснöй статья, гижö öти экономист, наукаса доктор. Паметьö колис сзсь со мый: наша страна пö подошла к черте бедности. Третья часть населения Советского Союза пö бедствует. А Хрущёвлөн кöсйысьöм серти кö пö, ми öкмыс во нин долженöсь овны коммунизмын. Мыйөн пö ставыс тайö помасяс-а? Выль революцияөн?

— Лоас кö революцияыд, власьт бердссьыд коммунистьястö вермасны шыбитны. Мый кöть эн шу, но мен жаль, мый компартия сыметь уськöдіс ассьыс авторитетсö.

— А ме вот мѳд ногджык думайта. Кутасны веськѳдлыны сѳйѳ жѳ йѳзыс, но асьнысѳ шуасны демократьясѳн. Лыддян газетъ-ястѳ да, татшѳмторыйыс петкѳдчѳ нин быд воськолын. Сѳдзкѳ, олѳманым бурланъ вежсьѳмьястѳ ковмас виччысьны нѳшта во сѳ! Лазарь, гашкѳ петам партиясьыд? Взносѳ мынтѳмысь менѳ вукѳдѳ нин. Нуам билетнымѳс и пуктам Михеевыслѳн пызан вылѳ, а? Сэсся редактор Владимир Воробьѳв юѳртас та йылысь районнѳй газетын.

— Шмонитан али збыль шуан? Партбилет ме некѳр некодлы ог сет и ас кѳсйѳмѳн партиясьыс ог пет. Ѳд эг кѳ вѳв коммунистѳн, йѳзыслы пѳльзасѳ вайи эськѳ ѳна этшаджык.

— Сѳдз, пѳжалуй, и эм. Дай наградаыд эськѳ этшаджык вѳлі. Кыдз мен тѳдса, тѳнад кык орден да кык медаль, тѳ народнѳй овмѳсса заслуженнѳй уджалысь. Дерт, Хрущѳвлѳн да Брежневлѳн серти наградаыд этшаджык, но эн кѳ вѳв коммунистѳн, и тайѳ эськѳ эз вѳв... Сват, самтѳ кодкѳ дѳбѳдѳ, нѳрѳвитлы, гашкѳ, ыджыд чери, со вѳйласьѳ наплавыд.

Костин ва веркѳсѳдыс кыскис вель ыджыд ляпа, ѳдѳдз абу на жѳ воѳма-а, шуис:

— Гриш, тѳ ме вылын сералан? А ѳд ме, кытчѳдз вѳлі райком бюроса членѳн, награданад тѳнѳ эг ѳбидитлы. Абу уна учительлѳн «Знак почѳта» орденыд, а тѳнад эм. И заслуженнѳй нимыд тѳнад эм жѳ. Нинѳмла тѳн ме вылѳ норасьнысѳ. Веськыда колѳ шуны: обкомса да райкомса уджалысьясыд босьтлісны югыдджык орден-медальсѳ, а пемыдджыкъясыс да быдсикас бумага грамотаясыс вичмылісны радѳвѳйяслы. Да, тайѳ збыль. А примерсѳ петкѳдлісны асьныс КПСС ЦК Политбюроса членъяс. Эз ѳти килограмм эзысь да зарни ѳшав Брежневлѳн морѳсын. А куліс да, Сѳветскѳй Союзса некымынысь Герой пыдди лоис анекдотьясса геройѳн. Позис ѳмѳй та ыджда странаѳн веськѳдлѳмсѳ сетны дзѳран пѳрысь выжывъяслы?!

— А мый бурсѳ вайис том Горбачѳвыд? Нинѳм жѳ на эз вай; видзѳдлам, мыйѳн на помасяс тайѳ «перестройкаыд». Ѳтарѳ висьталѳ, ми пѳ «на правильном пути», а кытчѳ воам тайѳ туй кузяыс?

— Ме вот пола, мый демократьясьыд кысьтасны став сѳветскѳй системасѳ, жугѳдасны йѳзыслысь олан ладсѳ, и лоѳ ѳна лѳкджык Брежнев кадся серти.

Сватьяслѳн, кор ѳтлаынѳсь, пыр ѳти и сѳйѳ жѳ сѳрни — политика. Да и ставнас странаным пѳльтчѳма нин политикаѳн. Мѳд лунас Лазарь Кузьмич, гортсаясыслы нинѳм висьтавтѳг, кайис райкомѳ. Куим судга тайѳ кирпич зданиесѳ стрѳитісны сы могысь, медем Великѳй Октябрлѳн 50 вося юбилей кежлѳ кулак да ГУЛАГ керкаясысь вуджѳдны татчѳ райком да райисполком. Сѳдзнад, кызь куим во нин чиновникъяс тасянь веськѳдлѳны районѳн. Керка вевт дорышас кык морт судга букваьсѳн гижѳма: «Слава КПСС». Букваясыс, медем эз пѳрны, пыксьѳны мытшѳдъяс вылѳ, ѳна тѳла дырьи весиг вѳрыштѳны.

Латшкѳс тушаа, паськыд чужѳмбана первой секретар Михеев — ар нелямын вита рѳч морт, кияссѳ мыш саяс кресталѳмѳн пемыдгѳрд ковѳра джѳдж кузя жѳдзис пельѳсысь пельѳсѳ. Корсюрѳ триньѳбтыліс телефон, меставывса парторганизациясьянь юѳртѳны оз уджын вермѳмьяс йылысь, а сы йылысь, кымын морт

бара шыёдчис партияысь петом йылысь. Быд лун вооны лёк юбрьяс. Вит во сайын, кор Николай Иванович Михеевс бөрйисны Лёмдін райкомса первой секретарён, татшомторсö и думыштны эз кужлы. Од сэк, кор партияса Генеральной секретарён лоис шыльд чужома да паса плеша Горбачёв, странаса коммунистьяс сы выло кутисны ыджыд лача бурланьö гырысь вежсьомъяс выло. Артмис модарö: компартиялөн быд вурыс кутис дзездавны.

Райкомса первой секретарлөн югыд да ыджыд кабинетын сэтчöс көзяинлөн юрö воисны пемыд мовтъяс: колö мунны тайö должностысь ас көсьомөн, юр янавтөг! И öдйöджык вуджны Сыктывкарö, сылөн кык высшöй образование, уджыд сюрас. Жалитис, мый КПСС обкомын пыр этшаджыкөн кольоны сылөн бур тöдсаяс, кодъяс эськö отсалисны инасьны лючкиджык удж выло. Сэтшöмъяс лыдын вöли и партия обкомса первой секретар Владимир Мельников, кодöс во сайын вуджöдисны Москваö министрөн. Öнi ковмас надейтчыны сöмын Ен выло. Весиг коммунистьяс медсьöкыд здукъясö шыöдчöны Ен дiнö!

Михеев тöдис: бөръя нелямын воөн райкомса первой секретарён танi уджавлöма дас морт, ставныс коми, но ни öти морт абу кольчöма Лёмдiн районö, ставныс пышйöмаöсь карö. Пышйöмаöсь и найö, кодъяс тайö жö кад чöжнас уджавлöмаöсь райисполкомса юралысьясөн. Дас öти председателысь ас районас кольччис сöмын öти — Лазарь Кузьмич Костин.

Оз, Михеев оз кольччы Лёмдiнö. Районса партконференция-öдз кык төлысь. О, кутшöм на ылын! Кылис кык пöвста öдзöс пыр тотшнитöм и кабинетö пырис Лазарь Кузьмич — пемыдруд костюма, еджыд дөрöма, пемыдгöрд туплиа; коркöя сук сьöд юрсиыс дзормöма и шочмöма, но юрыс абу кушмöма. Арлыд выло видзöдтөг, абу мышкыра, абу лишнöй рушка, абу сыркъялысь яй тшöкаа. Абу мода, мед норасис кутшöмкö висьöм выло, көть и райбольничасянь некымынысь нин модöдiсны карö, кардиологической отделениö. Верöссö пыр кольöдiс гöтырыс. Кытчö көть оз мун, сьöрас век сьöлöм дой лöньöдана кутшöмкö таблетка. Нылыштлiс сiдз, мед эськö некод эз казав. Эз саймовтчыв сöмын Лизаысь.

— Здравствуйте, Николай Иванович!

— Здравствуйте, Лазарь Кузьмич! — чолöмасисны кинысö пöся топöдлöмөн. — Пуксьöй, шойчöй. Кыдзи здоровьеыд?

— Лöсялö арлыдöйлы. Ме тiянöс дыр манитны ог кут, могөн локтi, Николай Иванович.

— Верма кө, могмöда. Висьтасьöй, Лазарь Кузьмич.

— Мен колö машина, час кык кежлö. Юсьбöжö көсья ветлыны бöра-водз. Менам сэн колис томлунöй, и вот öтарö кыскö менö сэтчö; дыр кө ог волы, мыйкö быттö оз тырмы мен.

Михеев кыв шутөг могмöдiс партияса ветеран Костинöс машинаөн. Юсьбöжöдз туйыс асфальта, и вöляникись мунöмөн воан кызь минутөн. Лазарь Кузьмичлөн юрысь эз петав кольöм войся вöтыс, мый вöсна и модöдчис Юсьбöжас. А вöталiс со мый. Быттö сы дiнö лэбис Вера Ильиничналөн кодъ мича чужома войся ангелыс и кутыштитiс сiйöс сьылi гөгöрыс: нелямын вит во нин пö ме модар югыдын, и ола пö тэ йылысь думъясөн да тöждъясөн район шусысь пыр дзоридзалысь садйын. Вот пö

босьта ме тэнö аслам борд былö и аскöд качöда югыд енэжас...

Садьмöдчö Лазарь Кузьмич да некыдз оз садьмы, повзёмысла пöсяліс, сырмö; ангелыс вот-вот шевгöдас бордъяссö, и найö торъяласны мусьыс... Слабог, паляліс. Важөн нин эз вöв Вера Ильиничналөн гу вылын. Вöтö уськöдчöмөн, тыдалö, корö волыны. Со и тöвзё райкомса машинаөн сэтчö, көні школаса том учительлөн, комсомолец Лазарь Костинлөн Томлуныс и ас сертиыс арлыдаджык медводдза Муслуныс, коді и лоис сьölöмнас Енлы эскысь коммунистлы войся ангелөн.

Сикт кывтыд помыс эз на тыдовтчы, Костин корис сувтöдны машинасö, шуис шоперлы: тані пö вөр саяс кладбище, ме пö лоа сэнi; көсьян кө пö, верман тшöтш волыны: сет пö гөлöстö, и ме шыöдча. Вөр ді саяс эрд, көні быдмöны синтö ёрана дзоридзяс. Водзынджык крестъяс, крестъяс, крестъяс... Ен праздниксö кө тані уна йöза, уна гөлöса, талун лөнъ; ни ылын, ни матын некод эз тыдав. Лазарь Кузьмич копыртчис, көсйис чегны некымын ловъя дзоридз, но лыйыштiс морöспанъ улас öтчыд дай мöдысь. Вескöдчис, зыралыштiс морöссö, нетшыштiс некымын дзоридз, и ньöжйөнiк вöсьлаліс водзö.

Век жö повзис Лазарь Кузьмич сьölöмас лыйыштöмысь. Көні таблеткаыс? Сюйліс кисö став зептас, чунъ улас нинöм эз сюр. Некор оз вунöдлы, а со тай, талун абу веськалöма сьöрас некутшöм лекарство. Гашкö, öдйöджык сöвны машинаö и бөр гортас, но кутшöмкö тыдавтöм вын кыскис сійöс кладбищеланъ. Крестъяс костöд вöсьлаліс сэтчö, көні куйлö Вера Ильиничнаыс. Пырис көрт öграда пытшкö, тапнитіс кинас неважөн на вежöм пу крестсö, öти накес былö пуктіс нетшыштöм дзоридзяссö, пернапас чöвталігмоз думсьыс чолöмасис Вера Ильиничнакöд. Муыскöд важөн нин öтвесьтасьöм гу вылын тожö уна дзоридз, тöдчö, дözьöритöны гусö Ольга Ермолаевна, сылөн челядьыс да внукъясыс.

Шондіа. Джуджыд пу вожъяс вылын долыда тивзöны посни лэбачъяс. Лазарь Кузьмич пуксис öградапытшса лабичö, юрас ылькйöны югыд думъяс аслас томдыр йылысь, юсьбöжса мича көзаяйка Илля Веракöд пöся кутчысьлöм йылысь. И ставыс сувтіс син водзас ловъя серпасөн, быттö тöрыт на и вöлі. Лазарь Кузьмич эз кут гөгөрвоны, мый тані збыльыс, а мый каститчанаыс. Со тай, кинас инмöдчылö Вералөн чангылъ ныр йылö, окыштö анылысь бан боксö, шылькнитö морöссö. Лазарь Кузьмичлы лоис сэтшöм кокни да лöсьыд, эз весиг кыв сьölöмас бөръяысь лыйыштан дойсö, но кыліс аслас ангелысь мелі гөлöссö: нелямын лун мысти пö ме тэнсьыд ловтö качöда мöдаръяюгыдса пыр вежöдысь садйö...

...Во мысти помасис и компартиялөн ыджыдалан нэмыс — страна пасьтаын КПСС обкомъяс да райкомъяс бырöдісны. Кисис и ыджыд страна. Колис ыджыд Россия аслас радлунөн да шог-печальөн.



Ксения КАРМАНОВА



Выль кывбуръяс

* * *

Мыйлы колö вöлі лоны — ставыс артмис.
А мый аски луныс ваяс, абу тöдса.
Кадыс мунö. Сьöлöм гурйыв али пöдса?
Сійö унатор нин ас гөгöрыс гартліс.
Сылы унаысь на, ичöt тiпканторлы,
Морöс пиын йирмөгасыны либö сывны,
Бöрдны, сывны, сöмын некод мед эз кывлы.
Сёысь кувны, сёысь ловзыны да овны.

* * *

Лöнь.
Весиг кылö, кыз везъялö пельöсьяс черань.
Из.
Сöмын лёкиник ру пыді мөвпъясын визъялö.
Лöнь.
Сэтшöм лöнь. Тэа-меалы абу нин серам.
Из.
Сійöс новлігөн аслыным эськö не измыны.

* * *

Сё морö олöм! Шог нин али теш?
Ми — аканьяс, и кодкö миöн ворсö!
Ми мырсям-олам, пöсьөн быгзьö плеш.
Бур джаггөрöд... И мортыс адзис помсö.
И восьтö вомсö Ворсысь: «Чачашой!»
И ловтöм акань лэбö пуысь пöртійö.
Эм öти олöм-ворсöм. Öти туй.
И сьöлöм, кодi ставсö тöдіг бöрдö.

* * *

Юавтöг-висьтавтöг нуисны вөр шөрö —
Со тэныд ин.

Сьолöмьд потласис, сьоддöдiс вирыд,
И гöрдöдiс син.
Пужъялöм дзоридзяс, таляссьöм кодзувъяс —
Олöмлөн визь.
Некодлы эскыны, некодöс корны,
Öд некод эз видз.
Ставнысö гөгөрво, быдöнлы отсав
Да бөръясö сет.
Водзöссö синтöммöм-пельтöммöм ёртъясысь
Некод эз пет.
На бöрын сэсся кöть турун оз быдмы
Да шондi оз чуж.
Тэ сöмын шогалан, тэнад эм могъяс.
Тэ на ног он куж.

* * *

Сэсся эз нин коль ни синва войт,
Тöрыт йылысь казътылöм ни шогсьöм.
Сидз и кольö олöм — лун да вой.
Мöвпъяс, мудзöм, сёрнияс да ноксьöм.





Алексей ВУРДОВ

Прöv Микöллөн «флор»

В И С Ъ Т

Бересянныс копыртчöмөн мужичöй кашкигтырйи ведрöн курыштис юсыс васö да нюмпырысь гораа шуис:

— А видзöдлы жö, и ёспи ылалі! А вай жö уй, быдмышт, дерт, сир кө оз ньылышт.

Сэссия бөр койыштис юö. Здук мында сулыштöм бöрын бара тыртис ведрасö да вöлисти мöдöдчис керкаланьыс. И колö жö, кильчö дорас нин крукачис тшайкөм нырнас пос помö да брут-кысис морös вылас.

— Прокшат! Сюрс сөбөрöм оз тай воы!— ёрччыштис скөр-йывсыс пöрысь морт.— Ö-ö-ö! Тыпу! Йöз серам!

Чеччöм бöрас пыркнытыштис няйтöссöм и сідз нин бонзьöм душегрейкаыслысь морös вывсö да матыстчис неылö быгыльтчöм тыртöм ведрa дорö. «Ак! И вутйыс на чуктöма»,— думыштис сійö да ньöжйö кыпöдис тыртöм ведрасö, воськовтис кильчöлань да пуксис сод вылас.

— Фролыч! Бур лун!— кыліс тöдса гөлös.

— А-а! Митрöй!— юрсö бергöдöмөн воча шыöдчис Прöv Микöl.— Да тэ пырав, пырав йөр пытшкö, сёрнитыштам! Этта, вежон нин эг паныдасьлö.

Мужичöйяс киасисны, да Вань Митрей пуксис орччөн төва-рышыскöд.

— Асы, крапкыси-уси... Бур, мый эг доймы... Да и ведрa вутйыс чуктис на,— пыр и висьтасис Микöl.— А пеляс пыртöдны вуг помсö ог вермы. Чорыд, дывöлыд!

— Ноы, вайлы... Ме томджык, да и ёнджык. Көть мый шу, а пенсияöдз пöшти комын во дорччысьөн уджалі. Öні тай, асы, деревняыс киссис,— Митрей шамыртис ведрасö да вутсö кусынь-тыштöмөн инмöдис пель розьö.— Но вот и ставыс!

— Бур, бур! Позяс нöштаысь на усылыны,— серöктис Микöl.

— А, вöсьöйö, абу дивö,— пондис висьтавын Митрей вöвлöм-торьяссö.— Помнитан, кызди Кöсьта Елен тулыссö шыльыд меса-тын коксö чегис, а Лёнъ Сергейыд — моторсö пыжö лэччöдигөн берег дорас клёнгысис, да öнöдз пельпомыс юкалö? А колян вонас Пекыль Коль вöралігöныс...

— Эналы, энлы! Дугөдчы! Тыпу, тыпу! И менө на мулым соран каркайтөмнад,— олыштис кинас кывзсы.— А меным бараысь на колө вала лэччывны. Асы, самөвар пуктыны век на ог вермы, тадзи и луныс кольө.

— Ладнө, ладнө! Ме өд сідз, сөмын кодос помнита,— нюмму-нис Митрей да водзө сёрнитис.— Со, төрыт рыт телевизор пыр петкөдісны Москва театр. Дак, шуоны, «театр начинается с вешалки», а миян тані деревнян быд лун асланым театр! Воддза лунө, кор лавка восьтісны... Груз вайисны — пиво, вина, сахар, кутшөмкө чупсы, а пызсө кыз кынөма коммерсантыс бара эз вай. Дак, первой бабаяс пурсисны, а сэсса мужикьяс тайкө тышкөдз эз воны, мыйла вузасысьыс винасө дөлгөн оз сет. Вот тайө театр! А президент сөмын гольө: рынок да рынок, бизнес да бизнес... А оз өмөй деревняыс Россиясө верд?

— Тадз эськө и выйим, но элясьөмсьыд нинөмыс жө оз вежсы. Сөглас, деревнясө эновтісны, некодлы ми ог колө... Но өд и водзө колө овны, а сідзкө, аслыным колө корсьны петан туйсө,— пырис сёрниө и Микөл.— Жаль, том йөзыс вина юны лэччысисны, да көдза муяс пырзисны тшөкыд вөрөн. Ой-йө-йө!

Сэккості небесасө вевттысь кокныд кымөръяса валъялысь шебрас джынвийө сыліс, и юньса шонді пыр жө пондіс пөжны.

— Да-а-а,— нюжөдіс гажтөм гөлөсөн Прөв Микөл да вельвет кепкасө вывлань тойыштөмөн гыжйыштис ньылөдөм плешсө.— Лун шөр кад, а немтор на эг вөчлы, весиг самөвар на эг пузьөдлы.

— А ме дак век электрочайникөн пузьөдча. Асы, розеткаө включитін — и некымын минут мысти дас стөкан тшай брөльган,— варов Митрей бара аддзис, мый йылысь сёрнитны.— Майбыр, көть электрической биыс на выйим. Дерт, и донсө кульөны оз этша. Ми эськө Любакөд ог өна маитчө: Коль пиным, кор гөсти волас семьянас ли, өтнас ли, чери кыйны, ачыс мынтө воджынся дөлгнымөс. Зато картофель да тшак-вотөс ми дорысь век нуө. Вот татшөм рөштшөт миян костын. А Тамар нывным ылын олө, Красноярскын... Эз тай воывлы нин дас өтик во, письмө сөмын гижыштлас да праздник кежлө өткрытка мөдөдлас. Но өні вөрасным выйим на... Ыж-баля видзам, картофель вөдитам кык му... А торксям кө?.. Коді кутас видзны пөрысь ай-мамөс? Во-о-о! А көнъя, Фролыч, нукыд?

— А, Ванькаө? Сійө, шутербаыд, көнкө вөлөсьтын, вугыр шатиныс тай абу-а... Асывводзын на төдлытөг дөвкнитис,— воча-видзис Микөл.— А мый сылы, гожөмбыд каникул, ни ном-лөдз, ни зэр челядыдлы абу мытшөд. Дас кык арөс өд нин, дзик рөчөн бать-мамыс куим во сайын колисны ме дорө, а өні комиөн сёрнитө мукөдысь бурджыка. Эськө и кывзсысь менө, но зэв нин вильыш... Гашкө, таво и воласны бать-мамыс пинысө видзөдлыны... Ог төд, мый думайтөны, гажныс эз өмөй быр?

— Дивуйтчыны нинөм. Öні томуловыс сэтшөм и эмөсь,— содтіс Митрей да сувтіс.— Бур эськө тэкөд, да гортө пөра. Бабө пинясыны мөдас. Но, вай, став бурсө!

— Но, но! А ме вала ветла, да көть чужөмөс на мыськышта,— шуис Микөл да кольөдіс төварышсө дзиръя сайөдз.

И со көзяин пукаліс нин гортас восьса өшинь дорын да дөвөля чөсмасис пым сэтөр тшайөн. Пызан вылас руаліс көкъямыс литраа самөвар, лёдйын куйліс некымын рудзөг нянь шыльөб,

а люмень тасьтін рёсов пытшкын чукойн гөрдаліс торъясö вундалом сола сир яй. Сы вöсна мый Прöv Микöl эз радейт юмовтор, кылöдны тшай сорөн сола чери сійö лыддис зэв чöскы-дөн. Но век жö сиктсаяс таысь сійöс дивитісны, кöть и кодсюрö на пиысь эз жö бöрыньт солыштöм тшай корсюрö нылыштны. Пока льöбьяссö соталöмөн Микöl ырскис нельöд стöкан, шондi водзын чери тасьтi удитіс шонавны, и небзыштöм чери дукуыс регыд паськаліс уличаöдз. Но кынöмпöт веськöдысьлы вöлі весь-кодь, öд олöма мортлы татшöм дукуыс вöлі весиг любö. Сöмын кор нин бырис сёяныс, а самöварын колис литра куим мында кодзалöм нин ва, кöзиян чышкис ки ротөн вом дорсö да сьöкыда лолыштіс:

— У-у-ф! Но, небось, сöвті горкъявтöдз! Да-а-а, бура кö уджалан, бура и сёян! А мый эськö и вöчи? Нинöм ыджыд вы-лö эг кар, сöмын мый асывсö йөр-потш дзоньталыштi да вала кыкысь ю дорö лэччылi. Но да ладнö... Асы, весиг мышкö нылö-діс. У-ф-ф! Вот и жар лун!

Сэккості босьтчисны дöзмöдчыны лöз гутьяс, найö кортöг локтісны «чöскыд» рёсов дук вылö.

— Ак! Эг удит сиптыны öшиньсö,— майшасис Микöl, кор нин казяліс, мый гутьяс пондісны ыджыдавны керкалөн быд пельöсын.— Сё грекö! Тайöсысь öтпыръяөн он мездьсь!

Но терплив, мывкыд морт эз понды накöд воюйтны, а нюжöд-чис шойччыштны турунвиж кышöда пу диван вылö. Регыд личöд-чис и тöдлытöг вутыртіс, да, буракö, эджык ас кадö. Öдзöс с-айын другысь кува-кова кутіс грымакывны. Муртса унмовсьöм кöзиян повзьöмысла дрöгмуніс да шармöдіс синсö. Кисö паськö-дöмөн жырьö зур-зар пырис разясьсöм дөрöма Киль Сандыр.

— Сё грекö! Тэ нö мый, Сандырö, гажьялан? Öдва, клёп-клёп кок йылад сулалан, а шöйтан на,— зыкнитіс Прöv Микöl.

— Из-извенит, Микöl дед,— мурган гөлöсөн вочавидзис пы-рысь.— М-м-е-е... Ме кöсий эсь-эськö сёр-сёрнитны öти-ötитор йы-ы-лысь...

— Кутшöм нин, сё сираö, сёрнитöм?! Вай пуксьы, пуксьы первöй,— кöзиян сойбордöдыс отсаліс код мортлы пуксьыны улöс вылö.— Но, пиö, картупель пуктöмсянь эн кö и палявлы-а?

— Микöl дедö, м-м-е-менам олöмö-ö гугөн лоис! Некодлы м-м-е-ме ог ков!— гораа кутіс норасьны Сандыр.— Уджавны некö-ні, гöтырö челядькöд муніс мамыс дорö овны... Öтнам гöлик моз коли, а чужан деревняöс ог кöсий эновтны... Тані чужлі, тані и кула! У-у-у!

— Вай жö, бур морт, ланьтöдчы... Медводз тэныд колö вина нятшкөмсьыд дугöдчыны, а сэсся думайтöмөн лöсьöдны олөм визь,— тöдчöдіс Прöv Микöl.— Ай-мамыд öд кутшöм ыджыд сьöлöмаось вöліны! Царствие небесное!

— Ок! Микöl дедö! Сьöкыд меным, зэв сьöкыд,— синваасис мужичöй, юрсö увлань лэдзöмөн.

— Ставлы сьöкыд, а тэ öд, асы, бурлак кодь том мужичöй, нелямын арöса на сöмын... Став олөмыд на водзын. Винаөн оз бурдöдчыны, менö кывзы,— Сандырлы пельпомас ньöж тапкöдö-мөн сёрнитіс дед.— Кöсьян кö, воды диванас, сэсся вöлисти гортад муна...

—Ог, ог, дедө. Пасибө!— вочавидзис Киль Сандыр.— Гортын шойчча. Аски на көсья пес карны кайлыны. Извенит...

Прөв Микөл колльөдіс Сандырөс уличаөдз да шуис:

— Помнит, бур пио: чассьөыд — ас кыин, а сідзкө, уна на сьөкыд ас вывтыд ковмас вуджөдны!

Мөдыс сөмын довкнитіс юрнас да шатласигтыр шлопкис кывтыдлань.

«Да-а, дзугсьөма, коньөр, а отсавны некодлы. А збыль вылө, зэв сяма да төлка морт өд. Да-а!»— жалитөмөн думыштис Микөл.

Мыш сайсянныс кыліс шарксьөм шы, и Микөл эз на удит бергөдчыны, кыдзи кодкө чорыда зургис сылы мышкас.

— Чө! Мыйкө, он аддзы али мый?— зыкнитіс чуймөм Микөл зырөдысьлы.

А мышкыртчөм, косіник Паш Педөй сөмын нөшта на бедьнас тувкнитіс Прөв Микөллы бокас:

— Эн сулав туй шөрас, лешак!

— Мун, мун, кытчө мөдөмыд, а эн пинясь, истан кока жомө-йө!— гораа вочавидзис өбидитчөм морт.— Матьөс на и мыйкө тельскан!

— Ак тэ, бөжтөм пон! А помнитан, кыдз йөрсө менсьым жугөдін?— уськөдчис мыждыны Микөлөс Педөй да бедьнас өвтчөмөн зымгис кокнас.— Сэтчө тай — пакөсьт карны — сямыд тырмис! Тыпу! Яндзим төдтөм синма лешакө!

— Зо, Педөйө, вөсьөйө... Дутды, эн жын! Ме нин тэныд дас кымынысь висьтавлі — чегласьөм йөр пыр нин вуджи!— дөзмөм Микөл зілис такөдны ырзьөм нывбабаөс да мыжтөг мыждөмысь мездысьны.— Эттөс, мусө тальөм серти, вөв сэтчө пыралөма. А тадз грекуйтны ме вылө, да татшөм лөкысь, оз позь!

Но Паш Педөй эз ланьтөдчы, а бура уна лөсьыдтөм кыв на шуис да вөлисти котшсьөдіс ас туйөдыс.

— Тыпу, оз тай воны шевалы!— өлыштис кинас Прөв Микөл да сідзжө өдөбтчис пырны гортас.— Сэсся талун ог нин пет ывла вылас, бара, гашкө, паныдасяс тайө йөй Педөйыс да... Йөз серам лоас.

Рыгъявывсө, буретш сэк, кор көзяин телевизор видзөдіс, керкаө пырис еджыд юрсиа, шатин кодь тушаа зонка. Вушйыштөм пидзөса лөз джинсы гачыс воляліс нйитысла, а визя сера дөрөм сосьясыс лөзьдөмысла вөлі сыръяссьөмаөсь, но паськыд нюм сертиыс кө, нукуыс радліс.

— Дедө, дедө! Видзөдлы, мыйта шедіс чериыс!— кыйсьысь мыччис куим литраа бидон, көні джынвийыс тыдаліс кельчи да мык.— А кымын на мыніс! Тырыс эськө вөлі...

— А, сө сираө!.. Тэ медводз ас вылад видзөдлы! Быттө бес-призорник, ризь-розь дөрөм-гачыд!— стрөжитыштис дедыс.— Вай жө мыссьы, веж паськөмтө да сөй... Чугунын рок пуөма. Тыдалө, аски мысьласян лун вөчны лоө. Некытчө он мун, кытчөдз ог помалө. Ноп тыр нйит белльөтө ковмас пєсавны.

Ванька чөв кывзіс дедсө, сэсся ыджыда лолыштис:

— А ме Сергейкөд да Мишкөд аски көсийи сир кыбны ветлыны Горта-тыла курьяө, но айдласыс абу миян, а вилкиа беддөн посни жунь* сөмын кыбны позьө.

— Кутшөм, сө сираө, ті кыбысьяс! Дутды, эн сөрнит мый

* Жунь — (диал.) том, дзоля сирпи.

оз ков,— гораджыка нин шуис Прöv Микöл.— Вай мыссы, мыссы! А нйит паськөмтö петкöд посводзö да пукты ноппö. Варова, варова!..

Пока нукуы ноксис, пöль кутчысис чери керны.

Ю вывсынь кылis матыстчысь мотора пыжаяслөн увгöм шы. Кöзиян доровтis юрсö öшиньлань да аддзис, кыдзи тыра куим пыж тшукуисны берегö. «Ö-ö! Кутшöм-татшöм йöз катöны, кодъ-яссык? Да öд көкъямыс морт на! Да и абу татчöс войтыр»,— мövпалis дед.

Воöм мужичöйяс пуксисны чукöрөн, а öти кайис деревняас. Недыр кад мысти брöдни сапöга морт бөр лэччис берегö да кинас шенасьöмөн пондis войтырыскöд мыйкö сёрнитны. Сы кості Прöv Микöл удитis нин черисö лöдны джуджыд скövöрдäö:

— Но вот, ужын жежлö Ен сетis свежöй кыйдöс...

Рок лупсуйтысь нукуы пыр и гораа кывлысис:

— Ен сетis?! Да тайö ме кыйи вугырөн!

Дед сöмын нюмдыштis:

— Бөр-ваыс мортöс вердö-удö, а Енмыс позянлунсö сетö, и то оз быдөнлы! А мöд ногөн кө нöшта шуны — и звер-пöтка, и чери, и морт — ставөн Ен улынöсь... Нинöмсö он тöд, а шко-лаад оз велöдны дай. Сөй, сөй, эн сёрнит! Вöйтти, пиукö, пызан сайын кө тадз больгин, семья кутысьыд эськö лöсыштis кымöсад сьöкыд паньөн...

Öдзöсö тотшкöдчисны.

— Да, да! Кодöс вайöдis?— горöдis көзяин.

— Позяс-ö?— вöсьтöм öдзöсöд мыччысис кодлөнкö юрыс.— Здöрöвье!

— Но, пырö, пырö!— содтis Прöv Микöл.

— Извенитö, менö шуöны Йögör Витяөн, ме Косланысь. Кайли эськö Öнь Валер дорö, а керкаыс таса. А тöданныд кө, висьталö: көнi сийö?— юалis уска мужичöй тагöс дорö сувтöм бöрын.

— Вай жö прöйдит татчö первой, пуксы,— дед индis гöсьтлы улöс вылö.— Валерыс öд оз танi тöвйы... А быд тулыс воывлö отпускö картупель пуктыны да чери кыйыштны. Недель сайын на бөр мунis Ухтаас, сэни олö семьянас. А мый эськö, мыйкö колö?

— Зо, водзвыв на сёрнитлiм ськöд телепон пыр, мися, катöд-ла Йирваö роч биологъясöс, да сийö көсйис отсыштны,— висьтасис Йögör Вить.— Да-а... Асы, нинöм бурыс. Ме и ва туйсö лё-ка тöда, и коланаинъяссö ог куж петкöдлыны. А öнi тай кутшöм-кö мужичöй индis тиян дорö шыöдчыны. Тиянöс öд Николай Фроловичөн шуöны?

— Да, да, бур морт,— довкнитis юрнас дед.— Рад эськö тi-янлы петкöдлыны ю-вöрсö, да вот вöрасö быри, пöрысьми. Да и нук на менам выйим, сийöс öгнассö он коль.

— Зо, Николай Фролович, кыкнанныд пыжö тöранныд! Сөян-юан тырмас и, а ветлöмсьыд на мыйтакö и сьöм сетасны,— вöйпöдis гöсьт катны öтлаын.— Но мый, вай ме лэччыла корны рочъяслысь ыджыднысö.

— Дедö, мöдiм катлам, но мöдiм! Ме ылöдз эг на катлы!— вöськовтis дедыс дорö Ванька да кутчысис сойбордас.— А кор бөр гортаным воам, сэки и белльöтö песлалам. Мöдiм!

— Но инё, Витьё, корлы главнőй биологтő ли мый ли,— сőглас лои дед сёрнитны.

Вить тőвзыштліс берегőдзыс син лапнитігкості — пыр и вайőдіс мортос. Киасьом бőрын куимнанныс пуксисны пызан сайő, и заводитчис сёрни.

— Тőварыш Вадим Николаевич! А кытчőдз нő, докуда кőсь-янныд плыть?— Пров Микол кызд кужис, роча-комион падъявтőг юасис.— И долго али неуна долго?

А Йőгөр Вить переводчик пыдди тшőkыдакодь веськőдліс неногөн шуőмасő, медым сёрнитысьяс бурджыка гőгөрвоисны őта-мőднысő.

— Да, да, Николай Фролович, я понял,— роч мужичőй воча висьтасис шőр мог йывсьыс.— Сейчас всő изложу по порядку. Мы — группа экологов и биологов из научно-исследовательского института города Санкт-Петербурга. Нам важно исследовать бассейн реки Мезень, включая крупные притоки, в том числе реку Ирва, чтобы получить общую обзорную характеристику прибрежной флоры. Мы думаем, нам хватит трěх-четырёх дней. Нам, главное, собрать материал, ближе познакомиться с удорской природой, побаловаться ухой и немного порыбачить. А вы, как знаток этих мест, покажете нам особенности маршрута. Снаряжения и продуктов питания у нас достаточно. После завершения экспедиции за ваши труды я заплачу из расчѣта не менее пятисот рублей в сутки. Пожалуйста, согласитесь. Лучшего проводника нам не найти.

Дед пельсő чошкőдőмőн да сьölőмсянныс кывзис и висьтасьысьос, и вуджőдчысьос. Здук кежлő артмыліс чőв-лőнь. Сэсся Пров Микол кашиктіс да шуис:

— Тőварыш главнőй эколог да биолог! Ме понял, быттьő зськő хорошо, но вам не тутa — вőр керкаын спать будет и номы єна кусать пондасны.— Сэсся чуньнас индőмőн нőшта содтіс:— Витьő, висьтав, мый тані абу карса шойччőм, так сказать, абу тринти-бринти! Сė сюраő, мед оз няргыны! Ме беру нука, Ваньку, нőшта. Кыдз шуасны, петкőдла корош места, корош! Но, бур, бур, мőдам! Сőмын чукőртам ташка* да пасьтасям, эн майшасьő, ставыс бур лоас!

* * *

Катысь пыжтьяс сьőkыда гőрисны ва веркőссő. Чукуля ю ворсіс őдőб визувнас да нюзь** визьясөн. Водзын катысь Пров Микол тшапа пукаліс пыж нырын да кинас корсюрő őлалőмőн петкőдліс ва туйсő. Кор воисны Пони Субач ю вомőдз, нуőдысь тшőkтіс тшукны берегő.

— Ő-ő-ő-й!— горőдчис дед пыжаяслань.— Дас вит верст катыдын тайő ю кузяыс миян рőдőвой угőддьő. Чő, вунőді! Рочөн кő шуны, тутa на речке деда, отца и моя угодьє, ловим зверьє, чукки-сьőла, рыбу. Поняли? Вőйтти до тысячи шкур ловили зверьє, а пőtку и не сосчитать! А мыйта рыбу ловили да...

— Стоп, стоп, Николай Фролович! Извините, но нам важно исследовать флору,— виччысьтőг пановтіс Пров Миколос Вадим Николаевич.— Вы покажите нам девственные уголки.

* Ташка — (диал.) ноп.

** Нюзь — (диал.) водоросли.

«Флор, Флор...» — думыштчис пöрысь морт да сэсся шыасис:

— А-а! Да, коркö мян деревнян уджавліс Флор Сергеевич, совхоз дырйи на бригадирöн вöлі. А öні ог тöд, бөр муніс, кытысь воліс.

— Николай Фролович! — пырис сёрниö Вить. — Сійö юалö флора — быдмөгъяс йылысь, а оз мортлысь ним юась.

— А-а-а! Мед сідз и шуис, — дед гыжйыштис плешсö. — А то век Флор да Флор! Сё сираö, тані быдлаын быдкаю быдмөгыс! Öні, асы, некоді ю пöлöныс оз ытшкысь. Берегъясыс да видзъясыс пырзисны вөрөн. А колö кö налы, неуна вöдзынджык эм бур местаяс, кöні и сорса турун, и серса кустъяс, и тшак-нитш...

Узьны войтыр лöсьöдчисны юбердса вөр керкаын, кöні Прöv Микöл коркö вöралігөн арыны кольччыліс.

А висъгасьöмыс мыйта лой! Весъкыда кö шуны, бикур гөгöрын пукалысьяслы дед мойдіс быдсяма вöвлöмторъяс йылысь сёр рытöдз. Кывзъсыяс ызъöдöм ради сöмын и удитісны содтавны курыдторсö Прöv Микöллы кружкаас, а мöдыс сола тшай сорөн окоташырысь сысъяліс да эз вунöдлы ас ногыс аттьöавны:

— А вöсьöйясö, ыджыд пасибö тиян! Важөн нин тадзи эг шойччыв, — нюмыда сёрнитіс сійö чуньнас вывлань дзөрöдöмөн. — А зо, бур жö ті войтыр! Но кывзö водзö... Тэ, Витьö, эн вунöд налы бура вуджöдны... — И водзö висъгасис:

— Сöмын мян войвывса вөр-ваыс мортсö кутö, видзö да ловзьöдö. Татысь ті он сöмын флорныдтö аддзöй, а нöшта на и асьнытö бурджыка тöдмаланныд. Коркö зэв важөн тані öтнасөн овлöма Тюрöй нима морт. Вöлöма сійö абу сöмын сюсь кыйсьысьöн, но и бура уна гусятор вөр-валысь тöдлöма. Сыысь и пыдди пуктылöмаöсь сійöс сиктса йöзыс. Весиг звер-пöткакöд ас ногөн сёрнитны кужлöма. Öтчыд деревняса войтыр тулысын катасны пыжөн сы дорö отсöг корны. А могныс со кутшöм вöлöма. Кыскö воом висьöм кутöма шырöмөн шырны и йöзöс, и гортса скöt. Кыдзи мездъсны неминуचाысь, некод абу тöдöма. Тюрöй кывзöма-кывзöма да шуöма: «Öні бөр кывтанныд гортаныд, а шонді петігөн ю берег дорын öзтöй сэтшöм бикур, медем би йылыс кайис вывлань сизим аршын судтаöдз. Биын сотанныд тайö турун тупляссö. А бөрти чукöртанныд пöймсö, тэчанныд пельсаö, гөгöртанныд быд керка да быд мортлы, быд пемöслы содз джынийөн кöдзанныд юр вылас. Куим лун-вой мысти колö юртö мыскыны юса ваён да копыртчöмөн аттьöавны вөр-васö». И збылысь, висьöм косöма. Сöмын кывсьылöма, мый став висьöмсö Тюрöй быттö вуджöдöма ас вывтіыс, мыйысь и слабмöма. Веританныд кöть он, а öніяöдз некоді оз тöд, кытчö лöма тайö мортыс. А керкаыс дыр на сулаöма, кытчöдз абу буждöма... Витьö, бура-ö вуджöдін войтырыслы висъталöмсö?

— Кыдз сямми, сідз и вуджöді, — вочавидзис Йөгöр Вить.

— А вот скажите, какие растения этот знахарь собирал? — пыр и юалісны Прöv Микöллысь.

«А-а-а! Сідзкö, эскöмны», — дед дөвöля нюммуніс:

— Растения? Знать не знаю. Разное... Где-то здесь растут, вермас лоны. Вот взять зверьё, птицу... Öд едят же травку, лыс ем, тшаки, нитш... Сідзкö, знают, что можно, что нельзя!

— Ладно! Пора отдыхать, мужики, — шуис Вадим Николаевич

да содтис:— Ванька! Научишь меня завтра окуней ловить, каких ты сегодня поймал? А то у меня не получается. А?

— Научу, дядь Вадим,— збоя вочавидзис зонка.— Даже запросто! Только взамен научите меня правильно собирать гербарий.

— О-о-о!— ышловзисны мужичойяс.— Ну вот и смена достойная растёт! А может быть, второй Тюрёй?

Гигзыштём бёрын ставён пырисны вөр керкаё, да коді кы-дзи, төрөдчисны узыны: өтияс пөлать вылө, а мөдьяс — джоджө, узылан мешөкьясө.

Быль лун паныдаліс ю йывлань катысьясөс төла да букыд поводдяөн. Пров Микол артыштис, мый рытланьыс непременно зэрмас, да и дыр кежлө, а сідзкө, колө удитны бөрйыны бурджык места. Кызь кымын верст вуджөм бёрын нуөдысь индіс тшукөдны пыж ёль усянінө. Сэсся дед ружтігтырйи петіс берегө да, кор ставён өтлаын чукөртчисны сы гөгөр, шыөдчис:

— Товарышы! Этө Съөд-ёль, здесь много вышин леса, как это?.. Бугры, бугры леса. Есть поляны и чистые леса, много травки, роя да много всячины... А ещё голубой сёй и ключи. Очень интересно. Но, буракө, избушки нет. А сегодня дождь зарадитас. Ну, что? Дальше едем, либо остаться будем?

Рочьяс сёрнитісны ас костас да вөлисти шуисны кольччыны вой кежлө.

— Вайө жө көлуйныдтө ректө да катлөй косінө. А тэ,— тшөктіс Микол Йөгөр Витьлы,— вуджөд, мый первөй колө узыланін лөсьөдны, чом вөчны, а сэсся нин мед ассьыныс растениенысө корсясны. Али, кызд нин шуөны? А-а! Флорнысө! Серамыд петө, вот и кыв, морт ним кодь.

Лөсьөдісны мылькыввса ыджыд да пашкыр коз чукөр улө лыс лапгьясысь сайник модаа вевта чом. Дерт, и Ванька отсасис верстёлы да зілис дедыс водзын петкөдлыны киас чер кутны кужөмсө.

Дед казяліс нукуслысь зільөмсө, но шуис ас ногыс:

— Нолы, Ванька, бурджык лоө, Вадим дядьыскөд кө ва ваянныд ведранас да чайникьяснас да биपुर лөсьөданнныд. Асы, зэв нин лөсяланнныд, видзөда да...

Нокьяс помассьөм бёрын войтыр пажнайтісны да турунапакулаа тшай юисны. Та бёрын учёнойяс разөдчисны өктыны быдмөгьяс, а пөрысь морт нюжөдчис небыд вольөс вылө. Биपुर ымраліс кольөм өгырьяснас, чус матын жбырьяісны чивкьялысь джиянгьяс, пушиктөмөн лолалісны козьяс, и сөмын номгьяс эз сетны куйлысьлы унмовсьны.

Пров Микол думайтіс... Усьліс дум вылас юысь ва босьтігөн курыштлөм ёсыс. Микол чайтіс, мый ывлавылыс, став гөгөрыс өткодь быд ловгья ловлы, но морт яндзим төдтөг, нырсө быдлаө суюёмөн, мыйлакө лыддьө асьсө медыджыдөн. А кызди мукөды, кодьяс дорйысьнысө морт водзас оз вермыны? И мыйла морт оз сулав на дор, а пыр корсьө и корсьө аслыс выгөда, лоны вермана лёк йывсьыс нем думышттөг?..

Чукрасьысь кымөс сертиыс позис казавны, кутшөма Пров Микол ылаліс думгьяс пытшкас. Сэккості сы дорө котөрөн локтіс Ванька:

— Дедө! Ме лэбач поз аддзи, сэнi квайт зэв поньыд чипан!

— У-ук! Повзьөдін, сё сирао!— воча шыөдчис дедыс.— Мый шуан?

— Мися, ме лэбач поз коз пуысь аддзи, а сэні квайт чипан. Öтикөс киа́м босьтлі да бөр пукті позйө,— висьтасис нукыс.— Гөна посни шарикъяс кодьось, зэв кокнийось!

— Правильно, позйысь оз позь босьтны! Да и рөзөритны оз позь. Сійө ыджыд грек,— такөдіс нуксө пöрысь морт.— А лэбач-мамыс вермас весиг энöвтны пиянсö. Бөр-ваын олысьястö колö видзны, дорйыны да радейтны, асы, кыдзи тэ менö радейтан. Бөр-васö гөгөрвотом морт — сійö джынъя морт; ловнас кө оз кыв мукөдөс — сійö джынъя морт; оз кө сотчы сьölöмнас — сійö бара жö джынъя морт. Вот помнит тайөс, сэки, гашкө, верман и йөзö петны прамой мортөн. Но сэтчөдз тэныд колö уна на велөдчыны.

— Ладно, дедö, мөда, нöшта отсасышта роч дядьаслы. Зэв öд интереснö! Ме нин ку́жа öгъяины́н точкуйтны да лыддыны быдмөгьяссö,— нимкодя ошйысис Ванька да сьöдбөж моз уйк-нитіс пұяс сайö.

А дед тэчис вöчөм пессö да биасис. Öшан вылö öшөдіс шыд пуан ведра да пуксис весавны картофель. Но эз на удит дасьтыны пуанторсö, кыптіс төвру, и гөгөр ставыс пондіс буавны, а недыр мысти нин сувтса зэр сярөдіс. Пемдөм енэж повзьөдчис би югөръясөн, а көнкө ылын гымакыліс гым. Сайөд пыр пискөдчөм ва войгьяс вияліны веськыда бипурас да дзужгисны ичөтик еджыд ру чакыльясөн. Регыд вевт улö сьöрсьөн-бöрсьөн пырисны көтасьом войтыр.

— У-ух! Вот это ливень! Хотя не очень-то и промокли, вовремя успели спрятаться под деревьями,— куртка морөссö ташкөдөмөн висьтасис дедлы Вадим Николаевич.— А-а! Да и горячий суп готов? Ну, спасибо, Николай Фролович! Прекрасно!

Ташкаысь перйөм тасьгясö месанитысь ыджыд дар тырөн быдөнлы тэчис яа консерв нуръя руалысь шыд. Öти сёйысь пыр жö и юаліс:

— Николай Фролович, а что за зелень накрошили? Что-то по вкусу разобрать не могу.

— Э-эк! Учөнөйяс! Кок уланыд тайö туруныс! Чö, под ноги смотрите, там растение! Вона, вона! Видите? Это — гурөй турун, пöшти всюду на вына земле растёт,— төдмөдіс дед войтырөс.— А нöшта, много-много быдсямаыс растёт. Вы ищите и найдёте. Пыж дораныд, берегас, бадь горулын растёт шань турун, у него запах сердечного лекарства.

— Да, Николай Фролович, здесь действительно есть редкие растения,— эскөдіс Прөв Микöллысь кывъяссö Вадим Николаевич.

А зэр эз и думайт ланьтны, көть төлыс эськө и дутдыштис. Кынөмпөт веськөдысьяс пукалісны кытшөнмоз да варовитісны. Мужичөйяс ылалісны сёрниясö да весиг вунөдісны гымалөм йылысь. Воисны нин шмоньөдз. Другысь югыд чардаби бөрти орччөн рутш-ратшмуніс джуджыд пöрысь козлөн тутан йылыс. Шйөвошөм войтыр падмисны тшук кежлө, и сөмын Прөв Микөл казяліс, кыдзи неыджыд ярьюгыд шар чеччыштис доймөм пусянь пельпом саяс.

— Зо эд сотыштис кө-а?— гусьөнмоз вашкөдіс дед, но пукаліс

вөрзытөг. Кык-ө-куим воськов сайын куйліс ытшкыштөм туган йыв, гөгөр тупяисны чегласьом чальяс да өгыра чаг.

Пров Микол доровтіс юрсө да кыліс чишкалом гон дук и сэки збыльвыло повзис.

— Сө сираө! Мый-а тайө? — чуньяснас инмөдчөмөн сійө ка-зяліс, мый балябөжсө сотө. — Енмө, мый-а тайө?

Орччөн пукалысь роч морт, кор аддзис лоөмторсө, шыөдчис дед дорө:

— Всё хорошо, Николай Фролыч! Просто вам немного воло-сы опалило. Главное, вы не волнуйтесь! Ну, немного опалило, а так — всё нормально!

Ванька матыстчис дедыс дорө да сылы юрас кутчысьомөн ачыс видзөдліс:

— Тэ рөвно панк, причёскаыд панклөн кодь! Оз доймы? Быттьо кодкө визьон шырөма юрситө да еджыд краскаоң на мавтөма!

Сэсса ставөн кытшалісны пөрысь мортөс да чуймөмпырысь, дивө моз пондісны видлавны.

Дед сувтіс, бара малыштыліс балябөжсө да юрсө вывлань кыпөдөмөн пернапасасис:

— Господь-Енмө! Пасибө, мый дорйин менө неминуचाысь! Сө сираө! А смертьо дорся жө вөлома...

А мыш саяс нукыс, вомсө кинас друг тупкөмөн, пондіс гитшкыны-серавны. Гажтөм Пров Микол бергөдчис нукуслань да зыкнитіс:

— Выйим жө тэ, гилутьо! Дутды былъзыны! Швинтикасян кодөскө!

Но мөдыс сөмын кутіс серавны нөшта на гораа, а недыр мысти сэсса и мукөдыслөн нюмныс вуджис сералөмө. А Ванька некод выло видзөдтөг, кынөмө кутчысьомөн гигзис:

— Дедө — панк! Дедушка — панк! А-ха-ха-ха!

— Тыгу! Тянылы оз тай воы! Пөрысь мортөс сераланнды! — Микол өлыштис кинас, но другысь и ачыс небзис, нюммыштіс, мукөд вылас өбида куттөг.

Регыд мысти и зэрыс лөньыштис.

Ырзөдөм бикур пуркъяліс да трачкакыліс-луйис гөрд киньясөн. И кор ыджыд пөртиын пусис ид рок, сылөн чөскыд дукыс паськаліс бура ылөдз. Пров Микол пукаліс чөмйын барин моз. Пракмунөм куртка юркышөн тупкысьомөн сійө тшапа мойдіс войтырлы вөвлөмторъяс йылысь. Рочьяс юалісны сылысь ёльбердса киссьом важ керка йылысь, да Микол шыасис Вить дорө:

— Витьо, вай жө вуджөд найөслы правильнөя менсьым висьтөс... Коркө тайө керкасө пуктылөма Еп Ниподь. Тані сылөн кыйсян угөддьо вөлома. Рөдвуж пас серти и өні позяс казавны, кыті мунөма лэч туйыс. Ачыс вөлома пони тушаа, сөна морт. Тоштөм, но кузь уска. Отчыд ёль кузяыс ветлігөн аддзөма зарни. Сійө чукөртас содз тыр зарни да сы выло ньобас купечьяслысь ружье, дрөб-пөрөк да колана паськөм. Но сиктсаяслы некодлы оз висьтав. Сэсса бара ветлас зарниыдла, ньобас вөв да кутшөмкө көлуй... А кор кольчас арыны, пөвадитчасны сы дорө аяиня көин гозъя. Инь көинсө сійө лыяс, а ай көиныс бөрыннас сійөс кыйөдас да чашкөдлас-джагөдас. Татшөм лоөмтор бөрын татчөс йөзыс оз пондыны татчө весиг пыжөн тшуклыны, непөштө

кыйсьыны тані. А керкаыс Еп Ниподьлөн сісьмас да киссяс. Выйим на и нёшта казтылём. Менам дедё коркё тані вёравлёма да, кыз ме тёда, зэв уна кунича да вурд татысь кыйлёма. Но отчыд, сёр арын, сылы паныдасяс коин, коді матыстчас сы до-рё дас воськов ылнаёдз, но нинём лёксё оз воч. А дедё косьяс эськё лыйны коинсё пистонка-пищальысь, да осечка лоас. Сэты-сянь дедё тані оз вёрав. Вот кутшём вёвлёмторъяс вёлёмаось. Тыдалё, сыысь тані и быдка «флорыс». Сыысь ме и косья шуны, мый быд месталён аслас тёдчанатор, а сідзкё, оз позь вёрзёдны вёр-васё, кыз косьян. А вот мыйысь Енмыс öні меным лыйис гимньолён, но эз ви — сійö бара жö кутшöмкö торъялана пас. Абу прöста тайö! Тян, асы, серам, а меным казтьöд, мед ме эг вунöд важ вёвлёмторсö.

Вой кольöдöм бөрти войтыр катісны Көдза-Ягөдз, көні Прöv Микöл вöзйис наукаса уджалысьяслы бөр бергөдчыны. И войты-рыс кывзысисны пöрысь мортöс, көть и эз дзикөдз гөгөрвоны, мыйла оз позь водзöсö катны. А Прöv Микöл шуис сöмын öтитор:

— Тöварышы! Вперёд подниматься толку нету. Тут было первое древнее поселение ирвинских людей, а значит, и свой флор ищите тут!

Войсö узьöм бöрын найö кывтісны бөр, и кор воисны дерев-няö, пöрысь морт сьölöмсянныс первой аттьöалис бур йöзöс, а мунём водзвылас содтіс:

— У каждого своя сторона, но каждый кочет познать больше. Это зэв правильно, но никогда не забывайте, где вы родились и где ваш род! Самый главный флор — это ваша родина!



Пер рөд — бур рөд!

Коми гижысь йылысь казтылана кыв

...Коми пармаыд помтөм-дортөм. Быдсяма пуыс сәні быдмө-нюжөдчö лöz енэжлань. Посни и гырысь, чукля-мукля и мича статя, топыд тэчаса и руш пытшкөса... Тадзи и йöz пöвстад. Быдсяма мортыс жö паныдасьлö. Лёкыс и бурыс, паньыс и скöрыс... Кор ме матöджык тöдмаси коми гижысь Пётр Федотович Шаховкöд, сійö пыр жö воис меным сьölöм вылö. Топыд тэчаса, небыд нюма, зэв шмонлив. Көть и нималана гижысь, но асьсö вылö оз пукты. Бөръя кадсö сійö олiс Сыктывкарлөн Орбита микро-районын, көнi и мен сетлiсны коркö патера да тайö кызкö тшöтш матыстiс миянöс. Сэсся кыкнанным чужлiм-быдмылiм Эжва йылын, Кулöмдiн районын. Сiйö Кекур грездын, ме Дереваннöй сиктын. И сёрнитны век вöлi мый йылысь... Тöдмасын кадас Пётр Федотович уджалiс «Войвыв кодзув» журналын главнöй редакторөн да нокыс, дерт, сылы сюрлi. Пыран сы дорö, да пыр мыйкö кабалаяс весьтын зунясö. И вом-горулас мургö-сьылышталö. Казялас менö да паськыда нюммунас:



— А тайö тай төварыш Ульянов пырöма ме ордö. Лок, лок, пуксы да шонтысь. Мый нин бурсö висьталан, кутшöм вильторъяс йылысь газетад гижанныд?

— Бергалам-котралам тай век-а... Газетыд пыдöстөм мешöк кодь, пыр сёйны корö. Пöтлытöм рушку...

— Журналыд öд пыр жö сёйны корö. Быд тöлысь сiйöс колö лэдзны-дасьтыны. Машинка вылын печатайтöмнас сё квайтымын лист бок. Да медым бур да шогмана гижöдъяс на вöлiны. Вот тадзи, төварыш Ульянов. Пырин да, юала нин тшöтш: кор нö миянлы виль висьттö пыртан, газетыд газетөн, сiйö пö öти лун и олö, а литератураыд нэм кежлö вöчсьö. Гөгөрвоин, Ульянов ёрт? Литератураад кө пырöдчан, сәні колö быд лун уджавны-зiльны. Көть нин запятая пуктан лунтырөн, и то водзö, сьölöмыд бурмылас. Сiдз абу?

— Сiдз, сiдз, Шахов ёрт, муна сэсся, гапшкö, запятаятö удита-слöйма на талун пуктынытö,— воча шмонитышта жö да тэрмасьöмөн пета главнöй редакторлөн ичöтик жырйысь. Тэрмасын сы понда, мый юр усьтöдз яндзим Пётр Федотович водзын: кымынысь нин көсйысьлi вайны сылы виль висьтöс, а век на помавтöм, век на куйлö-буссьö пызан йöрын. Му пырыс и ва

пырыс дась мунны тайо здукас. Мортис со ачис висьттö корö, нималана гижысь, а ме мөжга-виччыся мыйкö, абутöм кадсö кытчöкö ковтöг видза... Талун жö пукся пызан сайö!

...Бура уна во нин лэбзис-төвзис сийö кадсяныыс. «Войвыв кодзулын» главнöй редакторöн уджалöм бöрас Пётр Федотовичöс öти кадö бöрийлисны Коми Республикаса гижысь Котырö юралысьöн. Пыкис эськö ёна мортис, мен пö тайö ыджыд пуклöсыс ньöти оз лöсяв, дай Геннадий Юшков бöрад мыйкö бурджыка сьöкыд вöчнытö (сийö буретш вель кузя веськöдлис коми прозаик-поэтъясöн), но ёртъясылысь быть лои кывзысьны. Коркö-некоркö пырис жö предлön жырьö. Веськыда кö шуны, пырис зэв неокотапырысь, вежавидзöмөн, кöть ыджыд да нималана гижысь, а быттö полис, мый босьтас да и торкас котырлысь ёрт-предön лöсьöдлöм уджалан ладсö. Котырса юралысьлön улöс вылö прамöя эз и пуксьыв. Ёнджыкасö бергалис-ветлöдлис паськыд пызансыс бокын, пуксьылис кö, сöмын здук кежлö. Кор ковмывлис предлön удж кузя мыйкö видзöдлыны либö кутшöмкö кабалаö ассыс кырымпас пняпкыны. Коми гижысьыдлы, тыдалö, та ыжда юралысяд бöрийöмыд лои кутшöмакö виччысьтöмторйöн. Öд орчöн уджалисны сылön тшöтшъяяс, зумыд тэчаса прозаик-поэтъяс — Геннадий Юшков, Иван Торопов, Юрий Васютов, Владимир Попов, Владимир Тимин да мукöд. Кыдзи накöд сийö мöдас асьсö кутны, оз-ö дойд мыйöнкö, сяммас-ö гижысь Котырсö ышöдны, мед эськö чужисны-петисны выль романъяс, повесът-висьтъяс, пьесаяс, кывбур-поэмаяс? Тайö медся нин майшöдлис сэки Пётр Федотовичöс. Со и песис асьсö тайö мөвпъяснас лун и вой. Нöшта ачис на зилис мый вынсьыс мыйкö да мыйкö вöчны. Буретш сийö кадö чужис Педот Петырлön (Кекур грездса тадзи Шаховöс шулисны) «Еджыд керка» повесътыс, кодöс сэсся йöзöдис «Войвыв кодзув» журналын. Тайö гижöдсö ёна опкылис Пётр Федотовичлön бур ёрт да нималана литература туялысь Геннадий Васильевич Беляев. Зэв жаль сöмын, мый П.Ф.Шахов эз удит помöдз вайöдны тöдчана повесътсö... Геннадий Васильевич меным унаысь шулис: бура да пыдисянь пö Педот Петыр öнiя олöм-вылöмсö гижöма-петкöдлöма. Велöдчöй пö, томъяс, сё лешакъяс, Шаховысылысь. Сэки, дерт, Пётр Федотовичлön киподтуйыс бура да тыдалана тöдчис коми литератураын. Эз öд весьшөрö индивны морттö кыз коми журналö главнöй редакторöн, сэсся бöрийвыны гижысь Котырö веськöдлысьöн. Сы целью сайын вöли нин уна пöлөс удж, да П.Ф.Шахов олöм көрсö зэв пыдисянь тöдис. Тшöтш и коми сикт-грездсаяслысь. И сылön пöсь сьölöмыс пыр майшасис на вöсна, висис-пессис, торйöн сэтшöм здукъясö, кор кутшöмкö нелючки дойдлис-сотыштлис карö вужъясьöм гижысьылысь морöс-сö. Босьт кöть Пётр Федотовичлысь «Олöмыс сöмын заводитчö», «Вежон кежлö том кадö», «Мыйла олам, мыйла колам», «Лöз патефон», «Еджыд керка» повесътъяссö, сылысь шоньд да мича коми кывъя висьтъяссö, пьесаяссö, сиктса войтыр йылысь очеркъяссö. Таысь кындзи, Педот Петыр гижыштавлис на и кывбуръяс. Мед кöть и том кадас, ыджыд литератураö пырöдчан воясö. А сэсся нин гөгөрвоис, мый сылön ордымыс мöд вожын, проза-драматургия юкöнын, да сьölöмсяныыс босьтчис гижан уджö...

Бара на кийн кута Пётр Федотович Шаховлысь «Мыйла олам» небөгсө. Лэдзлөмаось сійөс Коми книжной издательство-ын 1985 воö. Тайö небөгыс меным торйөн нин дона, дона сы понда, мый авторыс медводдза лист вылас ас кйөн гижöма: «Александр Васильевичлы Петыр Шаховсянь...» Тайö книгаö Педот Петыр пыртöма выль повесътяс, висътяс, пьесаяс. А воссьö кызкодь небөгыс «Чужан сиктын» очеркөн. Сэні сійö юксьö лыддысьыськөд аслас мөвпъясөн, гижö чужан грездас, Кекурö кайлөм йылысь, мый сэтысь аддзылöма, кодкөд сёрнитöма да кутшöм кывкөртöд вöчö ас грездас волөм бöрын. Гижысь-лы син водзас сувтö челядьдырыс. Пётр Федотович со кызди суныштлö сійö ылі кадас: «Менам синъясöй ёна мөдлісны дзир-давы, кор ичөтдырйи, празникъясö öтлаö чукөртчывліс миян рөдлөн паськыд вужйыс — дядьяс да чожъяс, ичиньяс да чо-жиньяс, пöльяс да пöчъяс. Унджыкысьсö празникыс кольліс лöня, зык-шумтöг... Но вöвлі и сідзи, кор гөститөм бöрын пачводзлань вештивлісны пызан, и джодж шöрö кытшö сувта-ласны гөстыяс да неуна пöлынясиг, кокъяснас зымкнитавліг ветлöны кытшын öти-мөд бöрсяны тальянкалөн куннар-куннар шыяс улö. Сэки збойджык сьölöма рөдня зувкнитас сойнас вывланьö öтчыд-мöдысь да горөдас: «Пер рөд — бур рөд!..» Менö, рөдня вылö пöлатсянь видзөдігөн, пыр шызөдліс горө-дöмыс: «Пер рөд — бур рөд!» Меным сэки чайтсис, мый му вылас ми медся главной олысьяс, ми медся шаньöсь, ёнöсь, некор кувлытöмöсь...

— А тöданныд, коді Перыс лöö?— торйөдчис кызкö йöк-тысьясысь öти дядь да юалис миянлысь, пöлатсянь мычча-сьысьяслысь.— Перыс лöö тиянлы витөд пöль. Витөд! Первой — Пер, сэсся Педот да Митрей, сэсся Вась да Иван, сэсся тиян Педот батынды, сэсся вöлись ті — Пер рөд посниулов. А тö-данныд, кор сійö овліс? А овліс сійö матö кыксё во сайын...»

Сьölөмтö шонтö Пётр Федотовичлөн рөдвуж йывсьыс небы-дика висътасöмыс. Гижысь быттö кылö Кекурö воөм бöрын Пер пöлыслысь лов шысö: «Миян сиктö кежö мир туйсянь туйвеж. Пер туйвеж. Тайö туйöдыс ветывлöма аслас кыйсян керкаö кыксё во сайын овлөм миян Пер пöль... Ичөтдырйи ме унаысь да дыр сулавывлі Пер туйвеж заводитчанинын. Сэні сулалігас меным чайтсис: ме кö дыр сулала тані лöня, сэки верма кывны Пер пöльлысь кыксё во сайö кольöм кок шысö. Сöмын ёна колö лöньны, дзикөдз-дзикөдз, да топөдчыны öти бан бокнад туй бердас. Позяс туявны пöльлысь кок туйсö, а сэсся и адззыны асьö... Меным вöлі долыд, мый ме — Пер рөд».

Пётр Шаховлысь тайö очерксö ме лыддылі öтчыд дай мö-дысь, сэсся и коймöдысь. И лыддьöм бöрас пыр восьтлі аслым мыйкö да мыйкö выльтор. Водзынсö менö пензёдліс авторлөн мича коми кывйыс, сиктса войтырлысь олөмсö пыдісянь гуд-йыштöмыс, сёрөнджык — гижысьлөн аския луно эскöмыс, сэкся кадсö, совет воясö, паськыда восьтöм-петкөдлöмыс, öні жö — чужан мусö пöся да став морөстырнас радейтöмыс, асьыс рөдсö вежавидзана пыдди пуктöмыс. Быд пöрйö сылөн гижöдыс дзирдаліс аслыспөлөс рөмөн, быттö югыд шонді водзын дона из, дзользис вöрса ёль моз, кодлөн сөдз ваыс сотö-чөсөдö пиньтö, бура-лөсьыда веськөдö жар луно мудзöм мортлысь пакталöм

горшсö. Но медся шензöданаыс виччысис менö водзын. Коркö öтчыд, а делöйс вöлі кольöм нэмлөн öкмысдасöд воясö, тайö очерксö гижöм да йöзöдöм бöрын нин, Пётр Федотович и шуис-вöзйис меным:

— Тырмас бусöсь карас миянлы жбутовидзны-пукавны. Вай кайлам тэкöд Эжва йылö. Гажтöм мыйкö босьтис чужан сиктысь, Кекур грездысь. Нöшта ас йöзкöд паныдасьлам, лыддысьысьяскöд аддзысьлам. Мый тэ думайтан та йылысь? Тадзи али абу?— пыксис менам юр вежөрö Педот Петыр аслас мöвп-вöзйöмөн.

— Вай кайлам и эм,— вочавидзи ме да öнi на аттьöала Енсö, мый сетис татшöм позянлун петавны нималана гижыськöд чужан сиктас.

— Аски, сiдзкö, и петам туйö,— помалис сёрнисö Пётр Федотович.— Ме дорö кеж дай, час öкмыс гөгöрыс. Бур тöдсалөн машина локтас...

Кекур грездöдз ми воöдчим вель дыр. Пётр Федотович ёнасö эз сёрнит, мыйкö пыр мöвпалис ас кежсьыс, а кор мудзас юр вежöрас лукйысьнысö, сэки то öтитор йылысь юалас менсьым, то мöдтор йылысь. Сэсся пыдисянь ышловзяс да водзö чöв олö. Кулöмдинсянь Помöсдин туй вылö кежöм бöрын Педот Петыр мелань бергöдчылöмөн нюммунис:

— Кымыныськö тайö вöлөксö лолі меным подөн вуджлыны. Абу тай дыш вöлöма. Сё лешак, томдырйитö мый он вöчлы да...

Ме пель чопкöдöмөн кывзi сылысь висьтасьöмсö да син водзö сувтöдлi, кызди том зон збоя шавксöдö Кекур грездсянь Кулöмдинö, кöинысь ни опкысь оз пов, пыптьялысьясысь ни. Со, мися, кутшöм ыджыд сёлöма вöлöма томдырйиыс Пётр Федотович, война кусöм бöрас. Сэки сійö буретш уджалöма Пожöг сиктса детдомын директорөн нин. Дас квайт арöса зон. Ас пельпом вылас кыскöма некымын во та сьöкта ноп. Кывкүтöма батътöм-мамтöм сы мында челядь вöсна. Шензян быдөн, мый нималана гижысь коркö та пыр мунлöма. Сяммöма, майбыр, быд зонпосни дорö аддзыны колана кыв, тшыг войнабöрся кадö вердны-юктавны шег кодь челядьöс, сетны налы ассыйс муслун. Тадзи мöвпалiг-сёрнитiг ми вочасөн и вуджим Кулöмдина-Пожöга вöлөксö да кутшöмкö кад мысти воöдчим Кекур грездöдз.

— Воча вок ордö, Емель Öльöксей дорö, пырам. Найöясын и олыштам. Бур сёлöмаöсь гозья. Оз тодмышкавны,— машинаысь петiгөн серöктыштiс Пётр Федотович да öвтыштiс кинас миянлы: локтöй пö ме бöрся, эн мöжгöй сэни, арся луныд дженыйд, регыд пемдыны кутас. И збоя шавксöдiс нопторйөн мир туй саяс сулалысь ыджыд керкалань. Ме да машинаөн миянös вайысьыс кильчö помас нин сүöдiм Шаховös...

Посводзас пырöм бöрын Педот Петыр кутш-котшвöчис паськыд öдзöсö, сэсся кокниа восьтiс сійös да вежавидзана воськовтiс керка пытшкö. Ми кыкөн сы бöрся жö лöсьöдчим.

— Чолöм-здорово, Алексей Емельянович! Видза олан, Павел Наста!— копыртчылис öдзös дорсянь керка пытшкын пукалысьясы Пётр Федотович.— Нянь да сов ставныдлы, бур дзоньвидзалун да.

— Кодi нö, мися, татшöм горасö тотшкöдчö, тайö Педот Петыр вöлöма,— чеччис öшиньдорса лабич помысь косiник пöль.—

Пырöй инö да шойчöй-шонтысьöй,— быдöнкöд киасис керкаын олысь, а Пётр Федотовичöс зэв пöся на кутліс гоз-мöдысь, то-пöдліс ас бердас. Сэсся ми куимнанным пöрччысым öдзöс дорас да пуксялім öпинь дорын сулалысь кузь лабич вылö... Тадзи ме тöдмаси П.Ф.Шаховлөн воча вок, «Чужан сиктын» очеркас петкөдлөм Алексей Емельянович Шаховкөд да сылөн гöтыр Анастасия Павловна Шаховакөд, сиктса ногөн кө, Павел Настакөд. Сöмын Пётр Федотовичлөн Паладь ичиньыс, Емель Öльöксейлөн мамыс, кувсыылöма нин вöлі во-мöд сайын. Гозъя ордын ми, карсянь воысьяс, узим некымын вой. И пöттöдз, дерт, сёрнитім олөм-вылөм йылысь. Емель Öльöксей Ыджыд война вылö на ветлыны сюрлöма, тышкасьöма немеч-вөрöгкөд, вөлöма артиллеристөн. Курыдтортö нылыштöм бöрын рытывбыд висьтасис, кызди пронт вылад ветлöма, мый пыр мунлöма да кутшöм сьöкылдунъяс исыштолöма. Вежөрö колины Алексей Емельяновичлөн кывъясыс: войнаыд пö, дитяяс, сьöкыд да няйт удж, бурджык лоö, сыö кө не кутчысьны. А босьтчан кө, быть вöч, но няргытöг да сьölöмсяныыд, мед көть юртö ковмас пуктыны...

Та бöрын Емель Öльöксей дыр чöv оліс, быттö син водзас сувтöдліс война мунан лунъяссö, быттö бергöдчыліс уна во сайö, коркöя вир кисьтана кадас. Сэсся талунъя олөм-вылөмсö босьтчыліс гогнавны-бергöдлыны, кызд ачыс шуліс, збыль-правдасö корсьны. И татшöм здукъясас весиг Пётр Федотовичöс аслас юасьöмъясөн дзескыд цельöсö топöдліс. «Чужан сиктын» очерксьыс тайö бура тыдалö. Йөрш кодь бытшласьысь и вөлöма Емель Öльöксей. Сэтшöма гудйыштас олөмсьыс збыльторсö, көть сы шуöм мысти бöрд либö серав. Сійö волігас, öти мича рытö, пызан сайын дыр пукалөм бöрын ми ставөн петім керка йөрö. Морöстырөн апалім арся чöскыд сынöдсö, нимкодясим орччөн кывтысь Эжва юөн, тані сійö зэв на векныыдик, чукля-мукля да мойдын моз видзöдсьö. Недыр сулыштöм бöрын Пётр Федотович и вöзйис мяянлы: вай пö ме петкөдла тиянлы ассьыным керкаöс, көні ме чужлі-быдмылі. Тонö пö сійö орччөн сулалö, дзик эжвадорса кыркöтш бокас. Ми ставөн мөдöдчим Педот Петыр бöрся, Емель Öльöксей йöрысь юлань сетчим. Шаховъяслөн важиник керкаын некод нин эз ов, öдзöсас ыджыд томан öшаліс. Уна вонад пöрысьмöма да муас кутöма пырны. Пётр Федотович малыштіс кинас кильчö помсö, пуксьыштіс медся улі сод вылö да пыдісянь ышловзис:

— Со тайö и мяян керканым. Водзті, помнитсьö, кутшöм гажа тані вöлі, а öні гөгөр чöv-лөнъ. Мый сэсся керан, олөмыд тай öтилаян оз сулав... Вöчны эськö овтöм керкаас музей сямаöс. Ме ачим гижысь, Борис вокöй гижан уджлань жö нырччö, коймөд вокным, Геннадий, ок нималана морт, учёной, Минскын олө-уджалö. Шуам, Шаховъяслы сиöм музей коркö лöсьöдны... Мый тэ та йылысь мөвпалан, Алексей Емельяновичыс?

Емель Öльöксей быттö виччысьöма тайö юалöмсö, дзор юрсö пылькнитіс да пыр и вочакывйыд сылөн сюри:

— Мый ме татчö тэныд шуа, Педотович? Висьтала веськыда: ті ставныд сöмын та йылысь сёрни-басни нуöданныд. Педот Борис коркö воліс да таdzi жö музей лöсьöдöм йылысь тані, керка дорас, вомнас изіс. Сэсся муніс аслас Ухтаö да музей йывсьыд и вунöдіс. Тэ со локтін да бара жö музейлань сёрнисö

бергөдін. Кольом вонас Кекурө волігад та йылысь кыкысь кымын сёрнитлім нин да. Он мөй помнит?

— Вунөма тай мыйкө, усьөма пöрысь юрсьыд,— паськыда нюмьёвтис Пётр Федотович да топöдліс ас бердас косіник Емель Öльöксейöс.— Тэ тай пыр на йөрш кодь; шуан да быттö емөн сатшкан.

— Кекурса да. Эг öд көнкө Мөскупаын чуж-быдмы. А музей-тö вöчны-лөсьöдны, ковмас кө, отсала на...

Ассьыс очерксö Пётр Федотович помалö со тадзи: «Муні ме чужан сиктысь шондіа югыд асылö. Мыш сайö пыр ылöджык колис бать-мамөн лэштылом керка, көні ми чужим да быдмим, коді коркө мичаөн да кыпыдөн вöвлі, а öні пöрысьмөма, идөр-төм, сөмын öшинь улас водзö кыпалö да паськалö лөм сад, кодөс кызь во сайын Öльöксей воча воккөд вайлім да садитлім Гумласай нöрысысь. И кутö быттö мыш сайö кольысь керканыс, волі да пос помсö эг чышкышт, öти тув некытчö эг тувъяв, сөмын копыртчывлі. Волам на коркө, пелькөдам, выльмөдам...»

...Сэки вель дыр ми ставөн сулалім Эжва кыр йылын, Пётр Федотовичъяслөн керка дорын. Чöv-лөнъ вöлі гөгөр. Орччөн шывгис векныдык Эжва ю, ылын-ылын тыдаліс-төдчис Во-мынбөж сикт... Миян пöвстысь быдөн думайтис-гартліс юрас ассьыс мөвп. А ме аттьöалі тайö здукас Енмөс, мый сетіс позялун кайлыны нималана коми гижыськөд сы чужан грездö, сёрнитны сиктса войтыркөд, төдмасьны очеркын ёна казътылана морт — Емель Öльöксейкөд, Кекур грезд кузя öтарö-мөдарö ветлөдлыштны... Кор на мойвиас сэсся татчö мөдысь волыны да тадзи сулавны Эжва кыр йылын Пётр Шаховкөд, син водзад сувтөдлыны ставсö, мый йылысь авторыс гижö югыд да сөстөм очеркас? Пётр Федотович, кызди и аслас мукөд повесът-висеть-ясын, эскö бурас, мича аския лунö, эскö, мый став сьöкыдсö коми йөз коркө венасны. Но та понда быдөнлы миян пиысь колö зіля да кывкутөмөн уджавны, тадзи пасйыліс Шахов чужан сикт йывсьыс очеркас, медым «тайö керкаясас... олісны да пукалісны мича сөветскöй йөз, мичаөсь сьölөмнас, и ловнас, көсьöмъяснас». Кодкө вермас шуны, мый Петыр Шахов аслас гижөдъясын онкис-кыпөдіс сөвет власът кадсö, мый сійö ачыс пыраліс КПСС радъясö да пыр дорйис партиялысь туйвизьсö... Ме эськö эг кут увтыртны, видны-дивитны Пётр Федотовичöс сылөн видзөдласъясысь, олөмсö ас нога кылөмысь, чужан грездсö коми лыддысьысь водзын бура петкөдлөмысь. Быд мортлөн эм кык син да öти юр. Кодкө кө оз дышөдчы да бара лыддяс П.Ф.Шаховлысь «Чужан сиктын» очерксö, сійö пыр жö гөгөрвоас: коми гижысь мукөд серти ёна водзö видзөдö, позьö шуны, ловнас кылö сөкся олөм-вылөмсö, торйөн нин сиктса войтырлысь. Став лов шынас пырөдчö Педот Петыр кекурсаяс-лөн вир-ййö, быттö абу и лэччылөма татысь ылі карö, нэм кежлас кольöма быдөнлы ас мортөн.

Пётр Федотович, дерт, ёна майпасьліс, мый гежöда кежавлö чужан грездас. И тайö майпасьöмыс пудъя изйөн öшаліс коми гижысьлөн сьölөм вылын. Со тай и очеркас көсьысьö: эг на пö бөръяысь кежав чужан сиктö, бать-мам керка дорö. Бара на вола коркө, сэки гөгөр пелькөда, выльмөда...

Шум-зыка да буса карса олөмыс эз, тыдалö, тырвийö личөд

мортыдлысь ловсö. Та понда Пётр Федотович зилис петавны-пышйивны изйысь тэчöм-вöчöм керкаясысь, лолалыштны сöс-тöм сынöдөн, нимкодясыйштны войвывса мича вөр-ваён. И татшöм позянлуныс вöли. Карсянь неылын, Льöмъю бокин, сулалö коми гижысь Котырлөн кык судтаа пу керка. Гөгөр шувгö пожöма вөр, керкасянь неылын тыдаліс Эжва юлөн паськыд отыс, орччөн тутвидзис важиник пывсян, сы дорын ас вöчöм пызан, некымын паськыд лабич... Петан корöсясьöм бöрад, нылыштан нелямын тшупöда курыдтортö, да сывны-йöктыны окота. Сэтшöм лöсьыд лов вылад овлö! Пётр Федотович торйён нин радейтис воывылыны гижысьяслөн льöмъюса «позйö». Тані сійö кыліс асьсö гортас моз. Карысь патерасö сеттöдз кутшöмкö кад кежлö овмöдчыліс весиг тайö кык судтаа кышyd керкаас. Овлісны тані карö вужъясьтöдз коми гижысьяс Юрий Константинович Васютов, Пётр Федотовичлөн бур да матысса ёртыс, драматург Николай Фёдорович Белых, бöрынджык том поэт Александр Михайлович Лужилов ныв-гöтырыскöд, мукöд енбиа войтыр. Но на пивысь некод ёнасö эз зіль, медым мыйкö пелькöдны-тувйыштны керка пытшкас да дорас, медым вежны сісьмыны кутöм пос содъяссö, разьны-пилитны муас пырысь ляпкыдик пывсянсö.

Петыр Шаховлысь быд мисьтöмтор синсö ёрис. Тшöтш и гижысьяслөн керка гөгöрын. Аслас Кекурöдз кö карсянь вöли ылын, то Льöмъюдзыд автобусыд нуас-тöвзёдас час джынйён. Пётр Федотович, дерт, эз кут нюжмасыны да вочасөн босьтис аслас борд улö коми гижысьяслысь кык судтаа пу керкасö. Рочөн кö шуны, лои татчöс короминаса комендантён, гижысь керкаын юралысьён. Мöд ногөн, Педот Петыр босьтчис тöж-дысьны татчöс овмös-керка-пывсян вöсна да нöшта на став сёлöмсянныс паныдавліс Льöмъюö кежавлысь поэт-прозаикъясöс, нималанаясöс и томъясöс. Тшöкыда гижысьяслөн керкаö воывлісны Геннадий Юшков, Владимир Попов, Иван Торопов, Серафим Попов, Василий Леканов, Михаил Игнатов, Юрий Ионов да мукöд. Эз сöмын сёрнитны литература йылысь, кöть эськö сы гөгөр векджык пансылісны венъяс, но и кыйисны матысса виссьыс да Эжвасысь чери, гожöм-ар вотчисны папкыр пуяса пожöма агын, болöдчисны-купайтчисны жар лунъясö орчча юын...

Кор нин Пётр Федотович босьтчис тырвййö комендантавын льöмъюса мичаник керкаын, а быдөнös мыськысь-корöсялысь ичöтик пывсян дзикöдз пöрысьмис, сёки гижысь Котырён веськöдлысьяслы воис юраныс бур мöви — лэптыны важ пывсяныскöд орччөн выль пывсян. Кышydös да бурös, паськыдös да зумыдös. Шуöма кö, сідзкö, колö вöчны. Öні на син водзын сулалö сійö ылі тувсовъя луныс. Пывсян вылö срубис гижысь котырсалы сюрöма вöлі Корткерös дорысь. Мöдöдчим ми сэтчö Елена Васильевна Козловакöд, сійö сёки буретш уджаліс Коми гижысь Котырын юралысьсö (Пётр Шаховös) вежысьён.

Сулаліс мича март тöлысь. Югъяліс понді, енэжыс вöлі пыдöстöм да помтöм-дортöм. Елена Васильевнакöд кыкөн, пошкитыр, вель дыр собим паськыд туй бокин сулалысь срублань. Срубсö и збыль кодъяскö кышöдлöмаöсь ёнös да кузь-паськыдös. Тыдалö, ичöтик керка пыдди. Но Ен сыкöд, кутшöм эм, сэтшöм и лöсялас. Ньöбöма кö, бөр он кос. Елена Васильевна перйис

зепсыс мел да улисяныс вылө, гөгөрбок пасъяліс керъяссө, быдөнө пукталіс лыдпасъяс, мед сәсся позис Льемъюын пывсян срубсө кокниа чукөртны. Пасъялігад миян өтитор абу артышт-сёма — мелөн гижомыд кутшөмкө кад мысти, зэрас ли, лымъ-явлас ли, вермө дзикөдз вушйыны. Грекыд вылө, буретш тадзи и артмис. Кор пывсян срубтө разьөмөн вайим Льемъюө да гузыгим-ректім машина вылысь гижысяслөн керка дорө, а сәсся збоа босътчим чукөртны-тэчны керъяссө, миян, видзөдам да, төлк ни лад эз кут артмыны. Гапкө, дас морт чукөрмис разьөм сруб гөгөрыд. Быдөн зильө мыйөнкө отсыштны, а керъ-ясыд разі-пели куйлөны, мелнад гижавлөм лыдпасъясыд дзикөдз вушйөмаось. Төд сәсся, кызди керъяссө тэчны, кодсян заводит-ны да мыйөн помавны... Пётр Федотович вель дыр жө гөграліс разьөм сруб дорын да сөмын нюмъяліс-вашъяліс.

— Но, ребята, уджтө тай миянлы вөчөмныд. Тані быдса ве-жон ковмас юрнымөс жуглыны,— серамсө кутіг броткыштіс Педот Петыр, сәсся муніс Льемъю посёлокас: корсьла пө төдса мортөс, сійө быть отсалас, кыис и юрыс сылөн миян дорыс бурджыка уджалө. Төлыс мысти кымын, дерт, гижыс Котыр-лөн выль пывсяныд кыштіс, кыз шуласны, Ен да Пётр Федото-вич отсөгөн. Но важ сертиыс сійө лои ыджыд рыныш кодь, вит метра пасъта да вит метра кузьта. Өтпырйө позис пывсөдны-мыссьөдны джын гижыс войтырсө. Ичөтик көрт пач прамөй жарсө, көть лунтыр лөдсав, эз жө вермы сетны. Та вөсна ко-кыд кымис татшөм пывсянад... Да и медавлөм йөзид тюп-ляп вөчөмаось гөгөр, мода вылас, сөм кульыштөм ради. Пётр Федотович та бөрын сәсся ачыс медсясө пывсянас котшкөдчис, корсюрө и ме отсасьлі. Но уджыс сәні быттьө эз и помасьлы... Өтчыд сыкөд пывсянтө ломтім да ваймөм бөрас корөсьөн өта-мөдөс швачкөдім-пывсөдім. Кисъкасим петөм вылө нин, көджас сулалам, пасътасыны лөсьөдчам. Пётр Федотович шылькнитіс ва юрсисө да кыз тай кызөктас. Видзөда да, вылі пөвъяс костсыс лыаыс содз кык мында гузыгысис Шахов вылө. «Сө лешак тай, бара лоө пожъасыны али мый»,— дыдгыштіс ги-жыс кодкө вылө да ышлолаліг бөр пырис пывсянас. Содъяс кузя гижысяслөн керкаө кайигөн дыр шуасис:

— Кутшөм нө тайө пывсөм, кор ружөктан да тэ вылө лыа киссьө? Вай коркө тувъявлам-эжам прамөйджыка пывсян көджсө, мед некутшөм кост юр весътаным эз вөв. Аски и босътчам уджас, а тэ меным отсыштан...

Кызди нө он отсав Пётр Федотович Шаховлы?! Лои бара на волены Льемъюө...

Позьө, дерт, унатор на казътивны нималана да ыджыд коми гижыс йылыс. Менсьым сьөлөмөс нэм чөж кутасны понтыны сыкөд аддзысьлөмъясыс, сыкөд сёрнияс, вензылөмъяс. Пётр Федотович, кызди и ме, Эжва йылын чужлөма-быдмылөма. Гапкө, тайө тшөтш өтувтіс-матыстіс миянөс, гапкө, гижан уджыс, гапкө, миян лов-вирным лөсявліс да... Код төдас, мый матыстө му вылын олысястө. Но кор ме куті пырны гижыс Котырө, медводз матыстчи П.Ф.Шахов дорө: мися, гапкө, сетан ассьыд вөзйөмтө да. Пётр Федотович пасъкыда нюммуніс, и вашъялана нюм сертиыс позис гөгөрвоны, мый гижыс талы абу паныд. А сы ордыс петігөн нин шуис велөдана кывсө: «Сөмын бура уджав, менө эн янөд...»

Со татшөм мортөн да гижысьён коли менам сьөлөмын Пётр Федотович Шахов, сиктса ногөн кө, Педот Петыр. Сылы эськө тырис тавоя январ 22 лунө 80 арөс. Но мортыд тай абу кык нэма...

Пётр ШАХОВ

Тöлыс бара вöлі көдзыд*

В И С Ъ Т

1

Пызан вылын чусмөм стöканъяс, саössөм бокъяса чайник. Регыд эськө найö югзисны, пыравліс кө керкаас Василиса, но сійö пияныслөн кияс вылын дас во сайын нин петіс коркöя югыд да тажа керкасыс. А Егоркөд воча öні пукалысь Анфиса-лы, пашкыр сьöд юрсиа, кельыд вирпаса ар ветымына нывбабала, тыдалö, веськодь Егорлөн пемдöм комнатаыс да дозмукыс. Анфиса чусмөм блюдысь ырскöмөн юö накладкаа чайсö, сöмын корсюрö шуыштлас гоз-мöд кыв. Егорлы оз и ков унджыкыс: раммөм сьөлöма, шоныд видзöдласа, небыд вöраса да пыдісян петысь гусякодь гөлöсa, сійö думайтö, мыйöн эськө ещö гөститöдны нывбабаöс. Ломтысьыс дзоля пач плита вылын сильгымөн турунвиж кружкаын сывдас вый да пуктас Анфиса водзö. Шмонитігтыр петкöдлас, кыдзи пöсь выяс небыд нянь шөрöмсö чуткавы. Неуна бöрынджык збодера чеччас пызандорса улöс вылысь да пыравлас пачводзсö торйöдысь занавес сайö, ыджыд кияснас зыралігтыр ваяс шкальчик.

— Святöй васö вунöдлім,— шуас да пöлынтьас югыд ваа дозсö Анфисалөн чай тыра стöкан весьтö, кисьтас сэтчöдз, кытчöдз Анфиса ачыс оз вешты стöкансö доз увсьыс.

— Василисаыдкөд, шонъянöйкөд, ми эгö лöсявлöй,— лöня шуас Анфиса да көтöдас вом дорсö вина сора сук чайнас, вöсни нырбордъясыс друг лыбыштласны пöсь вина дуксьыс.

Василисаöс Анфисалөн казтыштöмыс быд пöрйö дойдö Егорсö, но вочасö нинөм оз шу. Егор гөгөрвоö: на костын эм на помавтöм сёрни, көть чайсö таdzi öтлаын юöны оз первой во. Тыдалö, Анфиса көсйö тöдны, коднысö, Василисаöс али сійöс, Егор пуктö вылөджык. А Егорлы абу окота водзö нуöдны татшөм сёрнисö: Василиса йылысь гарыштöмсö быттьökö оз и кыв, гыж-йыштас юрсö, бара чеччылö улöс вылысь, лабич вылысь босьтö таллянка да пуктö пидзöс помъяс вылас, юрсö пölöстыштöмөн заводитö октыны пöлянасьöм кодь шыяс.

— Камаринскöйтö ворс,— чайсö блюдысь нылыштöм бöрын чужöм вывсьыс юрсисö вештышталö Анфиса.— Сійö меліа артмö.

— Артмывліс коркө,— шуö Егор, топöдлö таллянкасö да пöля-

* Гижанногсö кольöма авторыслысь.

насьом шыясянь вуджэ збодер камаринскэй, таллянкалөн небыда нязгысь шыясыс босьтчыны кытшлөддыны куннар-куннар.

— Ворслывлін жэ... мыйкөыды?

Егор оз кыв и тайё юалөмсö. Бөрвыв мичаа сыналөм дзор юрсö ёнджыка пöлынтьö дзоля гудöк весьтö и, көть лөз сөнъяса чуньясыс азыма кватылалöны важ таллянкалысь рудöдөм пу клавишъяссö, Егорлөн чужөм серти позьö казьявны, мый сійö дөзмö воча пукалысь нывбаба вылас... Мыйкөыскöд, Василисакöд, Егор квайт ныла-пиясö быдтис. Таллянка... Вöвлі и таллянка... Сэки Егор ар комына, гашкö, комын öтиа вöлі, госторгын служитис. Крам праздник лунö мöд деревняын гуляйтигөн ышмис да гуляйтан ёртыслысь таллянка ньöбис. Другъясыскöд пырис гортас няжгиг-сьылігтыр: «Видзöдлы, Василиса, удал верöстö, примит гөстыясöс!..» Оз кыв Василиса, некод оз шыась. Егор кытшовтис керка пытшкөссö. Бöрын сувтис гөбöч приступ вылас, лэптыштис гөбöч выв сайöдысь занавессö. Сэні вольпасын эшкын улын куйліс кельдöдөм чужöма Василиса, косьмөм вом доръясыс вощьöмаось. Сійö видзöдіс Егор вылö гудырмөм гырысь синъяснас веськодья-веськодья, а сэсся дивитана, мыйысь Егор пыр жö папаліс. Гөтырыс вощьтыштлис эшкынсö: ортчөн куйліс ловъя акань да нюмрöдліс вомсö. Егорлөн праздничайтигкості, таллянка ньöбигкості локтöма сылөн керкаö выль олысьыс.

— Эсійöс мед... керка помысь эг кыв,— шöпкөдөмөн, но чорыда шуис Василисаыс таллянка йылысь.— Да пальöдчы, бурлак...

Егор ружöктис да джөмдіс ворсöмысь.

— Вугыртлін али мый?— юаліс Анфиса.

Посводзын кылісны кок шыяс. Воссис öдзöс да ва тыра ведра гозйөн көзяин моз керкаö пырис Миколай. Пызан сайын пукалысьяс чöла бергöдчисны пырысьлань.

— Бара ва катöдан?..— неыджыд кост мысти кортöм отсасысьылысь моз Егор юаліс пырысьылысь. Мöдыс вочавидзтöг вощковтис пачводз занавес сайö да ведраясысь бузгис-кисьтис васö пельсаö. Эштöдчөм бöрын сійö петіс джодж шöрö, пöрччөм шапкасö топöдіс киняулас да босьтчис гартыштны чигарка.

— Рытнас пывсьыны лок, Егор дядь,— чигаркасö медбөръясь нюлыштигмоз шуис Миколай.— Скöтнöй двoryн эштöдча да жара вöдита. Съöд дөрөм-гачтö эн вунöд вайны.— Сэсся сійö шапкасö скöра шлапкис юрас да видзöдліс Анфиса вылö:— Вася ичиньö кө эськö тöдліс...

— А Егор дядьыды вот ме мусаджык,— Миколайланьö тушанас сетчөмөн жлеча шуис Анфиса.— Лöгав көть эн!..

— Веритасны! Висьтав,— тіралана гөлөсөн шуасис Миколай.

— Веритан — дядьыд кө висьталас!— шуис да ыджыд гөлөсөн скöрысь серöктис Анфиса.

Егор кыпöдчис улöс вылысь, медым öлөдны сы керкаын кампужитчысь племянниксö, да кывйыс оз сюр. Сэсся окота лои Миколай дырйи бөр гумлавны пельсаö киськалөм васö да ывлаö койыштны, но и тайöс вöчны эз слöймы. Пывсьыны ещö öтчыд корөм бöрын Миколай петіс керкаысь да öшинь увтыс вощьлаліс скöтнöй двoryн.

— Кымынöд во, да рöдвужыд пыр лöгалöны,— чышъянасимозыс норасьö Анфиса.— Вася ичинь лöма. Вөлöма и бырöма!

Сьöкыд бурöднысö Егорлы. Дерг, позьö шуны: сьöлышт тэ

на вылӱ, пыдди эн пукты, коды кутшӱм делӱ сэтчӱдз, кодӱ код дорӱ воывлӱ, а кывъясыс оз сюрны дядьӱн шуыс вылӱ дӱзмӱм-ла. Миколай, Егор воклӱн ветымын арӱса пиыс, пыр тадзи: пес моздорӱн ли ва ведрӱн пырас — бӱрыннас пыр сувтас джодж шӱрӱ да, кыз чигаркасӱ крука чуњьяснас гартыштӱгӱн, первойсӱ чӱв олас, а сӱсся кутас синъяссӱ тшӱкыда лапӱӱдлыны да шуас:

— Вася ичиньӱ на тай вӱлӱма керкасӱ кутысьыс. И кызд тӱ ичиньӱ бӱрын эсӱйӱс верман примитны, Егор дядь.

И бара торксяс чӱвлуныс Егорлӱн. Кӱсъяс ӱлӱдны мӱдлӱн олӱмӱ суитчӱмыс, некор не панны ськӱд татшӱм сӱрнисӱ, да сразусӱ оз вермы. Но бӱрынджык шуас жӱ:

— Унатор на тӱ он гӱгӱрво!

— Гӱгӱрвоа,— чигаркасӱ шыльӱдӱг-мольӱдӱгтыр вензӱ Миколай.— Тӱнӱд ас кодъыд арлыда горт олыс колӱ. Анфисаасян кадыд кольӱма, кӱть и сӱйӱ квайтӱд дасӱ регыд вуджас.

— Нинӱм тӱ он гӱгӱрво,— мӱдыс шуас дядьыс да кинас ӱв-тыштас.

— Ог верит, медем мусминныд пӱрысь-нӱмӱ, и — баста! Вася ичиньӱ кодъ кӱ вӱлі, гашкӱ, позис веритны.

— Дутды!— медбӱръяыс ӱлӱдас Егор да заводитас гольӱдчыны пызан вылӱ чукӱрмӱм дозмукӱн.

* * *

Анфиса забор дорын осьлалӱ, гортас мунӱ.

Егор кильчӱ вывсьянь горӱдас.

— Волан он?..— (колӱ гӱгӱрвоны, рытнас волас оз).

Егор виччысь вочавидзӱм. Мӱдыс осьлалӱ потшӱс пӱлӱн да характерсӱ петкӱдлӱ, дыр нинӱм оз шу. Сӱмын сусед керка дорӱ воӱм бӱрын, бергӱдчывтӱг (тӱдӱ: Егор кильчӱ вылас сулалӱ, воча кыв виччысьӱ), шуас дышиника:

— Вола, гашкӱ...

2

Дядьӱн шуыс Миколайыс оз сӱмын дивит Егорӱс. Лун оз коль, медем удж вылас мунӱгмозыс пес эз поткӱды дядьыслы либӱ ва эз пырт, кӱть и ачыс нин дзуртыс лы-сьӱма да челядь быдтыслӱн аслас на уджыс юр вывтыр семья пытшкас. Но оз вермы ышлолавтӱг жалитны, дядьсьыс вежӱраджык туйӱ пуксьӱ, нывбаба водзын ылалӱмыс видзны кӱсӱй пӱрыс мортӱс. Ичиньӱн пыр чуткӱ, быттьӱ Егор омӱльдзыка тӱдӱ ассъыс Василисасӱ, кодкӱд кузь нӱм коллялӱма да челядьӱс верстьӱ йӱзӱдз быдтӱма.

«Кольӱма нин Анфисаасян пӱраыд»,— шуӱ Миколай, а Егор кылӱ сӱйӱс мӱд ног: «Выжыв кадыд воӱ, а тӱ томджык нывбаба-кӱд тотькӱдчан, ичиньӱ паметъ водзад он вежавидз». А кодӱ шуис Егорлы: «Аслыд ов, Егор, нинӱм вӱсна эн тӱждыс, кыз кужан, красуйтчы...»? Василиса шуис кулӱм водзвылас. Сӱдзкӱ нӱ, мыйла суитчанныд, Егорлы кӱ тадзи любӱ овнысӱ! Тӱдӱ Егор: шуис Василиса татшӱм медбӱръя кывъяссӱ сьӱкыд висьӱм-ла пикӱ воӱм бӱрын, ачыс сӱйӱ лов петтӱдзыс мукӱдъяс вӱсна тӱждлунӱн олӱс. Сьӱкыд висьӱмыс кувтӱдзыс во джын водз коктӱммӱдӱс Василисаӱс, сӱсся и вольпасын бергӱдчынысӱ от-

сөттөг эз кут вермыны. Но некод семья пытшкын, ни пи, ни том монь да Егор, эз кывлыны висьсыслысь сьёкыда ружоктөм. Сөмын гоз-мөдысь норасьліс: «Тавой бара синмөс эг куньлы...»

Куйліс Василиса өшинь дорын, сёян пызанлы мышкөн. Асыв-нас көзйякалөн уджыс тайё пызан гөгөрыс гартчө, а Василиса оз аддзы, мышкөн куйлө, коть и окота видзөдлыны, кыдзи сылөн моньыс сёянсө дасьтө; гашкө, мыйкө оз сідз вөч.

Татшөм асывъяснас Егор гөбөч вылын на пукалө да гежөдика ыджыда ышлолалө. Унджыкысь кө лоас ышлолалөмыс, пыр и кылас өшиньдор крөватсянь юалөм:

— Висян али мый, Егор?

— Мыйкө тай деливө,— дышиника вочавидзас Егор.

— Пельшерөс корлөй. Юрыд кө висьө, лок өти кизь ю,— шуас Василиса да лекарствояс тыра көрөбсө морөс вылас лэптас, колана кизь-лекарство кутас корсьны. А Егор пукалө Василиса водзын өшйыштөм льөбъя, лекарство виччысьө, быттө абугөтырыс, а ачыс главнөй висьысьыс.

— Бара, көнкө, шапкатөгыд ветлін тувсов төв йылас? Кынтө оз?— Егор вылө гырысь чусмөм лөз синьяссө веськөдөмөн юасьө Василиса.

Өти асылө Василиса чукөстіс моньсө сёян лөсьөдан пызан сайысь, тшөктіс вайны юрлөсьяс да сувтөдавын крөвать юрвөдзас, медым на вылө лэдзчысьөмөн пуксьыштлыны крөватяс. Юрлөсьяс вылө пуксөн моз водөм бөрын, кияссө плетьясөс моз чөвтис крөвать пөлөн. Шойччыштис, сэсся корис: «Вайлы татчө вөсньөдчан пөвтө...» Кодыр вөсньөдчан пөвйыс лоис крөватьын, Василиса лэптіс кузь чуњьяса кияссө, вом доръяссө курччөмөн торйөдіс тестаысь ёкмыль да кутіс петкөдлыны моньыслы, кыдзи колө шаньга кучик вөсньөдны. Мөдыс шензьө, кыдзи пө аддзылінныд менсьым вөсньөдчөмсө. Василиса юрнас индіс орччөн куйлысь неыджыд зеркалө вылө.

Висьысь сылө и сылө, гожся пөсь лыа вылө надейтчө, коді, гашкө, бөр на сетлас коксө, а дінса йөзыс, Егор ни пиа-моня, нинөмөн оз вермыны отсыштны, сөмын фельдшер волас вежоннас өтчид да узытөдан лекарство коляс.

Оз вун Василисаыс Егорлөн. Гашкө, звук-мөд кежлө вунөдлөм ради и Анфисасө примитлө чай юны, сёрнитыштны, пөра дженьдөдны. А ловъя йөзыс, Егорлөн рөдняыс да суседъясыс, оз көсьыны гөгөрвоны тайөс, налы окота дивитны: «Со матрос Егор кутшөм бура оліс Василисаыскөд, да өні гөститөдө Анфисаөс, кызь арөн томджык нывбабаөс, тальянкаөн сылы ворсө. Василисаыслы, коньөрлы, став сьёкыдыс сөмын и сюрис».

— А, гашкө, ме Василисалы пыдди ворса!— өтнәсөн кольөм бөрын вензьө-шуасьө Егор, но некыдз оз вермы дзебны, мый Анфисаыс лоис Василиса кодыс жө матысаөн. Егорлөн быд пөрийө чухмунө пытшкөсас, оз кө волы Анфиса, либө висьталасны кө Анфиса ордө мужичөй пыравлөм йылысь. Сэки сьөлөмыс заводитас тэрыба йөктыны, юрас жуны мөдасны өта-мөдсө вежлалысь мөвпьяс: сәні и Анфисалы «водзөс» мынтөм, и ассьыс, мужичөйлысь, тшапун кутны көсйөм, и ещө мыйкө. Найө ставныс чукөрмөны өти гөрөдө — вежөгтөмө.

«Аслыд ов, Егор, ачыд красуйтчы»,— воасны дум вылас Василисаыслөн прощайтчан кывъясыс, и Егор оз нин виччысь су-

седзясысь да рёдвужысь, налён ёшинь увті восьлалас Анфиса ордёдз. Тайё пёрийё сійё дась нин пёртны олёмё Анфисалысь гуся кёсийёмсё, висьтавыны, мый Анфиса мусаджык Василисаысь. А вот Анфисакёд аддзысьём бёрын мыйкё кутё татшём висьталёмсыйс. Гашкё, разалём гырысь челядьсьыс родём, кодъяс вермасны не гёгөрвоны татшём висьтасёмсё.

И со Егор пукалё Анфиса керкаын пызан пельёсас да чёв олё, мёвпалё. Медбёрын гёгөрвоё жё, мый мортлы некор оз сюр овны сёмын ас радиыс, сылы медбёръя лов шыёдзыс пыр лоё мыйыскё майшасьны, виччысьны, медем аслас олёмён эз ло сійёс кытшалысьяслы серам пыдди.

3

«А мый сё морсьыс виччысьнысё?» — быттьокё юасё Егор ассьыс да рёдвужыслысь асывьяснас ёшинь дорын пукалігён, вензё думнас ёшинь дорті мунысьяскёд, кодъяс, сылён чайтём серти, дивитёны сійёс ёткён олёмысь, Анфиса вёсна челядь дорё мунтёмысь.

Дядён шуысь Миколайыс водз, пемыднас на мунё ёшинь увті. Сійё кёрым да ва дасьтё скёт картаын. Лысьтысьысяс локтёдз сійё движок ёзтё ю дорё лёсьёдом чом кодьын, йи увті визувтысь ваыс трубаяс кузя кежас скёт картаё да кёрым вёчан кухняё. Тані Миколай и пусьысь, и пач ломтысь, и механик, и сёвтчысь. Егорлён чеччигкежлё Миколайлён сёысь унджык мёслы пусьёма-пёжасьёма. Руён тырём кухняс сійё ачыс оз тыдав, но мортыс велалёма, кужё аддзыны пёсь ру петкёдлысь стрелкаысё, торйёдлё пёжом ётруб либё идзас быд лысьтысьыслы. Егор тёдё Миколайлысь модасё, тёдё, кызди сійё, таdzi ётнасён уджалігён, шыльёдё-мольёдё удж кузя ассьыс ёртъяссё. Ётруб кё кётасьёмаёс да бакшасьёмаёс вайёмаёсь — медводз сюрас шофёръяслы да кладовщикъяслы, кодъяс кёнкё сідз-тадз уджалігён, колхозной добра вылас госсёлём кань синъясён видзёдігён, тшыкёдісны кёрымсё. Сюриштлывлё и колхозса электрикы, комсомольской организацияса секретарь Вячеславлы. Биыс асывнас час джын эльтчас Миколайлы сюръя йывсянь, ёзйыласкусас, кусас-ёзйылас. «Ёрёмакань электрик, пыр на пёдрута шоньд вольпасяд! — мигайтчысь лампочка вылё кулакнас грёзитчитгыр видчё Миколай. — Матын кё вёлін, эськё, Вечеслав, кётёртлі да кёдзыд ваён койышті жё вольпасяд!...»

Егор тёдё Миколайлысь асья нервничайтёмсё, эз ётчыд висьтасьлы пыриг-петігас. Тёдё и сійёс, мый югдандорыс Миколай пырас фермаса шоньд да сёстём красной уголокё, пуксяс жара ломтысьысь платаа пач дорё, шапкасё ёшёдас косьтыны пач весьтё да крукыля гёрд чуньяснас гартыштас чигарка. Куритчигмозыс тёдмасыс, коді мыйта йёв лысьтёма, кывзысьыштас, мый йылысь сёрнитёны лысьтысьысяс, кутшём настроениеён локтёмаёсь удж вылас. Позьё, дерт, Миколайлы и косьтысьтёг да куритчытёг мунны гортас, но эм помка, общественной помка. Фермаын во джын сайын нин пансис «любовной спектакль», и сійё некызди оз помась. Спектакляс главной геройясыс скёт картаысса том механик Поликарп да лысьтысьысяс — Марья да Саньё. Миколай — фермаын медалыда морт, кызд быттьё главной режиссёрён лои спектакляс.

Эштöдчöм бöрын доналöм плита пач дорын пукалiгөн сiйö кывзысьö, ёна-ö зурка-зöрка ветлöдлöны Марья да Саньö. Ветлöдлöны кö зурка-зöрка — «репетиция» лоас, сiдзкö и режиссёр ковмас. Пырас кö краснöй уголокö татшöм здукö Поликарп, Миколай зумыша видзöдлас сы вылö, и мöдыс кыв шутöг гөгöрвоö: абу на сылөн кадыс. Кодыр зурки-зöрки ветлöдлöм бöрын лысьтысьысь пöдругаяс вежласясны гоз-мöд «мелi» кывiён, а сэсса гөлöснысö лэптасны да воча морöс сувтасны, сэки Миколай чеччö пач дорысь да лэптöм киён сувтö шöракостаныс.

— Шабаш!— дженъыда шуас сiйö.— Гөгöрвоiй, медбöрын, кымынысь висьтала: Поликарпыс некоднанныды абу пара, сiйö вильшасьö сöмын кычан моз! Он öмöй нö адзöй тайöс, пе-ре-дö-вöй дояркаяс? Абу öмöй яндзим тiянлы Поликарп вöсна ассъыныд нимнытö лякöсьтны, нервъяснытö тшыкöдны! Ай-ай-ай!..

Нывъясöс лöньöдöм бöрын Миколай мöдöдчö гортас завтракайтны. Пöпуттьö пыралö Егор дядь ордас. Сiйö öнi гын сапöг утыялö, либö капканъяс лöсьöдлö.

— Бара спектаксинныд?— шпыньмунас-юалас дядьыс.

— Эн шу,— вочавидзас мöдыс.— Нинöм öнiя том йöз оз гөгöрвоны. Кутшöм нö любов, сё трасича, вермас лоны, кор мыйкö-ыс öтарас и мöдарас öти вöйö пыравлö! Нигаяс лыддьöны, кино быд вöй видзöдöны, а нинöмö бурас оз велаvны. Важ батьяс моз кö эськö öтчыд тасмаөн либö леторосөн кöньöдны...

— Олöмыс велöдас,— нырагезсö вынөн кыскыштiгмоз шуö Егор.

— Олöмыс и дойдны вермас, Егор дядь. Сьölöмад пыр кежлö дой вермас тшупыштны. Миян öмöй татшöм любовыс вöвлi, дядьö!..

— Быдсямаыс вöвлi,— бара дзуртышtmөн зэлöдас нырагезсö да шуас Егор.— Тэ эн жö омöля бöрйиысь гöтрасьтöдзид.

— Ме?!

— Вунöдöмыд нин. Ичиньыдкöд кымынысь пöдругаяс йивсьыд тölкуйтiн, юасин, кодöс босьтны гöтыр пыдди?..

Миколай оз сразу вочавидз, тшöкъяvны кутас, табак тшынсьыс быттö. Дядьыс збыльтор, буракö, казытыштiс. Бур на паметъыс стариклөн. Тшöкъялöм да гөрдöдöм син дорсö чышкалöм бöрын бурасьöмөн шуас:

— Öнiя том йöзсö оз позь миянкöд рöвняйтны, дядьö. Сьöd удж кындзи ми нинöм эг тöдлöй. Кызь арöсөн ме лыддьысьны велöдчи. Öнi ставыс дас класс помалöны, мый окота сёйöны-юöны, пасьталöны. Налы и овнысö мичаджыка колö.

Кöть и дöзмывлö корсюрö Егор дядь племянник вылас, оз кажитчы олöм вылас сылөн пыр öти визьöд видзöдöмыс («тайö бур, а этайö лөк»), век жö вермö и прöститны сiйöс таысь. Миколай бур да рам сьölöма, пыр кытчöкö вугымiй чукля кокъяснас и унджыкысьсö оз ас вöснаыс: то кутшöмкö дöвалы начкысьны пыравлас, то кодлыкö потшöссö дзоньталас... Пывсян лунъясö матiгөгöрсä став суседсö дась зыравны: менам пö небыдöсь киясыс, висьöм лöньöдöны. Кокныда кыпалö Миколай суседлөн да рöдвужлөн чукöстöм вылö, шог кö суöма да отсöг колö, быттö мог сувтöдöма аслыс: унджык бур вöчны. Корсюрö Егор öлöдас племянниксö, оз тшöкты вывтi ёна чепсасьны, а дядьөн шуысьыс ыджыда лолыштас да бара гарыштас:

— Вася ичиньö мында бурсö некод огö кужöй вöчны.

Та бöрын дядя-пия бура дыр пукаласны сёрниттöг. Егор вомгорулас муралігмоз угыасьö, Миколай пидзöсьяс вылас мыджсьöмön куритчö. Кыв ни джын оз шуны, а тöдчö, кыкнанныслы любö, мый ортчöн пукалöны. И унджыкысьсö ас кежаныс кыкнанныслөн юраныс бергалö öткодь дум: дядя-пия пыдö да зумыда, тысяча вöсньыд да кыз вужйөн, вужъясьöмаось чужан сиктаныс, вуджöд найöс сзтысь мöд местаö, и кыкнанныс косьмасны, кöть тз мыйöн эн юктав да верд найöс. А тани, оз кö гымньöв уськöд, найö гылаласны чужан муас крöшкиөн-крöшкиөн...

Егорлөн дядьөн шуысьыс уна. Сизим вок семейтчыны удитлісны да и ставныс пöрысьöдз быдгысисны. Быдмисны дядьөн шуысьяс да, ассьыныс олан туйнысь корсигөн, паськыда разалісны вöльнöй свет пасьта. Дас кымын дядьөн шуысь куйлöны братскöй гуясын Москваа—Берлина костын. Аслас ыджыд пиыс Чудскöй районса Ольхово сикт дорын пыр кежлö унмовсис дас кöкъямыс арöсөн. Рам вöлі, каньöс эз печиктывлы, а страшнöй косьын олöмсö пуктіс. Тушаа вöлі, паськыд пельпомьяса да кага сьölöма. Егорлы частö кажитчывлö, мый сійö ачыс мыжа Öлексан усьöмысь. Öд бать дыр кутіс прöщайтчигас мужик тушаа кагасö, кöсйис висьтавны война вылö мунысь пиыслы медся главнöйсö, а сідзи нинöм эз и шу, сöмын чуксаліс:

— Öлексан, кылан, Öлексан...

— Кыла, батьö!..

А Егор сідзи нинöм эз и висьтав. Висьталан öмöй, велöдан öмöй медбөрья здукö! Колö вöлі сьöрсыйд новлöдлыны Öлексанöс вөр трöпаясті, ош гу дорö матыстлыны, сьöкыд ноппйöдлыны, колö вöлі мудеритны да мужичöйөн лоны велöдны, колö вöлі немецьяс йылысь висьтавны, кодъяскöд германскöйын на косясьліс Егор. Висьталан öмöй тайöс медбөрья здукö! Экма! Татшöм шудтöм туй помыс вölöма таллянка ньöбигкості воём пилөн...

Кытчö сöмын эз шейышт олöмыс дядьөн шуысьяссö. Чужан сиктö со мужичöйяс пиысь Миколай да Генрих и вужъясисны.

Генрихкöд Егор оз вермы пукавны Миколайкöд моз, кöть мöдыс и ыджыдджык да вежöраджык рöдня туйö пуксьö.

Генрих, нелямын арöса дядьö жö нин, «шöма юрөн» сöмын пыравлö Егор ордö: рака борда шапкаа, ёна пидзöсасьöм гача, не туша серти фуфайка сосьясьыс петöм ыджыд гöрд кияса. Кутö асьсö степеннöя, важ пöльяс моз быттьöкö. Порог вомөн воськовтöм бöрын найö вöйдөр сувтлісны да енув пельöслань бергöдчывлісны, пернапас чöвтлісны, сзсся вöлисти шыасьлісны. Сідз жö и Генрих. Пырас да сувтас порог улö, куричвесьтса джаджьяс люкасьö. Енув пельöсö видзöдігмоз исковтöдас юр вывсьыс шапкасö, сзсся вомсö муртса восьтывлöмөн «здоровье» шуас.

— Здравье колö,— вочавидзас Егор.

Сöмын та бöрын Генрих кучкыштас кок на кок, порог улö кöсйö кольны, öшйöма на кö мыйкö гын сапöгас, да пукяс öдзöсладорса лабич помö, кытчö бура воö ломтысьысь дзöля пачлөн югöрыс да шоныдыс.

Здук-мöд чöла пукалöм бöрын Генрих мöдысь шыасяс вом дорьяссö чери моз восьтывлöмөн.

— Вай олөм йывсьыс тölкуйтыштам, дядьö...

Егорлы нинöм абу мустöмджык сыысь, кызди олөм йылысь

төлкуйтны Генрихкөд, ставсö ылöсас сёрнитö да дивитны радейтö. Дивитö Миколоай воча воксö быдлаö суитчöмысь да гöтырыслы вöля сетöмысь: «мужтшиналы» пö му пуксьöмсяньыс шуöма лоны семьяын ыджыдөн да сідзи пö и колö кутны асьтö.

— Код нö шуöма?— юалас Егор, мед кызкö öдйöджык дözмöдны да мынтöдчыны дядьөн шуысьсыс.

— Дуран жö, дядьö,— шмонитöмөн чайтö дядьсö Генрих.— Важ пöльяс, вежöра дядьöяс шулöмаöсь да сідзи нуöдлöмаöсь визьсö.

— Мися, лöзыс оз бырлы гöтырыдлөн син дорсьыс. Чайтлі, мавтчö...

— Гöтыръяслысь пöперечитöм эгö терпитлöй да и водзö огö кутöй терпитны, дядьö. Пидзöсьясöй тівраны кутасны, кыла кö нывбабалысь тшетшкысьöм.

«Кысь татшöм бöлбаныс лööма»,— ас кежсьыс шензьö Егор да скöракодь крапкö-шуö:

— Душ-мöдысь кö дас вит суткиавласны, сэки дутдан тівранытö.

— Дядь жö эськö тэ: мый ог шу, пыр мöдарö бергöдан. Пöрысьыд, буракö, босьтны жö нин кутöма.

— Ланьт, жынняяна вöв!..— орöдас Егор.

— Э-эн скöрмöдчы,— вашъялігтыр нюжöдас Генрих.— Ме бурөн сёрнитны пыри. Кымынысь видзöда, да дзик жö нин миянöс, дядя-пияс, öти бала вылысь кульыштöмаöсь, ныр и, вом и, туша-мода и — ставыс жö нин öти пуысь поткöдöма, а мöвпалам со разнöя. Мыйла эськö тайö, дядьö?

— Меным некор вöлі бöлбанитнысö да сы вöсна, Генрих.

— Огö вай увтыртчöй, дядьö-ö...— бара нюжöдас важ пöльяс-слысь визь кутысь.— Нервыясыс öнйя пöраö сідз нин пасьмунöны. Мый он босьт — гöгөр непöрадок. Космосö чиркъялöны, лотöны кытчö оз ков деньгасö, а мый мути сыысь, кор сёян-юансö вöчны на эг велалöй важ пöльяс моз! Войдөр Педот купечыдлөн магазинын банийöм кöлачъяс да гöрд вылыса преникъяс абу и быравлöмаöсь, босьтан пö вомад да сылö, а öнй сэтшöмсö аддзан жö мöй! Либö тэнö босьтан, Егор дядь: велöдін челядьтö инженерьясöдз да учителясьсöдз, а мый сыысь тэныд пöльзаыс? Дядьөн шуысьясыд кö огö пыравлöй, мортос он и аддзыв...

Егорлөн скöрысь вöрзьöны вом доръясыс, тыдалö, шуалö мыйкö Генрихлөн блонгöм шы улö.

— Мый шуин, дядьö?— юалö Генрих.

— Мися, бöлбан-бöлбаном и есть!

Генрих чöv ланьтö. Сэсса ньöжйöникөн чеччö лабич помысь да шыасьö быд кыв костөн-костөн тэчöмөн:

— Сёрнитыштим. Гашкö, кыткö эг сідзи шу. Гашкö, кытсюрö чукальöдлытöг висьталі, миян рöдыс веськыда радейтö сёрнитны, ачыд тöдан, дядьö. Гашкö, ме и абуджык прав, кöть грамотанас абу ёна слаб, колö шуны. Грамотасö он мырдды: век жö öкмыс класс помалöма кызь во сайын, пизика и химия. Грамотаыс, колö шуны, эз ёна сьöкыда сетчы, ас вежөрөн вöлі воöдча за-дачаясад да мыйкöясад, кыз нин шуны... Но, кольöманас ошйысьны огö кутöй, дядьö,— тадзи шуам. А сёрниөн и водзö вежласны кутам... Мыйкö шуин, дядьö?

— Водзлань, мися, волив!— пöшти горöдö Егор.

— Воливлім, воливлам да и водзö кутам воливлыны рöдвуж ордö, кöдзöдчыны огö кутöй.

Генрих оз кöдзöдчы. Стопка кö юöма, бара нин пукалö дя-
дбыслөн порогдорса лабич помын да лöсьöдчö вомсö восьтыны,
медым шуны: «Олöм йылысь тöлкуйтыштны кöсья, дядьö...»

4

Генрихлөн пыравлöм бöрын Егор быттьöкö воштö мыйкö либö
вунöдö вöчны важөн мөвпыштлöмтор. Та вöсна сийö вель дыр
пукалö нем вöчтöг, пидзöсьяс вылас кияссö пунктöмөн видзöдö
пемыд öшиньö: мыйкö оз тырмы, и ставыс. А сэсся пукалiгмозыс
выль пöв казтыштас Генрихкöд сёрнисö да сьöлыштас, сьöлöм-
сянныс шуас:

— Бөлбан бөлбаном и...

И Егор заводитас скöравны ас вылас Генрихлы колана кывъ-
яс шутöмысь. «Мудрец пыдди кутö асьсö,— сёрнитö аскöдыс
Егор,— а вежöрыс пышкайлы кокыштмөн. Блонгö важ пöляс
да гöрд вылыса преник йылысь, а оз гөгöрво, бөлбан, мый
пöляс мозыс кö тыла вöчны ковмис — эськö öдйö караул го-
рöдiс, бюллетень корис. А код мутиыс тэныд вештыяс, пöнöмар
али Педот купеч! Синсьыд би сявкйö, да он куйлы, кöсьян кö
пиньнад гужöдчыны. А талун тэныд, блонöлы, несйыштан кö —
бюллетень мыччасны, чуньтö кö ёнджыка дойдан — карöдз лэ-
бöдасны дон босьттöг, дышыдла юсян, да став властыс волас
ен дорö моз: гашкö пö ыджыд шог суис, да сы вöсна юсин,
уджалысь морт. А тэныд, блонöлы, «гөгöр непöрадок», Педот
купечлөн магазиныс дум вылад. «Пöрысьыд босьтö жö, дядьö»...—
нерö Генрихöс Егор, и пельпомъясыс веськалöны, морöсыс водзö-
джык сетчö. Арлыднас, гашкö, сiдз, а вежöрыс да сьöлöмыс —
эн шу! Вирыс кö важ моз котралiс да мускульясыс кö брунакы-
лiсны, пияныс туй кузя эськö мунiс: трунда гырк шобны либö
рабола... лабораторияö, либö Мöскуваса медыджыд школаö, кöни
учитель-пиыс велöдчö, медым ставсö тöдмавны, вöльнöй светас
мый да кыдзи вöчсьö.

— Петыр Öлексанлөн слабинкаыс,— видö Егор колхозса
парторгöс.— Оз позь Генрих коддьöмöс божья вöля вылö лэдзны.
Сэтшöмъяс дорас колö нюдз ньöрийөн сулавны да сöмын кöньк-
нитны да кöнькнитны, медым помся коклябöрсö лэпталiсны.
Сэки вирныс öдйöджык ветлыны кутас да юрвемныс стöчджык
мөвпгяс чукöртас, кывтны вöрзяс писькöдöм нюйта ты моз.
Слабинка, слабинка лэдзöмýд, Öлексан.

Важ том дырйиыс кö, Егор мир серам вылö лэптiс Генрих
моз нюйтасьöм том морттö, быд пöрйö мыйöнкö да крукыштiс.
Кольöма кадыс. Сьöлöмыс Егорлөн оз нин кузя ыпгьяв том дыр-
йиыс моз, кöть и кылö да йöткыштчö на сылы мустöмтор вылö,
да дженъыда нин ыпгьялö.

«Со, другö, кыдзи...»— мыйкö вунöдöмтор мөвпыштигөн ташкö-
дö гач зепгясас, лабичас (истöг корсьö) да ылöсас шуалö Егор.
Оз сюр бурөн көрöбыс. Сэки сувтас гөрбыльтчöмөн да стөнын
югыд би öзтанөн точнитас. Йирксянь кузь көв йылын öшалысь
лампочкаыс лöниника восьтас комната шöрсö: истöг көрöбыс
пызан помын куйлö.

«Со кыдзи, другö,— папирос тшынсö гежöдика пöлялiгөн
мөвпалö-сёрнитö Егор.— Мортыд олiгчöжыд пыр водзö тэрмасын,

водзысь чайтан став бурсö, а, вöлөмкö, став бурыс пыр унджык и унджык бөрö кольö. Он кö мөвпыштлы, он и казьяв, мый оломыс быд лун мыйкö бурöс либö омольöс козыналö, козыналас, и — мырддяс, аски кежлö выльöс дасьтас. Оломыс Егорлы первой сизим чоя-вока семья козыналіс, ичötөн на вöлі — батьсö мырддис, бурлак кадö воис да нимкодъпырысь тöдмаліс, мый матігö-гöрсä сиктьяссь зонъяс сійöс некод паличөн да чунь крукөн оз вермыны кыскыны, оломыс ыджыд вын да ён сьölөм козыналöма. Призывайтчан кад воис, да комиссияса фельдшер ёна тапкөдіс Егорöс гөгрöс пельпомъясас, паськыд морöсас, зумыд пөкъяса кокас да «флот» шуис.

Флотскöй служба вывсянь первой отпускö воис, да оломыс Василисаöс, дас вит арöса нылöс вочаöдіс. Сэсся пöшти нель во чöж тайö козиныс йöктöдіс, сьылöдіс Егорлысь сьölөмсö, отпускö петігкежлö Петроградса магазинъясысь медся мича чышь-яньяссö да чöскыд дукияссö зон корсысьліс. Егор эз и гөгөрво-лы сэки, мый сійö воясас медся шуда вöлөма, а пыр водзö тэрмасис, мед эськo öдйöджык воис колис да Василисакöд аддзисис. Тадзи и лэбзьöны воясыд. Лэбзьöны косавлытөм вылö, нуöны сьöрсьыныс сетлөм да бөр босьтөм шог да радлун. И аския лун кежлас виччысянторйыс пыр вöлөм кольö этшаджык. Косавлытөм вылö бөрö кольöма Егорлөн томдырся выныс да кыпыдлуныс, гражданскöй война кадся сэки гөгөрвотөм воясыс, кор воклы вокöс ковмывліс сувтöдны стен бердö. Ылынöсь медводдза колхознöй празникъяс, челядьöс быдтан гажа кад, некор аддзысьлытөм вылö энöвтис Егорöс Василиса, нэмөвöйся олан ёртыс. А зэра лунъясö том гозьяөн кыпöдөм коркö зумыд да серамбана керкаыс пыр ёнджыка йöжгыльтчö, ляпкалö, вуджөр кодьөн лоö: сійöс выльмөдны зільлунсö да вынсö оломыс оз нин козынав Егорлы, сөмын көсйöмсö сьölөмас кольöма на.

Василисалөн кулөм бöрын да медтом пиыслөн Москваö велöдчыны мунөм бöрын Егор оліс на, быттöкö оломыс мыйкö дыра кежлö чудеса вöчис — Егорлысь важөн вунöдөм том дырсö бергөдіс: выныс на эм вөрö петавны, ковмас кö, часысь регыдджыкөн нель верста погост вуджны, сямьс да көсйöмыс на кольöма серам петкөдлыны ас коддьöм да томджык нывбабаясылысь, көть босьт да быд рыт войпук вылö мун, а сэсся гөтрась. Рөдняыс да матыса йöзыс ышлолалісны Егоркөд паныдасьлігөн, сёрни панöны керкаас ас коддьöм арлыда көзьяйкаöс вайöдөм йылысь. Егор дөзмывліс, эз тшөкты пель сьöдмөдны, а деревнясö кытшовтөм бöрын рытторувнас Анфиса ордö кежавліс.

Ыджыд война дырйи том дөваөн кольöм Анфиса ордын Егорлы вöлі шоныд да любö. И Анфиса эз вöv веськодъ виччысьтөм воысь дорö: рад вöлі сы керкаын одеколон дука папирос тшынылы. И пöймсö Егор öнйя кодсюрö том морт моз оз джоджас чирйы, а ки пыдöсас либö истög көрöбас. Чай юны кö пуксясны — Егор кампет тубыр перъяс морöс зепсьыс либö шкальчик сувтөдас шумитысь самöвар бокö. Татшөм воысьыс важөн эз вöвлы ветымын арöса Анфисалөн, мыйла нö, сідзкö, öтдортны мортсö! А öтчыд, Анфиса ордын не первойысь чай куйгөн, көзьяйка серөктыштис кокныдика, лөсьöдыштис ыджыд кудель кодъ сьöд юрсисö да висьтасис.

— Мун да и шензьи сэсся, Егор,— шуис сійö.— Верөссай-

тöм, гуляйттöм нýлөн вöли, а öд öти кадö бура дыр кыйöдчывли тiян бöрся, кор колхозса преднад на уджалiнныд.

— Но?..— шензýштіс Егор да яндысьöмөн муртса видзöдліс Анфиса вылö.

— Сё збыль,— шуис мöдыс.— Мися, эськö öтчýд кö окасьны сюрлас матрос Егоркö! Господьöй!..— тупкис чужöмсö Анфиса.— Да тэ эн серав, Егор! Тэ öд сэки зэв на ён да синмö шыбитчана вöлин.

— Ог жö серав,— серавлö любöйсла Егор,— öні на öд абу шыбитана!..

Сэсся кыкнанныс бура дыр серавлісны бөрö кольöмасö гозмöд кывйөн казтывалігөн, сöмын Егор эз помöдз висътась Анфиса моз, мый сійö и ачыс коркö син бöжнас кольöдывліс пава моз ветлысь вылын да гöгрöс морöса Анфисаöс, гашкö, сійö кадас жö, кор Анфиса сы йылысь мöвпавлöма.

Öтнасөн кольöм бöрын Егор кызы верст сайын вöралан керкасö прамöя выльмöдіс, важөн эновтлöм чöс туйяссö бөр восьталіс, но тайö визувлуныс абу нин вöлöма дыркадся.

И со Егорлөн олöмыс лои пыр кежлö сувтöм пароход кодьөн. Öдйö быдмöны öшинь увті школаö котралысь челядь, воысь-во паськыджыка да пыдіджык тöдмалöны на гöгöрса олöмсö. Егор тшöтшгьяслөн пöльөн шуысьясыс кöлысьяс заводитісны ворсны. Ставыс кытчöкö тэрмасьöны, кыдзи коркö Егор Василисаыскöд. А сылы öні некытчö тэрмасьнысö. Быттö сувтöм пароход вывсъянь сійö видзöдö ытва ва моз öдйö визувтысь олöм вылас, а ачыс пыр бокöджык кольö визувсьяс, шума олöмыс сытöг кывтö уна йöза ыджыд пароходөн.

Торйөн нин ёна казялö ассьыс öти местаö чорыда сибдöмсö сэки, кор пöлыштас тувсов тöv, кор енэжлөн пыдöстöм лöz йирын кыласны лунвывсъянь воысь лэбачьяслөн борд шыясыс да чужан муö лэбысь дзодзöгъяслөн нор да мелі дзурликтöмыс. Сэки öтпölöса, шапкатöм Егор дыр сулалö кильчö бокас кияснас мыджсьöмөн, енэж йирö юрсö чатöртöмөн, быттö доймöм лэбач, коді оз вермы вöтчыны джуджыд енэжсö поткöдысь ёртьясыс бöрся.

Татшöм здукъясö дядьөн шуысь Миколайыс тшöкыда сулалö Егорлөн керка öшинювса льöм куст дорын, жалитö шогсьысь дядьсö.

«Меным нö мый,— аскöдыс сёрнитö сійö татшöм здукö.— Мед, ме пайысь, Анфисасö дзикöдз вайöдас, гажаджык кö лоö...»

Но Егор тöдö: кык олöма морт оз вөрзёдны «сибдöм пароходсö». Вот эськö пияныс кö воисны. Көть öти пи челядьыскöд, Егорöс дедөн шуысьяскöд!.. А найöс татшöм жö тувсов тöv пышйöдіс, көть и эз веськодь вöv налы чужанiнныс. Медся ичöтыс со кутшöм любöпырысь тайö льöм садсö вöрысь вайис Миколайкöд, потшис, керка весьтаныс быд тулыс скворецлы поз лэптыліс. И öні со гижö, видзны тшöктö садсö батыслы, кыдзи пыр кежлö казтывлантор.

Воис кö гортас көть öти пи, сэки эськö бөр вөрзис водзö Егорлөн визувтны олöмыс. Пиыс эськö, дерт, сад да керка весьтас лэптас лэбачьяслы поз. Моньыс да внук-внучкаясыс öшинювса йöрын вöчасны мича градьяс. Сэсся ар кежлас ва дор кыр йылö выль пывсян стрöитасны. Егор эськö тапикасис на

гөгөр, велөдіс том йөзөс, кызди колө өттор-мөдтор вөчны, сэсся ветліс Пурга керөсө пөльон шуысыяслы озла. Вуджөдліс эськө внукъяссө мөдлапөлө, нуөдліс мырпома нюрө, велөдіс радейтны пөляяслысь мусө. Лөк өмөй шоныд ытторулас төлкуйтны велөдчөм пиыскөд ыджыд олөм йылысь! А найө асьныс корөны. Кытчө? Егор сьөлөмлы төдтөм, көдзыд муө. Иван ошйысьө тундраын выль шахтаясөн, бать нима Егор пиыс гижө лаборатория йылысь, кытысь, шуө, петавлывлө сөмын сөйны да узыштны. Батылы ставыс тайө мыйлакө абу матыса. Вот эськө пиянсө важ моз петкөдны видз вылө, сувтөдны орчча покосьясө, гортө воны да өти пывсянын мыссьыны...

— Воөй, дона пиянөй,— шөпкөдө батылөн сьөлөмыс.— Гортө локтөй, бать мусө выльмөдөй.

А бумага лист вылө водысь поснъыд букваысыс юөртөны мөдтор: «Төлыс таво бара на вөлі көдзыд. Көчъяс выльысь йывмөдчисны, кызди ыджыд войнаөдз вөвлі. Пуктывлі жө капканъяс, да пуктавлөмнас и колис: Миколай ветліс бөр лэптавнысө. Кольөма, пиянө, кадөй. Керканым важмыны кутіс. Льөм сад кольөм гожөм дзоридзалис нин да тусъяс быдмывлісны, пөльон шуысыяслы чөсмасьмөн вөлі нин. Тулыснас тырысь шоръясөн лым ваыс муніс, ёна писькөдчыны ковмис...»

— Дона челядьөй, кутшөм гажа эськө, өтлаынөсь кө,— шөпкөдө Егорлөн вом дорыс, а бумага вылын лөз кывъяс тэчөны мөдтор: «Уджалөй бура, олөй бура, пөльон шуысыясөс быдтөй да велөдөй бура. Тянөс радейтысь бать Егор...»

Письмө кырымалөм бөрын оз вермы пукавны Егор өтнасөн, татшөм здукө сійө рад, мед көть Генрих пырас олөм йылысь төлкуйтны. Сэки эськө тшук висьталис Генрихлы дядьыс, мый Егор — пөляс мулөн нэмөвөйся раб, сійө оз вермы овнысө өшинь пыр тыдалысь вөр-ватөгыс да сэті быд лун вуджөртысь йөзтөгыс. И мый сійө, Егор, оз көсйы мулөн ичөт кытш дорө татшөм сирасьөмсө пияныслы, внукъясыслы. Сійө көсйө, мед найө босьтөны сьөлөм берданыс ещө ыджыдджык сьөкта — паськыд чужан мулөн уна помө өткодь пөся радейтчөм...



«Эзысь борд» конкурслы кывкөртөд

2010 вося декабр 27 лунö Сыктывкарын, И.А.Куратов нима литературно-мемориальной музейын, лой вöчöма коми кыв вылын литература гижöдъяса республикаса «Эзысь борд» конкурслы кывкөртöдъяс. Конкурссö котыртлісны «Войвыв кодзув» журнал редакция, Коми Республикаса гижысь Котыр, Коми Республикаса национальной политика Министерство, Коми Республикаса печать да юөр сетан Агентство, Коми Республикаса Государственной Сöвет отсöгөн.

Вермысьясöс чолöмалісны Коми Республикаса Государственной Сöветса Председатель М.Д.Истиховская, Коми Республикаса Государственной Сöветса Председательöс вежысь В.П.Марков, Коми Республикаса национальной политика министрöс вежысь Г.И.Габушева, Коми Республикаса гижысь Котырса председатель Е.В.Козлова да «Войвыв кодзув» журналса главной редактор М.А.Елькин.

Вынсö да кужанлунсö конкурсын видлісны 60 автор, вöлі вöйöма 141 гижöд. Творческой уджъясыс видлавсисны вит номинацияын: «Проза», «Поэзия», «Публицистика», «Драматургия» да «Перевод».

Конкурсной комиссиян веськөдліс Коми Республикаса гижысь Котыр правлениеса председатель Е.В.Козлова. Сідзжö комиссияö пырисны Коми Республикаса гижысь Котырын уджалысьяс, «Войвыв кодзув» журналса редколлегияö пырысьяс да общественной деятельяс.

Быд номинацияын комиссия бöрйис öти вермысьöс.

Конкурс серти комиссиялөн шуом:

«Проза» номинацияын вермысь — Владимир Тимин («Биармиаса викинг» роман).

«Поэзия» номинацияын вермысь — Анжелика Елфимова («Зэралымъя костас...» да «Карса...» кывбур чукöръяс).

«Драматургия» номинацияын вермысь — Николай Чугаев («Шегъясям?...» пьеса).

«Публицистика» номинацияын вермысь — Александр Ульянов («Дереваннойса Öльöксанъяс» очерк).

«Перевод» номинацияын вермысь — Нина Обрезкова (Альбертина Ивановалысь (Марий Эл) «Шöвк бордъя лэбачöй» кывбур чукöр вуджöдöм).

Редакция нимсянь аттьöалам литературной конкурс котыртны отсалöмысь да вермысьясöс дона призъясөн могмöдöмысь — Коми Республикаса Государственной Сöвет да Государственной Сöветса Председатель Марина Дмитриевна Истиховскаяöс; Коми Республикаса национальной политика министр Валерий Иванович Коробовöс; Коми Республикаса гижысь Котырöс; кывкөртöдъяс вылö воысьясöс гажöдöмысь Коми Республикаса народной артистка Лидия Петровна Логиноваöс, Михаил Иванович Оверинöс да Анастасия Александровна Ветошкинаöс.



Выль небӧг



З 26 Зыряне и зырянский край в литературных документах XIX века / Сост., вступ. ст. В.А.Лимеровой. — Сыктывкар: ООО «Издательство «Кола», 2010. — 520 с. — Антология текстов.

ISBN 978-5-7934-0366-5

Небӧгас ӧтувтӧма Коми му, коми-зыряна да Войвыв йылысь гижӧдъяс, кодъясӧс XIX нэмын лӧсьӧдлісны татчӧс войтыр, тшӧтш и комияс.

Тайӧ гижӧдъясыс лоины медводдзаӧн комисӧ мукӧд войтыр водзын

восьтӧмын.

Небӧгыс вермис «Книга года» конкурсын — медбур небӧг рочӧн.

ББК 26.89 (2Рос.Ком)



ПЫДДИ ПУКТАНА АВТОРЪЯС!

Редакцияӧ гижӧдъяснытӧ ыстігӧн быть колӧ юртны:

1. Ассьынд ним, вич, ов; кор да кӧні чужлӧмныд (лун, тӧлысь, во).
2. Паспорт юӧръяс: номер, серия, кор да кӧні сетісны, гортса адрес (прописка серти).
3. Индивидуальной налоговой номер — ИНН (кодлӧн эм).
4. Страховӧй свидетельство номер.

Тайӧс юрттӧг редакция гонорар оз вешты.

*Журналын йӧзӧдтӧм гижӧдъяс
редакция оз рецензируйт и авторыслы найӧс оз мӧдӧд.
Редакция оз век во ӧти кывӧй авторъяскӧд.*

Комп. набор и верстка **Н.Кузнецова**. Корректор **Т.Югова**.

Адрес редакции: 167982. ГСП-2, г. Сыктывкар, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс).
E-mail: kodzuv@mail.ru

Подписано к печати 12.01.2011. Формат 70х108^{1/16}. Печать офсетная. Усл. печ. л. 7; усл. кр.-отт. 8,4; учётно-изд. л. 7,54. Тираж 825. Заказ № . Регистр. ПИ № ФС 3 - 0226. Публикация материалов по освещению реализации социально значимых проектов осуществляется при государственной поддержке в форме субсидии Агентством Республики Коми по печати и массовым коммуникациям. Отпечатано в ООО «Кировская областная типография», 610000, г. Киров, проезд Динамо, 4.